


NGUZU ZILONDOKEDE KU BUKOMPAMI BULONDOKEDE

 Mwabuka, beenzuma. Ncibotu kuba kookuno alimwi cifumo cino muciiindi eci cisangene, caanda, amvula mpati. Kuziba kuti bunji bwanu mwa jisi ciindi cikubwene ca kweenzya, kuboola kuzwa ku misinzo milamfu. Elyo tu jisi bamwi. . . aba beenzuma bayandisi bazwa ku Chicago a Alabama a Georgia a Tennessee a Illinois a koonse, ku mazuba aya, aboobo tuli. . . syoma kuti Leza uyo mupa bukwalibili Bwakwe mbuli mbo mweendela. Elyo mupailo wesu wakuti Uyo kukwalibili mu migwagwa, mu migwagwa eyi ya ntenda mbuli mboi tezeleka ciindi camapeyo. Alimwi eci ncisi cibbi mu ciindi camapeyo. Calo ncisi cibotu maningi ciliko mu tusensa na cabutololo, pele mu ciindi camapeyo a ciindi camainza ncibyaabi loko.

² Lino, Nse yeeyeli kuti bali mukurekorda mbuli omuya. Elyo Ndi yanda buyo kwaamba kaambo kajatikizya Munsondo yainda, mu mulumbe. I kaambo Nce—Nce kajatila teepu akuta balekela kusambala teepu, kwi igwisya, ee, kali kaambo kakuti Nde elede kwiilingula lutaanzi. Nkaambo ziindi zinji, nzila eyo, inga Nda amba zintu mu mbungano okuno kuti inga Nse ibikka kumbele lya buleya mbuli boobo, nkaambo ziindizimwi cileta cilebyo. Elyo ziindizimwi cicitya mibuzyo akati ka bantu besu okuno ku cikombelo. Elyo cili. . .

³ Ta ndaambi eci. . . kwaamba zintu ezyo kuba wiimpene, pele ziindizimwi kungsi lya bunanike ula ziba zintu nzota konzyi. . . inga tooba acamba kwaambila bantu. Mpawo ziindizimwi kungsi lya bunanike cintucimwi ciyo sobelela, nywebo mwabona, nkabela tamu kaciboni. Elyo cimwi ca zintu Nze syoma ca kaambwa (Munsondo mwakainda) eco inga caletela muntu umwi. . . cindi Ne kaamba kuti Nse kasyoma mu lwiito lwaku cipaililo. Mwabona?

⁴ Ndi yanda kwaamba eco a antangalala kutegwa mumvwisye. Kwakanyina lwiito lwaku cipaililo lwakabambwa mu Bbaibbele. Takukwe cintu cili boobo mu Lugwalo. Taakwe busena muciiindi coonse ca makkalo nko lwakabambwa kusikila ku bukkalo bwa Methodisti, kutandila myaka ili myaanda yobile yakainda, mwabona.

⁵ Lwiito lwaku cipaililo ndwa cindi bantu baboola a kusola kusungilizya a kukwela bantu, “Ko boola, Johane. Yebo ulizi, ba. . . Banyoko bakafwa, ku pailila. Ko boola, Johane.” Oko takuli kulamwa, beenzuma. Peepe. Yalo—yalo misyobo, Ndi. . .

mbuce loko mbo mutana kumvwa umwi eyo isola kusakana loko. Elyo, muli ceeco, mula jana zintuzyonse. Ako nke kaambo mbungano yoonse ncoili mu lupyopyongano mu nzila mboibede sunu, nkaambo ka zintu zili boobo.

⁶ Kulamwa, toelede kwaamba cintu, mukwesu, Leza nkwali ku kucita mulimo. “Kuciindi Petro nakaamba Majwi aya Muuya Uusalala waka bawida abo bakamvwa Ijwi.” Mwabona? Mwabona? Mwabona? Kwiina lwiito lwaku cipaililo, mwabona, kwiina cintu cili boobo.

⁷ Lino, cipaililo mbusena bwa mipailo awo muntu aumwi mpa boola ku mbungano mpaelede kusaanguna kunjila, kufugama ku cipaililo, kukomba cabuumuzi kuli Leza a kupa nkubizyo yabo ya mipailo a—a ku bayandwa babo, a kulumba Leza nkambo ka ceeco nco kacitila mbabo, mpawo kujokela ku zyuuno zyabo.

⁸ Elyo mpawo mbungano mbusena awo Ijwi lya Leza. . . “Elyo lubeta lutalikila ku Ng’anda ya Leza,” oko lubeta lwa Ijwi nkoli yutukila. Mpawo. . . Pele sunu, tula—tula cinca eco kunji loko.

⁹ Lino, Nse jisi cintu aganyu umwi oyo upanga lwiito lwaku cipaililo, mwabona. Oko. . . Elyo Nda kabamba kunji loko lwangu, alimwi antela Njo bamba kunji ikuti na Nda zumanana muunka. Pele kuli lwangu buyo. . . Mwabona, mula—mula—mula muyobolola banji loko. Elyo kwiina cintu caku cilwana, kwiina bubi muli neico. Cili kabotu. Mwabona?

¹⁰ Nkaambo, amuswiilile, Jesu wakati, “Taakwe muntu ukonzya kuboola kuli Ndime citakuti Taata Wangu wamukwela lutaanzi. Elyo boonse abo Taata mbaka Ndi pa bayo boola kuli Ndime.” Mbo mbubo. Aboobo mpawo, mwabona, bali. . . Eco cigusya lwiito lwanu lwaku cipaililo kumaninina. Mwabona? Mwabona eco? “*Boonse* i Taata. . .” Nywebo. . .

¹¹ Mulimo wesu—wesu ngwa ku “kambauka Ijwi.” I Bbaibbele lya kati, “Boonse bakasyoma baka bapatizigwa.” “Musanduke, a kubapatizigwa mu Zina lya Jesu Kristo ku kujatilwa, kulekelelwa kwa zibi.” Inzi? “Amu bapatizigwe mu Zina lya Jesu Kristo kuti mujatilwe zibi, mwabona, elyo mpawo muyo tambula cipego ca Muuya Uusalala.”

¹² Pele cindi mwasungilizya a kukwela a kuyoosya bantu, a kwaambaula bantu mu. . . Bantu beelede kuboola kabali kabotu, cakubatama, kungsi lya kulamwa, a kutambula Kristo. Mpawo cintu citaanzi nco bacita kufumbwa buyo batambula Kristo kabakkede mu zyuuno zyabo, cintu citobela nkubbizigwa mu Zina lya Jesu Kristo ku kujatilwa kwa zibi ezyo kuti bakalamwa kuti bali lubide. Eyo nje nzila mbo bajatilwa ku zibi zyabo, mwabona. Nkaambo ba keempwa; ba bapatizigwa mbuli ciibalusyo ku bantu, kuti, “Nda katambula Kristo mbuli Mufutuli wangu wacigaminina”; mpawo uleelede kutambula Muuya Uusalala.

13 Elyo, lino, bantu banji bala zumanana, kusungilizya a kwiita ku cipaililo, a zimwi zimbi mbuli eco, calo cili kabotu. Njo unka a ceeco, eco cili kabotu cakulondoka kuciimo mbuli Mbwe langanya, kufumbwa muntu uyanda kucicita. Pele, kuli ndime, tacili ca Lugwalo, nywebo mwabona, alimwi aboobo Ndi—Ndi yanda buyo kukkala a Lugwalo.

14 Elyo nkikaako kaambo Nce kaijata teepu eyo kali kaambo kakuti inga wajana eco akuba a magwalo ali myaanda yosanwe mu mvwiki ya kwiingula. Lyonse. . . Walyata buyo kuniini a kansiyansiya kaniini muntuumwi nka jisi, nkabela oko nku koonse koelede kucita, mpawo coonse cila lingulwa alubo.

15 Elyo Ndi yeeya kuti, ziindi zinji, kuti Ndili sikukazya aniini ku zintu zyandeene mbuli eco. Elyo Nse kanzi kuba boobo, pele ciindicimwi maofesi aku kwelela munzila eyo, nywebo mwabona, alo—alo akubamba kuyaama nzila eyo. Elyo aboobo Ndili masimpe bantu bala cimvwisya eco.

16 Lino, lino lumbide kapati kuti tu cijisi Taata Wakujulu sibuyaya Oyo—Oyo uulanga ku bulubizi bwesu alimwi ta balanganyi kuli ndiswe.

17 Nda kali kubala omuya mu Bbuku lya—lya ba Roma, cipati 4, oko Paulo nkwa kalemba i—i bupanduluzi bwa Buleza ibwa buumi bwa Abrahamu. Lino, tu lizi kuti Abrahamu ziindi zinji wa kabaanga zya nyonganisigwa mbuli mbo tucita. Pele cindi i. . . bupanduluzi bwakwe bwa buumi nibwa kabwembwa, kwiina kumwi kunyonganisigwa kwakwe kwa kaambwa, nywebo mwabona, taka bwaamba pe. Kati:

*Abrahamu taka zungaana aa cisyomezyo ca Leza
kwiinda mu kutasyoma; pele wakali muyumu. . . kapa
kulumba kuli Leza;*

18 Mwabona, alimwi eyo njenzila Nje langila bwangu kuya kulembwa Okuya, tabuli bulubizi bwangu a zintuzyonse, pele eco buyo Nce sola kucita, bukanze bwa moyo wangu bwa kucitila bantu ba Leza.

19 Elyo lino twa boola cifumo cino ku—ku sola kuleta mulumbe muniini okuno kuti ndiza Mwami waubikka ali ndiswe ku kupa bantu. A kusyoma kuti uya kumugwasya a kundi gwasya, nkaambo tuli antoomwe a kupona mu ciindi cibotu loko, a mazuba aaku mamanino. Aboobo katutana buyo kuba a mupailo, Ndi yanda kubala masena aakubwene mu Ijwi; bomwe kakutanaba mupailo, a bumwi kwamana mupailo. Elyo lutanzi, kujula kuswaangana kwesu, na, cibeela eci ca ncico, Ndi yanda kubala kuzwa mu Bbuku lya ba Hebrayo. I cipati 11 caba Hebrayo, a makumi otatwe- . . . kampango 32, kotalika, kwaambaula makani aa *lusyomo*.

*Lino ino Nda ambe nzi cimbi? na ciindi inga candi
mamina ku kwaamba zya Gideon, . . . zya Baraki, . . .*

Samusoni, . . . Jafita; . . . Davida . . . Samuele, a zya basinsimi:

Abo ku lusyomo bakazunda mami, bakoonda milimo iiluzi, bakatambula cisyomezyo, baka muma mulomo wa balavu,

Baka zimya bukali bwa mulilo, ba kayokoka kunsonga zya mabemba aa mapanga, a kuzwa ku bukompami . . . baka yumizigwa, bakaba bakali mu kulwana, kucitya muzwakule kucija, impi zya bamuzwakule.

Banakazi bakatambula bafu babo bakabusigwa ku buumi . . . elyo bamwi baka penzegwa, kaatakwe kuzumina kuvunwa; kutegwa bakaba jana bubuke bubotu loko:

Alimwi bamwi baka jsi masukusyo . . . kusabulwa kwa lunya . . . kukwibbulwa, inzya, alimwi akwaangwa . . . muntolongo:

Ba kaumwa mabwe, baka zapaulwa mu zibeela, ba kasunkwa, . . . bakajazigwa a panga: . . . bakapobaila koonse mu zikutu zyambebele a zikutu zyampongo; mu zilao zya bantu, . . . a kupenzya;

20 Amulangilile aya mabbulakketi:

(Abo batakali kweelelwa ku inyika:) baka tuntulika mu lukula, a mu i malundu, a mu malyango a mpangala zya nyika.

. . . bonse aba, mukujana mpuwo mbotu kwinda ku lusyomo, teba bakatambula cisyomezyo:

Leza mbwaka tubambila cintu cimwi ciinda cibotu, kuti kakutakwe ndiswe bataka londolwi.

21 Cindi Nda bala twaano oto twa basilumamba abo basintaze, Nda libuzya awo bumboni bwesu buniini mpo buyoima a bantu ku Buzuba obo.

22 Kakutanaba buyo mupailo, sa umwi uyanda kwiibalukwa kuli Leza? Tambika buyo janza lyako, alimwi kufumbwa nco bulide akube kuti A bone aku cipa kuli nduwe lino mbuli mbo tukotamika mitwe yesu.

23 Taata wesu, siluzyalo waluyando, twa swena cabubombe ku Cuuno Cako cabwami cifumo cino mu Zina Iya Jesu, Mwana Wako, kuli pailila tobeni a kuli bamwi. Yebo inga lutaanzi, Mwami, watu jatila nsotoko zyesu zyoonse a milandu yesu. Elyo mpawo inga twa kombela bamwi, Mwami, kuti abalo ba jatilwe.

24 Alimwi Mbungano Yako inga ya swena munsu loko kuli Nduwe. Nkambo nincobeni, Mwami, mu moyo wesu tula syoma kuti Uli libambilide kubeleka mulimo a Mbungano Yako, kulibambila Kwii gusya kuzwa mu inyika a kwiitola mu Bwami bwa Leza. Pele, Mwami, kotu gwasya kulibambila ku oora eelyo.

Akube kuti cifumo cino cibe ciindi, Mwami, kuti kuzwa kuli umwi wesu toonse tuyo “bikka ambali zitucelezya zyoonse a zibi zitu tunyonganya mubuteteete, kutegwa tu zuze muzundano a lukakatilo oyo uubikkidwe kumbele lyesu.”

²⁵ Elyo Nda komba, Taata Wakujulu, sunu, kuti Uyo ponya balwazi a bapengede. Banji bali mukupenga koonse ku cisi, a zipenzyo, a “kazunda” mbuli madokotela mbo batubikka. Elyo Nda komba kuti nsana zya kuponya Kwako, Mwami, ziyooaba ku bantu abo.

²⁶ Mpawo kuselukila ku mbunga yesu niini okuno cifumo cino. Banji beenzya kwa myaanda ya mamaile, kumuka kutalika masiku ainda aciindi ca masiku akusika cifumo, sunu, a kweenzya canguzu kukujana nzila zyabo kuya ku cikombelo. Elyo kuli caanda mu mugwagwa. Leza, twa komba kuti Uyo balongezya kapati. Kwiina kuzumbauzya banji bakacita kupa caabilo cipati ca cakuboolela cakulya ca mvwiki iboola, na kufumbwa mbo cinga caba, na zintu ezyo nzobakali kuno konzya kubelesya mali abo, ku mingwimba a zintu, kuti baboole.

²⁷ Leza, oyo uboola kuli Nduwe cinkwamaanza uyo unka kajisi kunji. Wa kacisyomezya. Elyo Nda komba kuti Uyo zuzya myoyo yabo a mabbaketi abo (aa buntu bwabo) kazwide loko zintu zibotu zya Leza kuti baunke kaba bwabuka a “lutangalo lutaambiki a kuzulwa Bulemu.” Akube kuti nkomeki zya bantu aba bayandisi zifusuke, a zintu zibotu zya kumuuya zizwa kuli Leza.

²⁸ Longezya maanza oonse, Uli zyi kubula oko kwakali kunze lya janza eelyo, Mwami. Nda lombamba kuti Uyo baleleka kapati. Twa ka Ku bona mu mvwiki eyi yainda obo Mbo kaingula mupailo cakugambwa kapati mu ziindi zisyoonto, ziindi zya cibukilambuta a malwazi a mapenzi. Nduwe Leza, ulikokonse, koimvwi muni lya balanda Bakwe. Nda komba, Leza, kuti Uyo imikila muni lya baaba cifumo cino. Bape kuyanda kwabo, Mwami, kwa moyo wabo. Ta ndisyomi kuti cali cintu kakuliyanda, kufumbwa—kufumbwa kambo katalubzi kunze lya ndilyo. Nda komba kuti Uyo balongezya.

²⁹ Elyo lino, Taata, kondi yeeya, swebo, sunu, alimwi akube kuti Ndi konzye kuligusya mu nzila. . . Toonse swebo, kuzwa ku mweembeli kuya kunselelo ku i-i bana, akube kuti tu konzye kulibikka ambali aa cipaililo ca Leza a kujula myoyo yesu a kuswiilila ku Muuya Uusalala mbuli Mbo uya kanana kuli ndiswe. Nsendeka zilongo zyesu kuli Zyako zilonge- . . . kutambula zilongezyo Zyako, a lubazu lwa kululyo. Mpawo kotila ansi nguzu zya Mafuta akunanika muli mbabo. Elyo kotupa nsana, Mwami, nzyo tu bulide ku mazuba ayo alede kumbele. Kopa cilongezyo eci. Twa cilomba mu Zina lya Jesu. Amen.

³⁰ (Hmm, Ta ndizi. Kobweza buyo mweelwe wakwe wa fooni a ku mwaambila kuti Ndila mutumina alimwi kwamana kuswaangana kwa mbungano. Ta ndizi.)

³¹ Amundi kombela. Nda . . . Mukwesu Jack Moore aa fooni, elyo ucindi sungilizya kuba kokuya mvwiki eyi. Mwabona? Nse limvwi buyo i . . . nkoonya kuli ncico, nywebo mwabona, elyo aboobo Nse zyi cakucita. Nda muyanda Mukwesu Jack. Alimwi oyo muswaangano mupati uboola kumusanza okuya nkabela wandi boolela, mbuli Booth-Clibborn abamwi, baboola. Alimwi kacikaka ncobeni, kabikka kuzibya kwakwe azyonse mbuli ezyo, kujatilila kuti ndiboola. Aboobo Nda—Nda botelwa kulimvwa syanikizigwa ncobeni kuunka, nywebo mwabona. Elyo Nda . . .

³² Elyo, lino, mbuli mbo tujula lino alubo ku Bakorinto Babili, elyo tula talikila a kampango ka 12 ika Bakorinto Babili, a kubala kampango komwe ka Lugwalo lwa cibalo, ikuti na Leza wayanda loko. Bakorinto Bataanzi, i . . . Na Bakorinto Babili, mubwini, cipati 12 a kampango 9. Ndi yanda kubala mbali ntaanzi . . . Na yabili ya kampango ka 9, cibeela ca njyio:

Elyo wa kati kuli ndime, luzyalo Lwangu lulazulila kuli nduwe: nkambo nguzu zyangu zila swilikika mu bukompami . . .

³³ Andi Ci bale alubo lino kutegwa mube masimpe kujana cibalo:

Elyo wa kati kuli ndime, (oyu ngu Leza ukanana kuli Paulo), Luzyalo lwangu lula zulila kuli nduwe: nkambo nguzu zyangu zila siilikika mu bukompami . . .

³⁴ Mpawo ikuti na Nde elede ku ciita kuti ncibalo, Ndi yanda kubelesya eci, nguzu . . . Nguzu Zilondokede Ku Bukompami Bulondokede. Ikuti na tu jisi bukompami mbo tu jisi nguzu. Ngu cibalo cigambya aa . . . mu mbunga ya Pentekoste, ku bamba . . . kubweza cibalo ca bukompami, nkaambo lyoonse tu lungulula kuti “tuli bayumu loko.”

³⁵ Alimwi Mbwe amba kale, kuti, Ndi sola buyo kukomba kwiinda mu mvwiki a kujana eco cinga cabota kuli ndime kuleta kumbele lya mbunga. Ikuti na cali kuboola buyo kuno kumvugwa, inga Nda sala maningi kumvwa kufumbwa muntu uumbi cifumo cino kwiimikila awa.

³⁶ Mukasimpe, kusikila mazuba masyoonto ainda, Nda kali kumusanza mu Kentucky abantu ba Mukwesu Gabehart okuya. Cindi Ne kazwa mu busena bwabo, oyu mukwesu muyandisi a mukaintu a mukwasyi a balo, kusikila Nda kauma muyeeyo oyu.

³⁷ Nda kainkide mu ng’anda asyoonto buyo kakutanaba eco. Nda kaliimvwi anze, elyo mulindu wakati, “Ndi yanda kukanana ku mukutausi oyo.” Elyo Nda kanjala mu ng’anda yabo niimi. Elyo kwakali . . . Waa kati, “Uli Mukwesu Branham na?”

Elyo Nda kati, “Iyi baama.”

38 Waa kati, “Nda fwa bweeme loko ku buboneki bwa ng’anda yangu,” elyo waa kati, “ku kulomba kunjila.” Waa katalika kulila. Waa kati, “Pele Ndi—Ndi jisi kubula kuli boobo alimwi Ndi jisi kaanzambwene kapati muli nduwe.”

39 Elyo Nda kajana kuti akali awo Mucizi wesu muniini Cox oyo ngo twa kali kukkala awe kumusanza—kumusanza okuya, ii—ii banene baubauba a teepu rekorda kabainda mu masena aengelede kuyabulizya mateepu. Nce ncico! Oyo ngo muzeezo! Mwabona?

40 Nda kalanga koonse mu muunzi oyu, muunzi muniini mubombe, kutandila mbuli Mwe kakomenena, pele bwaanda kabuzwide zifoto zya Kristo. Mpaawo kwa kabikidwe Bbaibbele aa tafule. Nda kati, “Nsena akuba alulemeko mu buumi bwangu, oyu ngo musyobo wa muunzi Ngwe yanda kweendela mo.” Waa kalomba nkumbizyo ya muntuumwi. Elyo maora osanwe kuzwa ku ciindi nco twa kakomba antoomwe, banene aba baubauba a Ndime twa kakomba antoomwe, Leza wakaingula.

41 Aboobo twa kakomba alubo, a Bamaama Cox a Mebo a balo kuzunguluka tafule cifumo eco, kali koteme a kulomba Leza ku tupa ciindi ca kucita cintucimwi kwiinda mu kusoleka nkwa kacita. Elyo, kwiinda mu kulomba ceeco, Leza wakajula nzila. Nywebo mwabona? Ngu Leza!

42 Tu sola kubamba ntamizyo zya kukompama kwesu. Tu yanda kwaamba obo mbo tuli bapati, obo mbo tuli balemu. Ndi yeeya kuti ncimwi ca zintu ezyo Nze . . . Leza waka ndipa cibalo ca, cakali cakugusya ceeco mu mizeezo yesu. Mwabona?

43 Kuli zintu ziniini nzo tucita. Ako nke kaambo ncotu boolela ku cikombelo, kuzoziba awo ali tumpenda twesu, a zintu nzotu kunzya kubelesya kuli londola. Ikuti na twa boola ku mbungano ku bukanze bumbi buli boonse—buli boonse bumbi kwiinda obu, Nda libilika kuti tatuko jana kunji kuzwa kukuboola ku cikombelo. Twe elede kuboola kuzo ziba bukompami bwesu, kujana masena esu mabi a esu . . . obo . . . kubona obo mbotuli baniini, a kubikka lusyomo lwesu mu Muntuumwi olo nduyumu. Pele cindi twaba a kukompama . . .

44 Kuli banji loko besu nco tu yandisya kupa bumboni na kuyanda kuyeeya kuti ta tweeleli elyo, nkikaako, tu bamba ceeco ntamizyo, “Nse jisi lwiyo, Nse jisi kukonzya, Nse konzyi kucita *ceeci*.” Elyo ikuti na wabamba buyo eco a kucita ceeco mu nzila eyo, kuzumanana kweenda mbuli boobo, mpawo tokonzyi kuba cintu cili coonse. Pele cintu nciconya ncotubambila ntamizyo, kwiinda ku bukompami bwesu, Leza ula cibelesya cintu eco nciconya ku kulanganya ncito. Mwabona? Ula lindila kuli ndiswe kuti tusike ku ciimo eco kutegwa Wa konzya ku tubelesya. Tu—tu bweza ntamizyo a kwaamba, “Ee, Ndi—Ndi—Ndi—Ndili . . . konzyi kucita eci, Nse kkwanisyi. Nse—Nse konzyi

kucicita.” Elyo Leza ulabweza cintu eco nciconya cakucitya mulimo. Obo mbwini.

45 Ako nkekaambo Nca—Nca tusala, nkaambo tuli mu ciimo eco. Lino, eco cilimvwisya bweenzu, pele maminiti buyo masyoonto tula sika ku kaambo ka ncico, ikuti na Leza kayanda.

46 Tu—tu jana kuti, mbuli buyo mbo twali kubala, bukompami obo a kukakwa. . . . Elyo tu jana kuti abo bantu bakompeme maningi a bakakakwa ku inyika yaanze, mbasimpuwo bacamba iba Leza, abo bazunda kumbele lya kulwana, ula bweza abo bali—bali. . . . balimvwa lwabo kuteelela.

47 Kwakali mukwesu muna Methodisti, botatwe babo abo baboola ku mbungano eyi kuzwa kutala mu Ohio, na kumusanza wa Indiana. Ba kati kuli ndime kutali ciindi cilamfu cainda, kati, “Mukwesu Branham,” kati, “twa kazwaa kutambula Muuya Uusalala, sena lino tuyo yandaula zipego zya mulimo wesu?”

Nda kati, “Muta ciciti! Kamu cileka cilikke.”

48 Elyo wa kacebuka a kundi langa, kati, “Nda kazwaa kubala bbuku lya mukwesu umwi oyo waka twaambila twa kamana kutambula Muuya Uusalala tu ‘leelede kuyandaula zipego,’ ezi yakubalesya Muuya Uusalala.”

Nda kati, “Elyo wakaba sikulidundaizya!” Mwabona?

49 Ikuti na mwalanga mu Bbaibbele, lyaonse mbaabo bali mukusola kuzwa kuli ncico, abo Leza mbabelesya. Kufumbwa kuti muntu wa. . . . yanda kucita cintucimwi alimwi uyeeya kuti ujisi kukonzya kunji nkwa konzya kubikka ku ncito, Leza inga takonzya kubelesya muntu oyo. Amulange Musa, katija; amulange Paulo, kutija; a bamwi babo, kusoleka kuzwa kuli ncico.

50 Nda kati, “Uta yandaula cintu. Leza na ujisi cintu cili coonse kuli nduwe, Uyo cipa kuli nduwe.” Wabona? “Elyo amu Mu leke buyo—amu Mu leke amamele ceeco.” Nda kati, “Mpawo ula jana zimwi ziindi ezi mbuli nzo tu jisi, sunu, kuti bantu boonse bayanda kucita *eci* a kucita *eco* a kuba muntu umwi mulemu. Amulange eco nco twa kanjila a ncico, nywebo mwabona.”

51 Mubusena bwa kusola kuba balemu tweeledde kusola—kusola kuziba mbo tu konzya kujana baniini. Mwabona? Mpawo Leza inga wa tubelesya. Ndi jisi Magwalo masyoonto alembedwe awa kuti Nge elede kutondeka, Nda yeeyela, pele Ndi. . . . swebo. . . . Nse kabi a ciindi cakucita antela. Pele tuli. . . .

52 A mubone kuti citola i—i bakompeme loko a baakakwa, alimwi munzila ini onse simpuwo wacamba Leza ngwa kasola kubikka kumbele lya kulwanina wakali muntu wa musyobo oyo. Ii muntu waakakwa, muntu wakali kuyeeya kuti takali kukkwanya, muntu wata kajisi kukonzya nokuceya, mpawo oyo muntu uli mu ciimo cibotu kutegwa Leza akonzye kutalika kumu belesya. Mbo mbubo. Nce cindi balimvwa mbuli obo kuti

taba konzyi, taba jisi cintu, nce cindi Leza nakonzya kubajata a kucita cintucimwi ambabo. Mwabona? Cindi... Pele cindi twa yeeya kuti tula konzya kucicita, mpawo Leza takonzyi kutubelesya nkaambo tu yanda kucicita tobeni.

⁵³ Elyo, mpawo, lubazu lumbi, tu jana kulimvwa oku elyo tu yeeya kuti mpawo tatu kkwanisiyi, alimwi ta tuyandi kucicita; pele mpawo ikuti na tu swiilila buyo ku kwiitwa kwa Leza, eco nce cintu nciconya Leza nca yanda kuti tunjile, musyobo oyo wa ciimo, kutegwa Ako nzye.

⁵⁴ Cindi twa ta kkwanisiya, tobeni, mpawo tuli balelwa ba kwaabwa ku Muuya wa Leza. Kufumbwa kuti katu yeeya kuti inga twa cicita, mpawo ta tukonzyi kucicita. Pele cindi twa sika ku busena oko nkotuzi kuti tatu konzyi kucicita, mpawo tula lipa kuli Leza elyo Ula cicita. Aboobo mpawo ikuti na katusola kucicita tuyo kakilwa, pele ikuti na tuyo lipa buyo lwesu kuli Leza nkokuti Leza takonzyi kukacilwa. Kuli cintu comwe luzutu eco Leza nca takonzyi kucita, alimwi, eco cakakakilwa. Ula konzya kucita kufumbwa cintu cimbi pele kukakilwa. Pele Ta konzyi kukakilwa.

⁵⁵ Aboobo kufumbwa kuti ka tuli mukusola muli lwesu a kulangila aa kukonzya kwesu kwini, a zimwi zimbi, ee, tatu kaciti cintu. Pele cindi twa sika ku busena oko nko tuzi kuti tatuli cintu, mpawo Leza inga wa tubelesya.

⁵⁶ I cintu cipati, cimwi ca zintu zipati eco nco tweelede kuzibisya... Lino amuciyeeye eci, alimwi kapati nywebo nobakambausi bakubusyi, a mamembala buyo aalo. Kuli cintu comwe nco tweelede kuzibisya ikuti na tu langila kuzulizya kuyanda kwa Leza mu buumi bwesu, nkuti, twe elede kumvwiya muzeezo wa *kukonzya kwabuntu*. Ikuti na twa sola kusika ku kasena oko nko tuyeeya kuti inga twa cicita ku bupampu bwesu a kukonzya kwesu kwini, twe elede kumvwiya munzila eyo kutegwa twa gusya cintu a kucibikka ambali kutegwa Leza akonzye ku tubelesya. Mbo mbubo.

⁵⁷ A kulipa caku maninina! Ta tukonzyi kubelesya kukonzya komwe. Twe elede kulipa caku maninina! Elyo, kuboola kuli Leza, weelede kulipa kuli Nguwe buntu, mubili, a muuya. Zintu zyoonse ezyo nzo bedo zyelede kwaabwa kuli Leza, kutegwa Ako nzye kubeleka luyando Lwakwe muli nduwe a muli ndime.

⁵⁸ Lino, eco neiyumu, Ndi lizi, nkaambo lyoonse tu yanda kubikka cibeela cesu mukati, cintucimwi eco nco *tuzi*, tu lizi kuti tu yanda kucicita. Tu laamba, “Ee, Ndi—Ndi zyi buyo kuti ceelede kucitwa nzila eyi.” Pele kufumbwa kuti kocicita mu nzila eyo ciyo lubila, nkabela Leza taka belesyi nguzu ezyo. Ndiza, a lugwasyo lwa Mwami, tula njila muli ceeco mu maminiti masyoonto, a ku mutondezya buyo obo Leza mbwa takonzyi kubelesya kukonzya kwako.

59 Elyo nde penzi ku inyika asunu: kuli luzibo lunji loko lwa maseminari, lwa kabikkwa loko aa lwiyo, kubikka kunji loko aa akuzibana na luswaanano mu kabungwe, tula yaama ali umwi aumwi, tula yaama aa bantu kubelsya kukonzya.

60 I Bbaibbele lyakati, “Mbobuti mbo mukonzya kuba a lusyomo kakuli uli—kakuli uli...” Atu bone, luli buti olo Lugwalo? “Mbobuti mbo mukonzya kuba a lusyomo kakuli mula salana?”

61 Cindi twa langila, kwaamba, “Oyu mulombwana, walo muntu mulemu. Oyu muntu mulemu, Njo yaamina buyo kuli nguwe,” eco cipa Leza kuta botelwa cindi wa cita ceeco. Twe elede kuyaamina kui Leza alimwi Leza alikke! Ta tweelede kusyoma kukonzya kwesu tobeni na kufumbwa muntu. Twe elede kulipa cakumaninina kuli Leza.

62 Taakwe kukonzya, Nse kwe ndaba na nku kani, tatukabi abubelesye ku meso aa Leza. Leza weelede kugusya kukonzya kwesu koonse kuzwa kuli ndiswe Ka tana konzya kuvwidilizya bukanze Bwakwe. Ikuti na Ujisi cintucimwi kuli ndiswe cakucita, alimwi kufumbwa kuti ka tu limvwa kuti tu cita mulimo mubotu lokop kuzwa kuli nguwo, mpawo ta tuka konzyi kubeleseghwa aa Leza.

63 Lino, yebo wati, “Uli mukubamba kaambo kalemu kapati awo, Mukwesu Branham.” Elyo ako—ako ni nkamwi kalemu, pele amulange buyo koonse a kuziba ikuti na kali luleme na pe.

64 Amulange koonse sunu ku kuzwidilila kwesu kupati nko tuyeeya kuti twa kacita, alimwi buli kuli Bunakristo mu United States? Amulange mabungano a tubungwe twesu toonse, a bavangeli a miswaangano yesu yanguzu ya kuponya, a zintuzyonse zimbi nzo twa kajisi, alimwi ino ncinzi? Cibbi kwiinda mbo cakabede lyoonse ku matalikilo! Cila iindila kubija sunu kwiinda mbo cakabede lyonse, nkaambo kakuti twa sola kucicita mu kukonzya kwa buntunsi.

65 Bala bungana antoomwe akucita mipailo milamfu akuzwa awa. Alimwi bakali jisi buzuba bumwi oko nkoba kajisi banji loko, bali zyuulu zili mwaanda a makumi osanwe, na cintucimwi mbuli ceeco, bakabungana antoomwe, bobilo ba Protestanti a Katolika; kwaamba mipailo imwi, a kukomba mipailo imwi, a kupanga mipailo imwi, azimwi zimbi. Oyo awalo niwa taka bunganwa buyo, tacili cintu ceelela kumeso a Leza.

66 Lino, ikuti na Nda ba sikukazya, mundi jatile. Mwabona? Pele Ndi—Ndi jisi...We elede kubamba cintu kumvugwa. Mwabona? Yebo weelede kucibamba kuuma mpikili.

67 Elyo ino mbubotu nzi mbo cakacita? Taakwe. Elyo ta cikabi kusikila muntu oonse oyo uli taminina kuba Munakristo aka lube nguzu ziyakwe mwini a kulipa mwini kuli Leza.

68 Mpawo Leza ula konzya kuzwidilizya bukanze Bwakwe kwiinda kukutuma. . . kutali lubukulusyo, pele, mukwesu, eco Nca yanda kucita lutaanzi nkutuma kujaya, mbo mbubo, kutegwa *tukonzye* kubukulusya. We elede kufwa kotana konzya kuzyalululwa, alimwi we elede ku. . . Uya ndikana kulijaya kwesu tobeni. Eci cikombela ciyandikana kujaya, a mebo antoomwe ancico. Toonse swebo, tu yandika i—i kujaya kutegwa tu konzye kubukulusigwa mu buumi bupya, kujatilila kupya, bulangizi bupya, luzibo lupya! Tu yandikana buzuba butaanzi bwa koomoka.

69 Tu yandikana busena bwa kwaaba ku Muuya mucibaka ca ku yaamina loko ku kwiiya aa mabambe esu, elyo swebo. . . miswaangano yesu yanguzu a zyoonse nzo tujisi. Tu—tu—tu yaamina ku kubelekela amwi a bakutausi banji bandeene ku kubeleka antoomwe. Tula zumizya banji loko. . . “Ikuti na ta tukonzyi kujana banji loko, baa, ta tuka cicita. Ta tukaunki ku madolopo kakutakwe ceeco.” Elyo mpawo, cindi twa cita ceeco, tu cibamba mu muncina mupati ncobeni oyo ujisi kunoka kwa itwe muli nguwo, mwabona.

70 Aboobo twe—twe elede kuzwa kuli ceeco, oko kukonzya kwa buntunsi. Twe elede kusika ku busena oko nko tukonzya kupa buntu bwesu a maumi, akwalo ku mukaintu waang’anda, ku mulimi, kuli makkanika, na kufumbwa mbo tubede, twe elede kulipa cakumaninina kuli Leza a kuziba kuti “ta tuli cintu.” Mpawo kulekela Leza kuti atalike kuzwa awo. Mpawo Wa talika kweenda, kubeleka. Elyo oko kusanganya toonse swebo, oonse. Eco i—i nce cintu nco tweelede kucita.

71 Makani akale alatondezya, alacita eno, latondezya (makani akala alacita) kuti Leza lyoonse wakasala batengwani kuti babe balemekwa Bakwe. Leza ula bweza muntu uutakweankwaya.

72 Sunu, citakuti ujisi mbali mbotu ya lwiiyo lwabukombi, ncibotu akwalo kutasola kusika ku dolopo, ncibotu akwalo kutasola kusika ku muswaangano. Pele ikuti na mbali zipati, akuyiisigwa kupati a zintu kusule lyako, inga wanjila mu dolopo lili lyoonse a kuba a kubelekela amwi, kuba a muswaangano mupati. Ee, tauli muswaangano. . . Walo muswaangano, mbuli buyo cintu cili coonse cimbi, pele ino mbubotu nzi mbo cicita? Mwabona, yebo—yebo uci. . . Mula jana aba basimbi baniini a balombe kaba boola, kunyeela cwiingamu a kwiinka atala a cipaililo, a banakazi a baalumi kabainka okuya akwaamba kuti “bakainka ku cipaililo,” kunjila mu kaanda kuya kujana malailile akujoka akusansailwa na kunyikizigwa, na kufumbwa mbo babede, alimwi i—alimwi mwaka kuzwa awo. . .

73 Umwi wa bavangeli besu bapati maningi wakati, ikuti na kakonzya kuvuna teeni peseenti ya basanduki bakwe mu mwaka omwe, na ka kkomana. Cindi, mpawo, cindi ikuti na kajisi basanduki bali cuulu, mwaka utobela kweelede kuba—kuba

zyuulu zili kkumi zya mbabo. Mwabona, twii mpya mbaakani, twii mpya bukanze.

⁷⁴ Tobamwi tu cibuyaka atala lya mizeezo ya bupampu, “Oh,” kuti, “oyu uli zyi zyoonse, oyu sicikolo muati wakayiisigwa kabotu. Twe elede ku yiisya bantu a kubatola ku zikolo.”

⁷⁵ Imwi mbaakani itobela nku ciyakila a kunyanyamukwa kumwi kwa—kwa kweenda, kuzungaana, kulila, koongolola, kuzyana mu Muuya, na cintucimwi, mulimo umwi waciimo caanze. Elyo eco ncibyaabi buyo mbuli lwiiyo! Ikuti na dyabulosi takonzyi ku kujata ku lubazu *olu*, uyo kutontela kuzwa lubazu *olo*.

⁷⁶ Pele cintu ca ncico ngu, nkubula cintu eco nco konzya kulangila muli lwako na kufumbwa cintu eco nco konzya kucita, kulipa buyo, kumaninide ncobeni ku bukompami bwako kuli Leza, a kwaamba, “Mpaawa Mpendi.” Nse jisi cintu, taakwe kukonzya nko konzya kusyoma!

⁷⁷ Amulingule kaindi kwiinda mu Lugwalo a kuziba, mbuli Mbwe jisi Magwalo alembedwe awa Nge tondeka. Bamwi kaindi kwiinda mu Magwalo, tu jana kuti, Leza lyoonse waka belesya batengwani kuba bantu Bakwe balemekwa. Lyoonse waka bweza abo baakakwa ku inyika, bukkalo busyaasunu mbo bwakaka, alimwi oyo ngo musyobo Ngwa kasala kubelesya.

⁷⁸ Amulanganye i—i baapostolo. Amuyeeye kujatikizya Petro, muzeli wanswi, kaatakwe lwiiyo lukubwene lwa kulemba zina lyakwe mwini. Johane, i bantu buyo a batayiide. Abo baaalumi! Wa kaindilila balemeka a mupaizi wakaiya a basimpuwo ba mazuba ayo, basicikolo bapati, mamembala azikombelo, a kujana kwi- . . .balo bantu bakali kuyeeya kuti bakali balemu, a kuslaa abo batakali kulemekwa a kuba belesya.

⁷⁹ Lino, muntuumwi inga waba umwi wa bantu Bakwe, Leza inga wa babelesya ikuti na bali libambilide kuluba kuti mbantubamwi. Ikuti na uli libambilide kuluba kuti uli *mulemu* a kuba *mutengwani*, mpawo Leza inga wakubelesya a kubamba mulemu kuzwa kuli nduwe. Mwabona? Pele weeledede kuluba kuti uli muyandisi kapati.

⁸⁰ Kuli banji besu, bunji bwesu tula cicita obo mu—mu maumi esu. Kufumbwa buyo. . .Bantu bamwi, kufumbwa buyo baba Banakristo, baba basikamikami, basituncimwa, mbo mbubo, kakuli batola buyo nzila imbi. Ba jokela musule mucibaka ca kuya kumbele. Cindi. . .Kunji nkokonzya kugusya kuzwa kuli lwako, mbusena bunji mbo janina ku Muuya Uusalala kunjila.

⁸¹ Mbuli Elisha mbwa kaambila Josefati a bamwi, kati, “Musye obu busena buzwide zilindi. Mbo musakanina kusya, munoya kujana busena bupati bwa kuba a maanzi.” A kunji kwesu tobeni, kwa i—i malabishi eni a kukonzya kwesu obo mbo tukonzya kusowa kuzwa kuli ndiswe, kuba busena bupati bwa

kuzulwa kwa Muuya wa Leza; kufumbwa kuti twa konzya kucita ceeco.

⁸² Paulo, oyo ngo twazwaa kubala awa mu—mu Bakorinto, mu Bakorinto Babili, tu jana kuti oyu muntu wakali muntu mulemu. Wa kali sicikolo mupati, muntu mulemu. Pele wa kacita kuluba koonse nkwa kasola kuziba, kutegwa azibe Kristo.

⁸³ Ndiyo lekela. . . kubala amwi a Magwalo aya awa, kutegwa nywebo—nywebo nomuyanda ku cibala a ndime. Atu jule ku Bakorinto Bataanzi, cipati 2 a kampango ka 1, aniini buyo. Elyo atu bale awa aniini buyo eco Paulo nca kaamba, oyu muntu mupati walwiiyo lwaatala, eco nca kaamba kujatikizya lwakwe, eco nca keelede kucita. Bakorinto Bataanzi, i—i cipati 2 ca Bakorinto Bataanzi, a kutalika akampango 1. Amuswiilile kuli oyu sicikolo mupati.

⁸⁴ Oyu muntu waka yiisigwa. Wa kali kukonzya kukanana kabotu kutandila cisyobo cili coonse cakaliko mu inyika. Wa kacita kuli kankaizya kujatikizya ncico. Wa kakomezegwa kungsi lya kakamu kabuzumini bumbi kasinizizeya ikaba Farisi, alimwi bawisi bakali ba Farisi. Kumane wa kaba “mu Farisi waba Farisi,” alimwi eco caamba kuti wa kali—wa kali ncobeni i—i usinizizeye loko aa Bafarisi. Wa kali mulombwana mulemu. Elyo wa kajisi bwami, alimwi wa kali musongo.

⁸⁵ Bawisi baka mupa lwiiyo kungsi lya mwiiyi mubotu maningi wakaliko mu cisi coonse, Gamaliyeli, ku ciindi eco mwiiyi waka zizilwe loko ku zikolo zimwi. Paulo wakaba musyobo oyo wa muntu. Wa kaiya coonse cisyobo. Wa kaiya lwiiyo lwa kulilemeka kwa mizeezo. Wa kaiya zintu zyoonse zyandeene ezyo ziliko mu—mu. . . zya kwiiya mu nzila eyo. Elyo wa kayaama canguzu ku i—ku cikombelo ca i—ca bapaizi a i—i muntu mulemu. Elyo wa kali kuunka konse kaya bunyonyoona Mbungano.

⁸⁶ Amuswiilile ku muntu oyu nguwenya, a lwiiyo olu loonse, na kamana kutambula Kristo. Amuswiilile eco nca kaamba. Obo mbwa kali muyumu a mulemu, wa kaleelede ku ciluba. Wa kaleelede kuziba kuti taakali kukonzya kuyaamina ali lwakwe. Wa kacita kumvwisya kuti lwiiyo lwakwe tii lwakali cintu. Wa kacita kumvwisya, kuti koonse kwiiya nkwa kasola kuba ako, wa keelede kuluba zintuzyonse nzya kasola kuyiisigwa. Amu muswiilile lino.

. . . *Mebo, bakwesu, cindi Ne kaboola kuli ndinywe, . . . kutali i bukanazi bubotu loko bwa mwaambo. . . bwa busongo, mwabona, ku mulungulwida bumboni bwa Leza.*

“Nse kaboola kuli ndinywe kumwaambila kuti, ‘Lino, Ndili Mwiya Saulo uzwa ku Cikolo citegwa *Niini-a-niini*, Ndili i. . . kuzwa ku kakamu kapati aka kabungwe kabuzumini bwandeene.’ Nse kaboola kuli ndinywe munzila eyo.”

Nkambo mebo Nse kanzide kuziba cintu cili coonse akati kanu, cita Jesu Kristo, alimwi walo wakabambulwa.

87 Okuya, amuswiilile ku bumboni bwa muntu mbuli oyo.

“Ndili kanzide kuziba cintu kujatikizya kukonzya kwanu. Ndi lizi kuti kwiina cintu muli ndinywe alimwi Ndi kanzide buyo kuziba cintu comwe eco nce Ndi bona muli ndinywe, oyo ngu Jesu Kristo a Nguwe waka bambulwa. I Mufutuli waka bambulwa akati kanu, nkukoonse Nkweya kuziba.”

88 Amuswiilile kuli nguwe.

Elyo Nda kali a ndinywe mu... (ciimo cipati? Muli nzi?)...bukompami, a mu buyoofu, a...kukankama kunji.

89 Sa inga mwayeeyela muntu, mu Farisi waba Farisi, mwiiyi wa bamayi, ii muntu wakayiisigwa kuzwa ku bwana (ku mulimo) kuba muntu ukanana kabotu oyo wakali musongo a mupampu, kuboola kumbele lya nkamu ya bantu mbuli Bakorinto a kwaamba kuti, “Nda kali a nduwe mu bukompami, a mu kuyoowa, a kukankama kunji”? Ii muntu waka pindamuna inyika, i missionari mupati maningi oyo wakasolwa kuzibwa, waka lyaambilila kuti wa “kaboola mu bukompami,” kutali mbuli sicikolo waka yiisigwa, pele “mu bukompami, mu kuyoowa,” kutegwa katazwi mu Kazila abusenabumwi. “Mu kukankama maningi,” nkaambo ta kakonzya kusyoma mu kukonzya kwakwe mwini.

90 I kaambo ncakali “kuyoowa,” kutali kaambo kakuti wa kayoowa cintu cili coonse, pele wa kayoowa kuti naka nyonganya Leza mu nzila imwi, cakuti na kukonzya kucitya kukonzya kwakwe mwini kunyongana muli Ndilyo; cintucimwi eco nca kayiide, kuti wa kajisi... Wa kali kubaambila kuti, “Nse kaboola kuli ndinywe a bukanazi obu bubotu loko (Nda boola kuli ndinywe mu *kuyoowa* kutegwa Nke boola munzila eyo), pele Nda kaboola kuli ndinywe mukutaziba cintu cita Kristo, nkabela Walo wakabambulwa.”

Elyo Nda kaboola kuli ndinywe mu kuyoowa, a bukompami, a mu kukankama kunji.

A bukanazi bwangu a kukambauka kwangu tii kwaka jisi majwi i akoongelezya kwa busongo bwa muntu, pele mu kutondezegwa kwa Muuya a...nguzu:

91 Amuswiilile muntu oyu wakali silumamba wakali samununa mwini. Amen! Ikuti na kuli cintu cili coonse eco zikolo zyesu nco ziyandika sunu, ikuti na ncintu cili coonse mabungano esu nca yandikana sunu, nkuli samununa eeni, ku miyeeyo yesu a kukonzya kwesu. Muli samunune kunembo lya Leza ikuti na tamu soli kucita cintucimwi muli lwanu.

92 Ndila syoma mwa . . . eco kumvugwa kusakana muli ndiswe, okuno aku inyika ya mateepu, ayalo, kuti mumvwiye kuti mweelede kuba batakwe ankobaya. Kutali kuziba zyoonse, kutali muntuumwi mulemu, pele *mutengwani*. Yebo uli . . . weelede kusika ku suko. We elede kusika ku busena oko nkozi kuti toli cintu. Alimwi tali bumpuli atala lya ncico, nkambo mboya buli sumpwida buyo atala lya ncico nkokuti wali suumpula atala lya Leza. We elede kuli tantamuna kuba mu suko a mu lweendo kuya ku Damasiko. We elede kuli tantamuna ku mbizi zyako zyaatala. Alimwi oko nkwa koonse, okuno a mu inyika ya mateepu.

93 “Mwaambo wangu,” wa kati, “uta . . . mu majwi akoongelezya kwa muntu a busongo bwa muntu, pele mu kutondeezegwa kwa Muuya wa nguzu.”

94 Lino amulangilile! “Ku kaambo nzi, Paulo? Nkaambonzi nconga wacita ceci?”

Nguzu! Kuti lusyomo lwanu luimi mu busongo bwa bantu, pele mu nguzu zya Leza.

95 Oh, ino mukambausi! Oyu muntu mulemu oyo . . . Wa kamuyandaula Leza, elyo wa kati, “Leza, Ndili kkomene alimwi Nse—Nse zyi cakucita. Nda Ku komba nconzyo, Leza, kuti undiyumye a kugusya kulengauka kwangu kuzwa kuli ndime, a zintu ezi, kutegwa Ndi konzye kuba muyumu loko.”

96 Leza waka muvuwa, kati, “Paulo, nguzu Zyangu zila londolwa mu bukompami bwako.”

97 Mpawo Paulo wakati, “Cindi Nda nokompame nkokuti Ndi nooli muyumu. Iiyi!” Wa kati, “Mpawo uyo . . . Ndiyo lumbaizya mu kulengauka kwangu kwa bukompami bwangu a zimwi zimbi. Ndi lumba Leza kuti Ndi jisi koonse kwa ncico kuzwa kuli ndime. Elyo cindi Nda gusya zintuzyonse kuzwa muli ndime, mpawo Leza inga wanjila. Pele kufumbwa kuti Nke jisi kumwi kwangu okuya, mpawo Leza ta kakonzyi kunjila.”

98 Nceeco, nce ncico, tula—tula Mu muziba kuzwa. Tula Mu tanda a zyesu . . . Kuzwa ku mucete maningi eesu kuya ku muvubi maningi wesu, kuzwa kuli waansi maningi kuya ku mulemu maningi, tu tantamuna Leza kuzwa ku maumi esu nkaambo kesu tobeni.

99 Nda kaamba kanji, “I sinkondo mupati maningi Ngwe jisi ngu William Branham.” Ngo nguwe uinganga mu nzila ya Leza. Ngo nguwe uuba mutolo. Ngo nguwe usika ku busena ziindizimwi oko nkwa yeeya kuti inga wacita cintucimwi kujatikizya ncico, alimwi, cindi acita, eco cigusya Leza mu ciimo ncobeni. Pele cindi Nda konzya kugwisya mulombwana oyo, cindi Nda konzya kusika ku busena bwakuti wazwa mu nzila, mpawo Leza inga waboola okuya a kucita zintu ezyo William Branham nzya tazi pe.

¹⁰⁰ Nce cindi Leza nakonzya ku kubelesya. Nce cindi Na konzya kubelesya umwi wanu uli onse. Ula konzya kubelesya muntu uli oonse cindi twa zwa mu nzila. Pele kufumbwa kuti katuli mu nzila, mpawo ta tukonzyi. Yaa.

¹⁰¹ Lino tu jana kuti, oyu mulombwana mulemu, Paulo, wa kali ii—wa kali sibwami akati ka bakambausi. Wa kali kulemekwa ku kabungwe koonse. Oyo muntu wakali kukonzya kwiinka ku munzi akuba a muswaangano kubusena buli boonse. Nkaambo kanzi? Wa kajisi mapepa azyeelelo. Baa, wa kali mulemu loko, a kukanza loko kupwayaula bantu boonse baka kompeme, kusikila wa jana nguzu kuzwa ku mupaizi mupati, bweendelezi busumpukide loko, zya kwaanga boonse babo Banakristo. Nguzu zyatunzenyu kuzwa ku mbungano yakwe, zya kwaanga boonse babo! Oh, wa kali muyumu! Wa kali kukonzya kwaanga Banakristo a kuba waala mu ntolongo nkaambo tiiba kazuminana a nguwe mu njiisyo zyakwe zya lwiiyo lwabukombi, aa njiisyo zyaba Farisi aba Saduki. Wa kali kwaanga Banakristo.

¹⁰² Pele, amubone, wa kacita kwaangwa, mwini, kutegwa kakonzya ku cisweekelwa, wa kakonzya kusweekelwa nguzu a bwami bwakwe. Wa kaangwa, mwini, kuti asweekelwa eco nguzu zya kwaanga. Wa kacita kusweekelwa obo mbwa kabede, kutegwa kaangwa.

¹⁰³ Leza ulaindilila balemekwa! Wa kabaindilila bapaizi. Wa kabainda abo bakali basikamikami. Elyo Wa kasala Paulo, oyu muntu mulemu, a kumubamba kuwida mu suko lya nyika a kucita zintu ezyo nzya . . . mbuli abo bamwi nzobakali kucita. Wa kabacityya mu i . . . kamu citya nzila njionya ya baabo mbakali kwaanga. Wa kaanga Paulo kwiinda ku Muuya wa Leza, kuti amugwisye kuzwa ku nguzu nzyaka jisi zya kwaanzia Banakristo. Undaambila kuti Leza tazi eco Nca cita? Wa kagwisya nguzu zyakwe kutegwa asweelwe kujata kwakwe—kwakwe.

¹⁰⁴ Mbangaye bakambausi Leza mba konzya kubelesya cifumo cino ikuti bamu lekela buyo Leza ku baanga ku Ijwi Lyakwe a nguzu Zyakwe, a kubaangulula kuzwa ku nguzu zya tubungwe a tubunga! Mbangaye bantu basinizize mu dolopo eli, cifumo cino, abo baunka ku mabungano aya mapati aatubunga, mbangaye Mba konzya kuzuzya Muuya Uusalala, a kubikka cisi eci kusuka mulilo wa Makanimabotu a nguzu, ikuti bakonzya biyo kulibweza a kulyaangulula beni kuzwa ku nguzu nzoba jisi akwaangwa ku Muuya Wakwe, kuba mbuli Paulo mbwa kabede, muzike waluyando kuli Leza!

¹⁰⁵ Leza waka bweza Paulo a kubamba muzike kuzwa kuli nguwe, wakaanga kuli Lwakwe mwini a kumutuma kuli Bamasi abo mbakali kasulaika. Pele, nywebo mwabona, wa kacita kwangululwa kuzwa ku nguzu zyakwe zya bupaizi, kuti kaangwa ku nguzu zya Leza. Wa kacita kusweekelwa nguzu

zyakwe a kukompama a kutaba cintu, kutegwa kutambula nguzu zya Leza, ku kwaangwa kuli Leza, kucita eco Leza nca kalino mwaambila kucita.

¹⁰⁶ Nce ncico nco tweelede kucita sunu. Nce ncico Nce yandikana. Nce ncico muntu aumwi nca yandikana, nku sweekelwa mwini, kusweekelwa kukonzya kwakwe, kusweekelwa obo mbwabede, kutegwa akonzye kuba akulipa kumaninide ku Muuya Uusalala. I mukaintu waang'anda uyandikana ceeco. I musankwa wiinka ku cikolo uyandikana ceeco. Tula bweza . . . nobaba bana besu baniini.

¹⁰⁷ Ii mulombe umwi muniini oyo Ngwe yeeya, ijilo sikati na buzuba bwa zoon, na buzuba bumwi, wa kanjila a kucitya mucizi wakwe mupati maningi kulemba ciyo cakwe cakufwambaana, a kuzwa a kwaambila balombe baniini, kati, "Fyuu! Zyalo zyakucita zyali zitetete." Mwabona, baka yiisigwa, kutandila, kuno cenga.

¹⁰⁸ Mbobuti bubotu maningi mbo . . . Alimwi abo bantu balo misemu mu cikombelo. Mbobuti bubotu maningi mbo cinga caba kuli Taata, kuseeni ku ciindi ca kalimbabula, kwaamba, "Johane uya kukulemba musunko wakwe sunu. O Leza, koba a Johane! Umugwasye Johane! Wa kandi lomba mu bbediluumu cifumo cino, wa ti, 'Bataata, amundi kombele sunu, Nde elede kuzwidilizya musunko wangu. Amundi kombele.'"

¹⁰⁹ Inga ndalombozya mulombe wangu wajana i-i mubotu, ilikabotu "F" aa kkardi lyakwe, ku kufeela, kwinda Mbwe konzya kuziba kuti waka jana isoolokede "A" a ku cenga kuli njiyo. Iiyi, munene! Nco tu yandikana nku lisweekelwa tobeni, cakumaninina kuyaamina aa nguzu zya Leza.

¹¹⁰ Lino, "kwangwa." Leza ula bairidilila balemekwa aku bweza bakompame. Leza ula bairidilila abo bayeeya kuti mbalemu, kubweza muntuumwi oyo utazi cintu ku mulalila bukanze Bwakwe mu buumi bwakwe. Eco nco tu jana.

¹¹¹ Leza wakaambila Paulo, "Nguzu zyangu zili londokede mu bukompami bwako. Nguzu Zyangu—Zyangu zilalondoka maningi cindi wakompama loko. Kunji nko konzya kulipa kuli Ndime mu kabotu Mbwe konzya ku kubelesya. I kunji nko konzya kuluba makani a lwiiyo lwako, kunji nko konzya kuluba kujatikizya kabungwe kako, kunji nko konzya kuluba makani aa zintu zyako a kulipa lwako kuli Ndime, nkunji nko Ndi konzya ku kubelesya. Nkaambo wa kompama, Njo—Njo bamba bukanze Bwangu Bwini kuba buyumu."

¹¹² Leza inga wapanga nguzu kuzwa ku bukompami! Aako nke kaambo lyoonse Nca cicita. Cindi Na kasala basikwiiya Bakwe, abo bakali kuyo yeeya . . .

¹¹³ I bubombe bwa Mwana Wakwe Mwini cindi Na kazyalwa mu cilido cabanyama, mu ciyobwedo cabuloko, mu cimpati ca ng'ombe, alimwi wakali vungaidwe mu zisila! Mwabona, Na

kakonzya kuboola kwiinda mu palesi. Na kakonzya kuselukila mu tuzila twaku Julu, a zyoonse . . .aku salyuta kuzwide kwa Baangelo. Pele Wa kasala kubamba Kristo kuba Mukozyanyo wesu, kuli ndiswe, alimwi Wa ka Mu leta mu bubombe.

¹¹⁴ Ta ka Mu yiisya mu zikolo zya inyika eyi, pele Wa ka Mu yiisya kwiinda ku nguzu Zyakwe Mwini, ku . . .aboobo Wa kali kukonzya kulipa cakumaninina Mwini, kutali ku miyeeyo ya muntu na nsana zya inyika, pele kulipa Mwini ku nguzu zya Leza.

¹¹⁵ Elyo mbo tubede asunu, tula lipa lwesu asunu mu tubungwe a zilawo zyasu zipati. Twa lipa ku kabungwe, eco ceelede kwaamba, eco *nco* baamba kujatikizya *ncico*. Pele eco ciliimpene ku luyando lwa Leza. Twe elede kulipa lwesu ku Muuya wa Leza a kuunka oko Muuya nko waamba kuti koya. Mbo mbubo.

¹¹⁶ Leza wa Bahebrayo kuti swebo, na, basilumamba ba Leza, mubwini, “basimpuwo bacamba.” Twa zwaa kubala buyo mu Bbuku lya Behebrayo, capita 11 a kampango ka 34.

. . .kuzwa ku bukompami bakabambwa kuba bayumu, . . .

¹¹⁷ Ba kacita kukompama kaba tana konzya kuba bayumu. Kuzwa ku bukompami bwabo baka bambwa kuba bayumu. Nywebo nomulemba Magwalo, abusena alya, Bahebrayo 11:34. Yaa.

¹¹⁸ Neeeci cintucimwi citugwasya. Neeeci cintucimwi eco cakayumya. Kuzwa ku bukompami a bubombe Leza ulasala bantu bakuyaka Bwami Bwakwe kubelesya mbubo. Ikuti na twa sola kusika ku Julu, ikuti na twa sola kwiimikila mu Busyu bwa Leza a Mbungano Yakwe, tuyo ima mu nkamu ya bantu abo bakompeme a kukakwa a kutandwa ku nyika, a bata kalitondezya kuziba zintuzyonse.

¹¹⁹ Sa tacili ceenzu kuti Leza kuti waka tukozyanisya kuba mbelele? Ii mbelele ncintu citakonzyi kuli gwasya maningi ciliko. Taakwe cintu akutakkwanisyi loko ku bukwasibilizi mbuli mbelele. Kasulwe inga ka zuza; sikaale inga wanjila mu cisamu; mubwa inga waluma; mulavu inga wazapaula; mbizi inga ya bbansa; muyuni inga wauluka; pele mbelele ilaima kaita konzyi kuligwasya.

¹²⁰ Elyo nje nzila Leza nja tu yandila. Kuziba kuti tatu kkwanisyi cakumaninina, mpawo Leza ulabweza muntu oyo a kutalika kulibumba Mwini mu muntu oyo; kubamba maanza akwe kucita eco Leza ncanga wayandila maanza kucita, kubamba milomo yakwe kukanana eco milomo ya Leza ncoinga ya kanana; nkaambo taili yakwe, njiya Leza. Ula talika kuyaka ciimo, kutalika kubweza bukompami obu a ku Li bamba Lwakwe Mwini.

121 Ula tuleta ano aa nyika, nkambo mpawo. . . Tuli yiide, tuli basongo. Sena mwakasola kubona mikowa, mizukulu? Cindi twa bweza, kupa mukozyanyo, mbuli muli Abela, kuzwa kuli Abela kusika kuli Seti; Mizukulu ya Seti yaka selemuka ncobeni, kuyaansi ku ciindi ca Nowa, boonse babo bakali balimi babombe nconzyo. Pele bana ba Kaini bakaba basongo, bacenjeje, bayiide, bantu balemu, bayasi, basimilimo ya zyelelelo.

122 Pele lubazu lwa Leza lwakali kompeme a kubomba. Obo Leza mbwa kababelesya. Eco nce ciindi ca Leza. Eyo nje nzila ya Leza ya kutuleta, ncindi notu kompeme. Tu jana cintucimwi mpawo. Eci calayumya, mubwini, nkaambo Bwami boonse bwa Leza buli yakidwe kuzwa ku misyobo eyi ya bantu. Mpawo cindi wasika ku musyobo oyo wa nzila mpawo ula—ula konzya. . . uli mu Bwami Bwakwe.

123 I kaambo kali, andiswe, kuti. . . kutali kuti tuli kompeme loko, kaambo nka kuti tuli bayumu maningi. Tuli—tuli—tuli bayumu buyo maningi. Kwa mana. I cintu ca ncico ncakuti tuli bayumu loko mu mitwe. Mbo mbubo, tuli bayumu loko mu mitwe yesu. Tu zyi kunji loko. Leza uyanda kugwisya eco kuli ndiswe. Mbo mbubo. Tuli bayumu loko, tuli bayumu loko ku kulipa kuli Nguwe. Tu jisi. . . Tula—tula lipa kuli lwesu. Twe elede kuyeeya kuti, “Ee, lino, awa, Ndi—Ndi jisi kuyeeya kukkwene kwa kuziba!”

124 Nda kagambwa masiku masyoonto ainda cindi baama niba kacisidwe, ku cibbadela. Nda kaunka ku. . . Kwakali mulyango muniini wakali muni lya mulyando. . . Ikuti na oyo mulindu muniini uli waano, kondi jatila, mucizi. Walo musimbi muniini muna Kentucky uuzwa kumusanza okuya, alimwi twa kali. . . alimwi abo bakali banyinazyala. Elyo Nda kali kwaambaula kuli nguwe busiku obo, mukaintu a Ndime, kuya ambali kutandila wani okuloko cifumo. Elyo mulumi wakwe wakali lede aa cibuye akuunka kuyolala; waa kati, “Kozwa awa! Tokwe bubotu kuli banyoko, nokuba.” Elyo waka mutanda, mulumi wakwe, kuzwa mu kaanda, nkaambo wakali lede nkoonya kugama ku mulyango oko bamanarsi, taakwe wakali kukonzya kunjila; kugoloma buyo, aa cibuye. Aboobo waa kamubusya aku mutandila anze.

125 Elyo waa katalika kwaambaula okuya. Nde elede kwaambaula kuli nguwe kujatikizya Mwami, azimwi zimbi. Elyo waa kati, “Ee,” waa kati, “koonse Nkwe kasola kuziba ndi jamba lya cijatizyo mbuli nsingo ya dakisi mu kaunda ka tombwe, kuseeni maningi, kukutenda nsaku a muzikki wa tombwe, azimwi zimbi mbuli ezyo.” Kati, “Pele, Nda kwaambila,” kati, “taa waka tutuma, umwi aumwi, ku cikolo.” Elyo kati, “Ta tu jana kuyeeya kubotu.”

Nda kayeeya, “Ee, ndiza ako nke kaambo.”

126 Mwabona, we—we elede kuzumanana kugusya zintu zya inyika kuzwa kuli nduwe. Lino, Nse iminini kutaiya, kutali—

kutali ceeco, pele Ndi sola kuyeeya cindi wasika ku busena awo mpo yeeya kuti nywebo buyo—nywebo uzyi kunji loko kusikila kwiina umwi uuzyi cili conse kujatikizya ncico. Luzibo lwako luli kabotu kufumbwa kuti talu—mbuli mbo talu nyongani zisyomezyo zya Leza.

¹²⁷ Twe endelezegwa a magano osanwe, a magano ayo osanwe (kubona, kulabila, kwaampa, kununkizya, a kumvwa) ali kabotu loko kusikila a nyonganya gano lya Lusyomo. Mpawo cindi a boola kulwana Lusyomo. . . Elyo mbobuti mbo ziba kuti ndelili limwi liluleme? Nkaambo Lusyomo luyo zuminana lyoonse a Ijwi. Elyo mpawo ikuti—ikuti na lusyomo lwako luliimpene ku Ijwi, na uyeeya kuti mbo cibede, nkokuti to jisi Lusyomo. Uli jisi kulicengeezya. Ujisi kulisumpula mu magano ako, zya lwiyo lupati ndo kaiya, na cintucimwi. Pele cindi mwazwa kuli eco a kulangila cakumaninina aa Lusyomo, alimwi Lusyomo lukonzya buyo kuyakwa aa Ijwi lya Leza (Lusyomo lwini).

¹²⁸ Ii dokotela lumwi waka ndaambila, kati, “Nda syoma, Billy, ikuti na balo bantu. . . ikuti na wa baambila kwiinka okuya a kuguma cikwankwani eco, cisamu eco, alimwi kaba syoma kuti baya kuba kabotu, inga baba kabotu mbubonya.”

¹²⁹ Nda kati, “Peepe, munene. Ta kukonzyi, dokota, nkaambo ka cintu eci comwe, wabona, balo bantu balizi kuti eco ncikwankwani buyo. Ba lizyi kuti taakwe bubotu nanka nguzu mu cikwankwani eco.”

¹³⁰ Pele kufumbwa muntu uusitikide kabotu mu maanu inga waziba kuti eelyo ndi Ijwi lya Leza muumi, kuti Ndi konzye kutonkomeka lusyomo lwangu ali ceeco a kuziba kuti Ngu MBUBOBU MBWAAMBA I MWAMI! Elyo ikuti na cintu cimwi ciimpene kuli Eelyo, nkokuti Nse asyomi magano angu. Peepe, munene, kocisiya buyo cilikke. Kounka kubelesya gano lya limbi, gano lya Lusyomo.

¹³¹ Yaa, Leza ulabweza abo bantu kuti bacite. . . Cindi banooli batengwani, baya kulipa kuli Nguwe.

¹³² D. L. Moody waku Chicago, wa kali waku Boston, wa kali sikusuma mabbusu; mulombwana, muniini, loko, uutakweankwaya, taka yaamina kuli lwakwe pe. Lino, amubweze zikolo ezi zipati nzoba jisi, Cikolo ca Moody kutala okuya, ikuti na Dwight Moody wakali kukonzya kubuka alubo a kubona cikolo eco, cintu citaanzi Dwight Moody canga wacita nku gusya cikolo eco.

¹³³ Ikuti na Martin Luther wakonzya kubusya, cintu citaanzi nca kali kuyo gwisya nkabunga ka Lutherani. John Wesley wakali kuyo cita mbubonya. Balo bantu tiiba katalisya tubunga oto, ba kali bantu baka batobela, abo baka cicita.

¹³⁴ Paulo taka bunganya mbungano, nkaambo wa kati, mwini, “Musule lya kuzwa kwangu, bantu benkamu zyanu baya kubuka akati kanu, kabano kanana zintu zipilingene.” Cakali cindi

nikwakainda lufu lwa Paulo, alimwi mwaanda (na yobilo) myaka kuzwa obo, kuti baka panga mbungano ya Katolika, kabunga kataanzi.

¹³⁵ Bantu baka buka! Cakali cindi nkwakainda lufu lwa Moody nibakaba a Cikolo ca Moody; kwiinde lufu lwa Wesley nce ciindi niba bpanga mbungano ya Wesley; kwiinde lufu lwa Luther nce ciindi nibakapanga mbungano ya Luther. Leza ulatuma basimpuwo bacamba; nkabela bala yaka . . .

¹³⁶ Ta cigambyi Jesu wakati, “Nywebo—nywebo no bwaanda butubye!” Wa kati, “Mula—mula botya tubanda twa basinsimi, alimwi muli bamwi baka babikka omuya!” Mbo mbubo.

¹³⁷ Aba bantu balemu baka buka; mpawo bakayaka ziibalusyo zyabo. Ndi yeeya kuti, mbubonya mbuli Davida, “Wakabelekela Leza kabotu mu nzyalani yakwe mwini.” Aboobo eyo nje nzila yakucita. Kulekele tubunga a zintu okuya, ezyo, amu tantamuka.

¹³⁸ Moody, sikubambulula mabbusu muniini wakaindi, wa kali kompeme. Wa kali mukozyanyo wa bukompami. I cintu citaanzi nco caamba Moody nca kacita. . . Ta kajisi lwiiyo pe, alimwi bwaambe bwakwe bwa cisyobo bwakali bwaansi loko caku yoosya. Ii muntu wakasika kuli nguwe ciindi cimwi akuti, “Ba. Moody,” kati, “bwaambe bwako bwa cisyobo mbubi loko Mbwe kasola kumvwa mu buumi bwangu.”

¹³⁹ Wa kati, “Ndi wina bantu ku kutaziba kwangu, ino ucita nzi a lwiiyo lwako?” Ndi yeeya kuti obo bwakali bwiinguzi bubotu. Masimpe bwakali obo!

¹⁴⁰ Elyo lino, waba cizo ca Cikolo eco, uyooba sicikolo ncobeni wakalondolwa. Mbo mbubo. [Ii mukwesu waamba, “Ka cipindamuna buyo!”—Mul.] Lino, inzya, ba “ka cippindamuna” kuli luleme, kujokela nkoonya ku nzila imbi.

¹⁴¹ Eco nce ncico bantu ncoba cita. Cindi Ne amba ku matalikilo aa mulumbe wangu. . . Mubusena bwa Banakristo kuli bombya lwabo a kulisukumuna lwabo kuti bajane busena bunji bwa Leza, ba sola kuliyaka lwabo mu luzibo lwa kulipangila, na luzibo lumwi lwa cikolo, na cintucimwi, eco cila baleenzya kulaale kuzwa kuli Leza kwiinda mbo bakabede cindi noba katalika.

¹⁴² Nce ncico Nce yeeya kujatikizya lwiito lwaku zipaililo lwa kulipangila. Wa muleta mukati, nkabela ciindi citobela ciya kuyuma loko ziindi zili kkumi ku mujosya. Amu muleke akkale a kuswiilila kusikila Leza amu citile cintucimwi! Elyo mpawo kumulekela kusika aku cilungulula, a kubuka, kwiita ku Zina lya Mwami. Mbo mbubo.

¹⁴³ Amubone Moody, kakompeme mu lwiiyo, kakompeme mu bukazi, wa kafulida kwiinda mu mpemo yakwe. Nda kali kubala makani akwe akale buzuba bumwi, “Kafulida

kwiinda mu mpemo yakwe, cilwazi camupemo.” Mulombwana muniini cakunyama, wa lubala, a malezu kaalengelela ansi lyakwe...?...; mulombwana, mufwaafwi loko. Cakunyama, wakali manide kunyama. Aboobo taka jisi cintu pele bukompami cakuzumanana. Pele Leza waka mubelesya kuzungaanya inyika mu buzuba bwakwe!

144 Ciindi cimwi kwakali simubweza twaambo wa kaunka ku muswaangano wakwe (Nda kali kubala), a basimubweza twaambo, ku kubamba kaambo amusyobo wa muntu wakali mwaalumi oyu (mwaalumi mulemu, mulombwana mulemu).

145 Ili kuli eyo swichi njo belesya kuzima teepu? Njeeyi na? Njo cita kujatilila eyo alya.

146 Ii—ii muntu mulemu, Moody mbwa kabede. Wa kali muntu uli kabotu. Elyo aboobo wa kakonzya kukwelelezya kumvwa kwa bantu, waka bacitya kwaankamana. Aboobo kwakali simubweza twaambo wa kaunka kuli Ba. Moody a kuti... kaunka ku muswaangano kuyo panga bulunguluzi ali ceeco ca musyobo wa kuyakwa kupati... .

147 Mbwa kainkila buyo simubweza twaambo ku muvangeli umbi, calino, kati, “Oyo mwaalumi ukanana kabotu. Walo Mwiyi wa Zyabukombi. Walo ubelesya bwaambe bwacisyobo bubotu maningi Mbwe kasola kumvwa. Ula jata bantu mu lwiiyo lwakwe lwa kulilemeka kwa mizeezo. Ula konzya ku kankamanisya bantu.”

148 “Dwight Moody,” cindi simubweza twaambo nakaunka, kati, “Nse boni eco cili muli nguwe cikwelelezya ku muntu uli oonse.” Kati, “I cintu citaanzi, uli galankene mbuli mbwa konzya kuba. I cintu citobela, uli manide kunyama. I cintu citobela” wa kati “mbwa bedede, ta jisi lwiiyo. Bubambe bwakwe bwa cisyobo bulaansi loko Mbwe kasola kumvwa!” Elyo wakati, “Walo ujisi kufulida a kufooma cindi ano kambauka.” Elyo kati, “Nse bwene cintu mu Dwight Moody cikonzya ku kwelelezya kumvwa kwa umwi.”

149 Ba. Moody baka letede caano. Wa kacibala, wa kali sekela mwini, kati, “Nee ncobeni; ngu Leza. Masimpe! Bantu taba booli kubona Dwight Moody, ba boola kubona Leza.”

150 I bantu tabakwe ndaba nkunji nkopa bumboni, ba yanda kasimpe omuya mu buumi bwako obo butondezya kuti Leza waka kujata. Abe muna Methodisti, Baptisti, Pentekoste, kufumbwa mbo mukonzya kuba, ba yanda kubona Leza. Mbo mbubo, bantu ba... bantu balemu, baalumi abo bakompeme a kumvwisya bukompami bwabo.

151 Amulange Musa, mwaalumi mukubusyi mupampu. Oh, wa kali sicikolo mupati. Wa kayiisigwa loko mu busongo boonse bwa bana Egepita kusikila wa kali kukonzya kuyiisya ba Hebrayo. Wa kali kukonzya kuyiisya bana Egepita. Wa

kali kukonzya kuyiisya umwi, nkaambo Musa wakali muntu mulemu, mulombwana mucenjezu. Oh, wa kali muntu wanguzu.

¹⁵² Mu muzeezo wa Cecil DeMille wa ncico, cindi—cindi naka jisi *I Milao Ili Kkumi* kai tondezegwa, elyo wa kacitya oyu mwaalumi kuboola oyo wakali . . . Nda luba zina lya muntu oyo wakali kusobana cibeela ca Musa omuya, simisobano imwi, pele muntu mupati ncobeni kajisi maboko a nguzu zipati. Elyo Musa antela wakali musyobo oyo wa muntu.

¹⁵³ Tu lizi wakali muyumu a wakayiisigwa kabotu, aboobo wa kalibwezela lwakwe, mukubona kubula kwa buzuba. (Oh, akube kuti Leza alekele eci kumvwugwa!) Mukubona kubula kwa buzuba, Musa a nguzu zyakwe zyakubampu a kukonzya kwakwe cakubi wa kacicita a . . . Wa kali muntu musongo. Wa kali Farao wakali kuboola. Wa kajisi kulilemeka kwa mizeezo. Wa kajisi—wa kajisi nsana. Wa kajisi nguzu zyakunyama. Wa kajisi—wa kajisi zintuzyonse. Aboobo wa kati, “Ndi jisi zibelesyo. Ndi lizi koonse kwa nkuko. Elyo ikuti na kuli muntu mu cisi uukonzya kucicita, Ndime. Aboobo, Ndili muntu wa oora aboobo Njo zwa.” Elyo wa kaunka ku kuzuzikizya mulimo oyo wakali luleme alimwi mu luyando lwa Leza, alimwi wa katuula kukonzya kwakwe kwa kunyama. Elyo Leza waka kukaka! Ta kakonzya kubelesya cintu comwe Musa nca kajisi.

¹⁵⁴ Ta kakonzya kucibelesya mpawo, nanka Ta . . . alimwi Ta konzyi kucibelesya eno. Leza takonzyi kubelesya kukonzya kwesu kwa kunyama. Twe elede kuli gusya tobeni a kukonzya kwesu mu nzila, a kulipa ku luyando a nguzu zya Leza.

¹⁵⁵ Kwaamba, “Ee, mukwesu, Nda konzya kukambauka.” Ta konzyi kubelesya ceeco kufumbwa kuti *yebo* kokonzya kukambauka. “Okokuli kabotu, Nda konzya kucita *ceeci*, Nda konzya kucita *ceeco*.” To konzyi kucita cintu. Ee, mpawo Leza takonzyi ku cibelesya. Pele ikuti na uyo lipa lwako kuli Leza aku Mu lekela kucicita!

¹⁵⁶ Yebo wati, “Ee, Mukwesu Branham, Ndi lizi. Ndili mwiyi.” Ee, kufumbwa kuti *koli* mwiyi, baa, Ta kasakani pe. Pele Muuya Uusalala Mwiyi wesu. Masimpe, Mbwa bedede! Leza wakatuma Muuya Uusalala kuba Mubanzi ku Mbungano.

¹⁵⁷ Bantu bamwi balaunka ku cikolo kwa myaka a myaka a myaka. Ino bacita nzi? Bala zyaano zizwa mu Kaanda Kamujulu, a boobo (oh, eco ncibotu) mu bweze ciiyo cakwiiya Munsondo ca Cisi coonse. Nse jisi cintu cakulwana ceeco. Ayo Majwi aa Leza, a zintu, pele cibikkidwe antoomwe a bupampu! Ci leelede ku boola kwiinda ku nguzu a bubuke bwa Kristo, alimwi tokonzyi kulangila aa kukonzya kwako kwakunyama.

¹⁵⁸ Aboobo, Musa, oyu mukubusi, mubbabbani mubotu, muntu mupampu, wa kali bambila kucita mulimo mubotu; pele Leza cabuteteete, ncobeni taka konzya kucibelesya. Ta kakonzya kubelesya kukonzya kwakwe kwakunyama.

159 Elyo ta tukonzyi. . . Ta cili obo asunu, kuti ta tukonzyi. . .
Leza takonzyi kubelesya kukonzya kwesu kwakunyama.

160 Pele kuli cintu comwe Musa nca kajisi Nce kanyomenena, wa kajisi kuyeeya kubotu kwa kuziba wa kali zundidwe. Ta tuna. Kwa mana. “Tuyo panga kabungwe *kapyo*. Tuyo jana muntuumwi umbi ujisi cipego cakuponya, na cintucimwi,” ba Pentekoste, nywebo mwabona. Mwabona? Ta—ta tuzi buyo kunji kwa kumwisyia kuti tuli zundidwe. I mbungano ya Pentekoste, Assemblisi ya Leza, Bakamantene, bamwi babo, kuboneka kuti taba jisi kukonzya kwa kuziba kuti bakali zundidwe. Aleluya! Oh, Nda lombozya Ne kozya kubamba ceeci kumvugwa. Balo bali zundidwe. I mbungano ili zundidwe! Mbubonya buyo eyi United States mboi zundidwe, kukankama a kuyoowa, a mabbomba kaalengelela kulaale nkambo ka mbabo, ba lizyi kuti bakamana kuzyana akuli bambila mulyango wa buumi bwabo kuyaku gehena. Alimwi bali zundidwe, Muuya wakazwa kuli mbabo. Inga weelela kuvwentauzya masamu kuti ujane baalumi bakubusyi ku impi; ba kabona eco cakacitika muli umwi umbi. Tuli zundidwe! I mbungano ili. zundidwe Ba lizyi obo.

161 Musa waka cimvwisyia, mpawo wa kaziba loko mpawo. . .
Leza waka mujosya kumbo, mu nkanda, kuyo muyiia bukompami bwa bantunsi. Wa kamu josya akuyo muyiisya makani onse ancico. Aboobo wa kaiya kabotu! Oh, ma, sa wakasola kujana ciyi! Leza kweelede kuti wakali jisi ciindi a nguwe kaindi okuya! Nywebo mulizi, Musa waka jisi bukali; elyo Leza waka mupa mukaintu wa zina lya Zipporah, waa kali jisi bumwi, awalo. Aboobo Ndi yeeyela kuti zintuzyonse teezya kali kubotelezya loko kumbo lya lukula kwa kaindi kaniini, cindi bukali bwabo bobilo nibwa kabula bunyone ku ciindi comwe.

162 Ndi yeeyela kuti muzeezo wakwe wa bupampu bwa saikkologi mbo bweelede kweendelezya muntu tii kwakacita kabotu loko, nkaambo, cindi nakali mu lweendo lwakwe kuya kumusanza ku Egepita, Nda bona Zippora wakacili jisi bukali. Waa katendede lulomo lwa mwana wakwe a kulusowela kumbele lya Musa, kati, “Uli mulumi uuzwide malowa kuli ndime.”

163 Elyo Leza waka mu nyemena loko Wa. . . kamulangila mu hotela, ikuti Na kakonzya kumujana Na kamujaya. Ndi yeeyela kuti kwakali zintu ziniini Leza nzya keelede ku muyiisya kaindi okuya, mwabona, kuti wa kali muntunsi. Zyoonse zya busongo bwakwe bwa Egepita a zyoonse inguzu zyakwe zya bupampu, Leza taka konzya kubelesya imwi yazyo.

164 Yebo waboola, kwaamba, “Lino, Mwami, Nda ka yiisigwa kwa myaka iili makumi one eno, Ndili i—Ndili sicikolo mupampu. Nda konzya kubalulula Bbaibbele eelyo a meso angu kajalidwe.” Leza takonzyi kubelesya ceeco nokuceya. Mwabona? Peepe.

165 “Oh, Ndi zulilwa ku mbungano mpati kwinda iliko mu cisi. Ndili—Ndili i . . . Ndili *obu*, Mwami. Oh, Ndili muna Pentekoste. Ndi . . . Bulemu kuli Leza! Nda katambula buyo Muuya Uusalala busiku bumwi. Aleluya! Uyo ndibamba kucita *boobu-a-boobu*.” Leza takonzyi kubelesya ceeco nokuceya. Nee!

166 Kufumbwa cindi wa lizunda akuziba kuti uli lizundidwe, elyo mpawo kojoka akuli bombya omwini. Wakompama, wajana kuti uli muntunsi. Alimwi kwiina bumwi bwa bupampu bwako bukonzya kucita ku . . . Kukompama kwa buntunsi taku kabelesegi aa Leza; Leza ku bukompami bwa buntunsi ula li tila Lwakwe muli nduwe, mpawo Ula libelesya Lwakwe. Yebo uba buyo cibelesyo. Cilimasimpe! Yebo weelede kuligusya lwako kuzwa mu nzila.

167 Musa, oh, wa kaiya, wa kaiya bukompami bwa buntunsi kabotu loko. Wa kabwiiya kabotu loko, mane, cindi Leza naka mwiita, wa kajisi bukompami buli ciloba obo mbwa kali kukonzya kukazya kulwana lwiito lwa Leza. Sena mwakasola kulangalanga mu cibeela citaanzi ca Kulonga, bukompami buli ciloba? Ndi—Ndi bujisi buli lembedwe awa. Ndi yanda kuti mu buswiilile. I bukompami butaanzi mbwa kajisi bwakali bwa kubula mulumbe. Bukompami bwabili mbwa kajisi bwakali bwa kubula bwami. Bukompami bwatatu mbwa kajisi bakali bwakali bwakubula kukanana kabotu. Bwabili bwane bwakali bwa kucinca kweelela. Bwasanu bwakali bwa kuzwidilila. A bwa cisambomwe bwakali bwa kuzumina.

168 Lino, amweezyanisyeye wananu a bwakwe a kubona ikuti na mula konzya kujana ceeco, kubona ikuti na mula konzya kukompama mbuli mbwa kabede. “Mwami, Ta—Ta ndili mubotu. Nse konzyi kukanana. Nda—Nda—Nda jaya muna Egepita. Nse konzyi kujokela. Oh, zintuzyonse! Taba kandi tambuli. Nse jisi mulumbe. Ndi jisi . . . Nse konzyi kukanana. Alimwi Ndala—Ndala bbabbalika kubandika.” Elyo amubone obo mbwa kabede? Ta kali cintu! Mukwesu, wa ka ponesegeya. Inzya, Leza wakali kukonzya kumu belesya mpawo nakamana ku ponesegeya. Mwabona? Inzya.

169 Oko . . . Ula konzya kutu belesya twamana kuponesegeya, kujana ayo “Ma Ph.D. a LL.D. a obilo ma L.D.,” na kufumbwa mbocinga caba, “oonse madigri angu tacili cintu.” Leza takonzyi kwaa belesya!

170 “Ee, Ndili wa Assemblisi ya Leza. Ndili wa Bumwi. Ndili wa Baptisti. Ndili muna Presbyteria.” Leza takonzyi kubelesya ceeco nokuceya! Lila buumi loko ulazwa kuli ncico, ee, ncibotu maningi ula—ula—ula lipa lwako kuli Leza.

171 Mbuli musinsimi mbwa kabede, kati, “Ndili muntu wa milomo iitasalali, alimwi akati ka bantu batasalali.” Elyo Angelo wakainka a kuyo bweza i—i lumano, a kwiinka atala ku cipaililo a kuyo bweza ikkala lya mulilo a kuguma milomo yakwe.

Mpawo wa koompolola, “Mwami, mpaawa mpe Ndi; kondi tuma.” Inzya, nakamana kumvwisya kuti wa...Nekubaboobo mukuba musinsimi, wa kajisi milomo iitasalali.

¹⁷² Cakufwambaana mbuli mbo tu konzya kuziba kuti ta—toli cintu, kuti toli cintu, uli suko lya nyika...Leza takonzyi ku kubelesya...Iiyi, luzibo lwako lulayo...Boonse bukompami bwako inga tiibwa konzya kweendelana a Musa'. Wa kajisi bukompami bwandeene buli cisambomwe awa, alimwi wa kayiide bukompami bwabuntu.

¹⁷³ Lino amulange lwandaano akati ka *oyo* Musa kaswaana Leza, a *Musa* kalangide aa i...?....mbuli sunu. Kati, “Kwaamba, tu yandikana *boobu-a-boobu!* Tu yandikana lubukulusyo mu cisi. Ndiyo mwaambila eco Nceyo cita, Ndila jokela a nkaiye mane Nka jane yangu Bbaccela ya Arti. Uh-huh! Ndila jokela nkaiye mane Nka konzye kunanikwa mbuli LL.D. Ndiyo iya malembe. Ndiyo cita zyoonse ezi, mpawo Ndiyo unka nkabela Njo oba ‘muntu wa oora.’ Njo umya boonse balombwana aba kunselelo abo bakatalika kuzwa awa.” (Oh, mukwesu!) “Ndiyo liyakaila buyake bwa madollar ali mamilioni otatwe. Ndiyo lyuulila makkadillaki manji. Elyo...” Oh, mukwesu! Yebo inga—yebo inga akwalo totalika, nkaambo uli sakene kuzwa kumatalikilo, yebo wabona. Pele penzi lya ncico ngu taba cizyi!

¹⁷⁴ Ba yeeya kuti weelede kuba amasusu avungene akusama nsuuti ya tukkisido a kwaamba kuti “aah-muntu” mubotu loko, a boonse mbuli obu, a kuba sibwami. Oyo ngu sikweendelezegwa a mwanakazi!

Leza uyanda bantu, bantu banaleza, bantu bakonzya kuzungaana!

¹⁷⁵ Pele sunu tu yanda Hollywood. Tu yanda cintucimwi eco—eco ciyandika ku liso. Tu yanda cintucimwi eco cikonzya ku kanana cabupampu loko cakuti inga wa tulekela koono kwa maminiti osanwe kuciindi na...Munsondo cifumo.

¹⁷⁶ Leza uyanda basikwandaanya abo bayo mutuma mbuli kumweka kwa lulabo, mulandu wa cibi ku miyanda, (mbo mbubo) ku cisya.

¹⁷⁷ Pele tuli...Tu yanda beembeli besu bapampu. Bunji bwa bantu bayanda mweembeli uvwiavwiya, muntuumwi uuti, “Iiyi, oyandwa.”

Leza uyanda basinguzu bafwambaana kapati! Iiyi, munene.

¹⁷⁸ Kubaumauma kusule, a masusu mafwaafwi a misila, a zintu zyoonse zimbi, a kusama zisani ezyo nzoba katililwa mukati, a zyoonse mbuli, a kutaamba ijwi kujatikizya ncico.

¹⁷⁹ Muntu mulemu waka nditumina mu ofesi yakwe okuno, (kutali ofesi lyakwe) busena bwakwe bwa mulimo, okuno kaindi

kaniini katali kalamfu kakainda, kati, “Ndi yanda kubikka maanza ali nduwe kutegwa ukaleke kucita ceeco!”

Nda kati, “Uta ciciti. Uta ciciti. Peepe, munene.”

¹⁸⁰ Cindi walesya ceeco, yebo ulesya Mulumbe. Yebo ulesya Leza cindi wacita ceeco. Iiyi, munene. Ta tuyandi cimwi ca ceeco.

¹⁸¹ Sena Leza wakafwida Musa nsoni a zyoonse zya bukompami bwakwe, kati, “Musa muniini utakweankwaya, cintucimwi—cintucimwi caka citika ncobeni kuli nduwe, wa kawa kuzwa ku digrii lyako. Oh, ma! Awa, inzya, wakali muntu mulemu, mupampu, alimwi kwakanyina cintu cakali nokulesya. Mukwesu, wakali jisi ma Ph.D. a ma LL.D., a zintuzyonse zimbi, elyo lino mpaawa waboola kulyaambilila kuti toli cintu, to konzyi kucita cintu. Uli—uli kompeme loko?” Peepe! Leza taka usa nsoni kuli nguwe. Leza taka mufwida buuya. Leza wakacita mukuponya ku zintu ezyo zyonse. Ta kausa nsoni kuli nguwe.

¹⁸² Pele tu jana kuti, ikuti na mula cilemba, Kulonga 4:14, “I bukali bwa Leza bwakabuka ku mulwana.” Leza kwiina naka mufwida nsoni nkaambo wakali kompeme.

¹⁸³ Yebo wati, “O Mwami, Nda limvwa buyo bubi loko, Nse syomi kuti inga Nda cicita.” Leza tamu fwidi nsoni; ulimvwa mbuli ku mutontaika konse aniini. Mwabona? Mwabona? Masimpe. Leza tamu fwidi nsoni; Ula—Ula mu nyemena. Muli mu kunjila mu ciimo mpawo awo Mpa konzya kumubelesya. Inzya.

¹⁸⁴ Musa ka silikwa, Leza wakali kukonzya kumu belesya. Wa kajisi cisilisyo, wa kali zwide ku kukonzya kwa muntunsi mpawo. Ta kajisi cintu ncakali kukonzya kuyaamina mpawo, nkaambo wa—wa kali libambilide mpawo ku mulimo.

¹⁸⁵ Leza wakati, “Myaka ili makumi one kubusena okuno Nda kali kujisi a Zippora kukwankwana a kucita koonse abusena awa mu nkanda eyi, naa inga mwajana kuti kuli kukompama kwa buntunsi na pe, awo mpo imvwi awo mbuli sibwami mupati, ‘Kwaamba, Mwiyi Musa. Wabuka kabotu, Mufundisi, Munene. Iiyi, munene. Musa, nduwe mwaami uuboola. Koonse. . . Toonse tula kuyeeya.’ Lino uli kokuno mu lukula a cikama ca mbelele a mukaintu wa lunyemo maningi.” Mwabona? Eco caka mubamba. Iiyi, munene. Musa mu ciimo cibyaabi, pele Wa kati, “Lino Nda konzya ku kubelesya, cindi waziba kuti toli cintu. Lino boola atala awa muni lya citeo eci ciyaka, Ndi yanda ku kutumina kulaale.” Oh, ma!

¹⁸⁶ Leza, kotupa bambi ba musyobo oyo, kotupa bambai bakompami loko. Eco nco tubulide, mmakompami bamwi. Masimpe!

¹⁸⁷ Wa kali Jakobo, nywebo mulizi. Jakobo wakayeeya kuti wakali mulombwana mulemu lomwe, nywebo mulizi, wa kali

kukonzya buyo kweena a kuta subulwa kuli cimwi. Kaunka a kubikka tusamu twa popula mukati omo mbelele a ng'ombe zya syanyinazyala cindi nizya kamitide, ankabela waka zisandula kuba mbelele zya myeengo, akuwala mbuli obo cindi nizya kainka kuya kunywa maanzi. Elyo, cintu citaanzi mulizi, Jakobo wakaba muntu mulemu. Masimpe. Wa kali ii . . . “Wa kali kutegwa *Jakobo* ncobeni, taakwe bulubizi,” Esau wakati, “wa kali ‘mumpelenge’ yaa.” Aboobo wa kali silweeno. Wa kali kubooba kabotu, kasumpuka, waka jisi matanga mapati a bamakaintu a mbelele, a ng'ombe a basune, a—a zintuzyonse, wa kajisi zintuzyonse.

188 Pele busiku bumwi (oh, ma!) cindi naka selemukila ku kalonga kaniini ciindi cimwi, kakali kuya kukulanduka, wa kaboola ku busena cakuti Angelo waka mujata. Mukwesu, Jakobo mudaala wakajatilila masiku oonse. Wa kali jatilide ncobeni kwa ciindi cilamfu. Pele cindi na kalipa mwini, cindi na kakompama a kuta konzya kujatilila limbi . . .

189 O Leza, lekela mbungano ibe boobo, kusika ku . . . mbungano isike ku busena oko nkoi tacikonzyi limbi kujatilila ku kukonzya kwayo kwakunyama, pele yeelede kulipa kuli Leza. Kolekela ba Methodisti ba fwebweeme kuli lwabo beni kuti mba Methodisti. Kolekela ba Baptisti a kulekela ba Pentekoste kuti ba fwebweeme kuli lwabo beni, a kwiima kujatilila, a kulipa ku Muuya.

190 Ca kali mpawo kuti Jakobo wakaba “sibwami wa Leza.” I Bbaibbele lyakati wakaba “sibwami,” nkabela zina lyakwe lyaka cincwa. Mwabona? Elyo—elyo, amuyeeye, wa kali muntu mulemu muyumu ku lubazu *olu*, wanguzu maningi; pele ku lubazu *lumbi* wa kali sibwami uusunkuta, mukompami a umanide loko, pele wa kajisi nguzu kumbele lya Leza.

191 Inzya, yebo inga . . . Kabunga kako inga katyoka kulaale mu tubeela. Lukono lwako mu masena aengelede, inga waba “cikwaangala wacyianza cakaindi” kuzwida waawo, mu busena bweengelede. Eco inga caba ciluleme. Pele Ndiyo mwaambila, muyo oba a nguzu antomwe a Leza. Inga ndasala kuba mbuli boobo. Ndiyo sala nzila eyo kufumbwa ciindi.

192 I basikwiiya bakajoka a kusekelela nkaambo bakali kkomene kuti baka balwa kweelela kuyumuna sampu lya Nkaambo a lya Jesu. Masimpe! Bayo mwiita kuti “mubumbulusi uusalala.”

193 Amukazwe mu busena obo ciindi cimwi, aku cilekela kutalika. Ko angululwa kuzwa kuli lwako kuteeti, “Ee, kwaamba, Ndili muna Methodisti,” na “Presbyteria” na “Ndili muna Assemblisi,” “Ndili wa Bumwi, Ndili kabotu buyo mbuli mbobede.” Ncibotu. Kuzwa buyo muli ceeco ciindi cimwi, kupa nzila. Gwisya zyoonse . . .

194 Lekela angelo aka kujata ciindi cimwi, angelo wa Mwami uya ku kuletela Bwini bwa Mulumbe. kamulekele aka kujate ciindi cimwi, uyo libombya nkoonya ku lubapatizyo lwa mu Zina lya Jesu, uyo libombya ncobeni kuli zyoonse zya Ndilyo. Iiyi, uyo cita, uyo cicita ncobeni. Inzya, muyo—muyo luba buyo boonse aba basibupampu.

195 Ii mazuba masyoonto ainda, umwi wa beenzuma babotu loko Mbe jisi, muntu mubotu, wakati kuli ndime, kusiya kaanda Ne kamana kuba ku muswaangano wakubuziyanya kwakumbali, kusiya kaanda, kati, “Mukwesu Branham...” Alimwi oyu muntu wakali umwi waba sikugwasya mu mali mu muswaangano okuya. Amuboole ku busena oko Nkwe tazi nzila Mbwe kali kuyo bamba cintu kuunka, kusyoma buyo Leza; muntu oyu inga wa cilembela. Iiyi, muntu buyo mubotu! Elyo muntu oyu wakabweza lweendo a kuzwa ku dolopo pati, kuno masiku masyoonto ainda, a kwiima mu kaanda a kwaamba kuli ndime, mangolezya amwi, kati, “Mukwesu Branham,” kati, “Ndi yanda buyo kwaamba cintu comwe.” Kati, “Takukwe muntu pele oyo ukuyanda oyo Ngwe zyi.”

Nda kati, “Ndili kkomene kapati kuli ceeco.”

196 Kati, “Mukwesu Branham, kuli cintu comwe buyo, cintu comwe cilubide.”

Nda kati, “Ncinzi eco, mucizi?”

197 Kati, “Ee, cintu comwe nceeci, Mukwesu Branham, ikuti na walimvwanya buyo aniini ku Njiisyo eyo njo jisi,” kati, “tubunga toonse tuyo kutambula.”

198 Nda kabona mpoonya awo, Nda kayeeya... Nda kati, “Ni Njiisyo nzi, mucizi?”

Elyo kati, “Oh, olo lubbizyo mu Zina lya Jesu.”

199 “Oh!” Nda kati, “Pele, mucizi, inga tolangila ndime kulimvwanya aa Ijwi lya Leza alimwi kocinooli mulanda wa Leza.”

200 Elyo kati, “Ee, okuno, kuli nkamu ya bakutausi abo Mbeli waano kwiiminina dolopo eli pati.” Kati, “Ikuti na uyo baambila kuti Angelo wa Mwami oyo uumupa zilengaano eezi wa kamwaambila ku bapatizya mu Zina lya Jesu, mpawo bali libambilide ku Ci zumina.”

201 “Ee,” Nda kati, “luzibo lwabo luli kompeme loko kwiinda maanzi amu mudishi!” Nda kati, “Ta ndikwe makani eco kufumbwa angelo ncanga waamba, ikuti na ta ceendelani ku Ijwi Ta ndi cisyomi!” Nda kati, “Ikuti na oyo angelo wandaambila cintucimwi ciimpene kuzwa kuli Ceeco, inga Nse musyoma angelo.” Yaa! Ijwi lya Leza nditaanzi, atala lya baangelo boonse a zintuzyonse zimbi! Ii Angelo wini... Nda kati, “Ikuti na ta ndaambila Ceeco, inga Nse muswiilila.” Iiyi.

202 I mulindu taakazi cakucita. Waa kati, “Nsena mvwide cili boobo. Nse kazi kujatikizya Ncico.” Mwabona, nceeco we. Aboobo Nda pa mulindu muniini Lugwalo lumwi. Elyo waa kati, “Ndiya kujokela ncobeni nkoonya ku muunzi a kwiiya Cizuminano Cipy. Nsena Ci langalanga.” Mwabona, mpaawo we. Oh, ma! Oh, ma! Awo mpempawo mpo jana. Oh, ma!

203 Amuleke kusola kujatilila. Amwa anguluke! Nce ncico nco muyanda kucita: amwa anguluke. Jakobo, cindi na kaangulula wa kali kabotu, wa kaba sibwami alimwi wa kajisi nguzu antomwe a Leza.

204 Wa kali Davida *muniini* kasamide jakete lyabupaizi lya Saulo, oyo wakainka ku—ku—ku lwana Goliati. Elyo cindi Davida nakatalika okuya kulwana Goliati a cilwanyo eci conse nca kasamide, wa kalanga koonse, wa kacebuka, wa kaboneka mbuli bamwi babo, aboobo wa kati, “Kuli cintucimwi cilubide awa.”

205 Kufumbwa kuti koli mbuli nyika a kulimvwanya a nyika, a kucita cintu nciconya inyika mboibede, kuli cintucimwi cilubide.

206 Davida wakati, “Eci ciboneka kabotu loko. Ndi jisi Digrii lya Bwiiyi, Ndi jisi Ph.D. Mwabona, Ndi zulilwa ku kabunga kapati, mbobuti Mbwe konzya kusola kulwana a zintu ezi zyoonse? Nse zyi cintu kujatikizya ncico. Nse zyi cintu kujatikizya ncico!” Davida wakati, “Gwisya zintu kuzwa kuli ndime.” Mbo mbubo. “Ikuti na Njo lwanina Leza Nse yandi kuboneka mbuli nkamu eyi ya bakandu baimvwi awa, zilwanyo zyoonse zyakabikkwa mu zilwanyo a kuyaswa. Ta ndikonzyi kuba a muswaangano . . .”

207 Miswaangano minji, bantu banji, bakutausi banji abo baboola kuli ndime a kulyaambilila kuti basyoma Zina eelyo lya Jesu Kristo kuti lili luleme mu kubapatizigwa andilyo, pele kwaamba, “Kabunga kesu kayo tutanda.” Yebo sintamizyo mucete! Samununa cilwanyo ca Saulo!

208 Amu ndipe nguzu a nguzu zya Muuya Uusalala! Leza, ko ndituma a nkwilipo, takukwe makani mboibede (obo kuniini), kouma sinkondo ansi. Obo mbwini. Kondi tuma, pele uta ndilekeli kusama mbuli bamwi babo a L.L., Ph.D., Madokotela, musyobo oyo oonse wa zintu.

209 Davida wakati, “I cintu ta ciboneki kabotu.” Wa kati, “Ta ndizi cintu kujatikizya eco.” Wa kati, “I cintu buyo eco Nce zyi, eco Nce jisi eco Nce. . . Kunze lya lukula Nda kali kweembela mbelele zya bataata.” Elyo kati, “I mulavu wa kanjila a kukwempa kabelele kaniini a kuzuza kuzwa a nkako, elyo Nda kalizi kuti kakali kabelele ka bataata, elyo, oh, Ndi—Ndi—Ndili . . . Tii ndaka jisi zyakulwanya, pele Nda kabweza buyo nkwilipo yangu a kumu tobela.” Kati, “Nda kamujaya a kujosya kabelele.” Oh, ma! Balo kabaimvwi alya, sumo mu janza lyabo, teeba kakonzya kucicita.

210 Eelyo nde penzi asunu. Leza uli jisi mbelele zinji zya kasweeka, tubunga a zintu twa bazibba, ku baleta mu saikkologi. Leza kotupa ba Davida a Ijwi lya Leza a nguzu zya Leza, ku cikombela cindi twa kuunka kuyo swaana babbabbani aba bapampu (Ncibotu!) a ma Ph., LL.D. manji, ya Q.U.S.T. manji, na kufumbwa mbo cinga caba. Amu ndipe Ijwi lya Leza a nguzu zya Muuya Uusalala alimwi, Njo mwaambila, inga twa jaya mu mubbabbani oonse aa mulimo. Mbubo! Tu yandikana bantu abo bakonzya . . .

211 Baa, Davida wakali ntamizyo yaansi loko yakali mwa kubelekela, kuunka kuyo lwana mubbabbani. Walo, baa, ta—ta kali cintu pele mulombe. Elyo Bbaibbele lya kaamba kuti wakali “mulombwana uugalankene,” mulombwana muniini wakali kuboneka ku ziwezo zya kaindi, antela waziwezo zidiimene, kabeela ka cikutu cambelele kazambaidwe ali nguwe. Ta kajisi limwi lya madigri aya abupampu a kuyiisigwa kabotu. Taakwe nca kazi kujatikizya cceba. Taakwe nca kazi kujatikizya koonse oku kwiiya oko Saulo . . .

212 Saulo wakali mubotu wiinda ngo bakali kukonzya kuba awe, Bishopo Saulo. Ncamasimpe, wa kali mutwe a makuko kwiinda impi yoonse. Baa, wa kali—wa kali umwi wa keelede kuunka a kumulwana, pele wa kayoowa.

213 Elyo sunu tu lizi tu yandikana lubukulusyo. Tu lizi tu yandikana kukopa akati ka bantu. Ta cika toli Mwiiyi wazya Buleza. Ciyo tola kukompama (Aleluya) uyo bweza Ijwi lya Leza mu nguzu zya bubuke bwa Kristo a kujaya cintu eci. Ciyo leta Kristo ku cisi mu i . . . kubalekela kubona kuti Walo ucikonzya kujula meso aa boofu, kponya balwazi, kubusya bafu, alimwi Ngu Leza, Sikuzunda! Ameni. Tu yandikana Davida, wata kayiisigwa mu zikolo zya lwiiyo lwabukombi, tu yandikana muntu oyo utazi cintu kujatikizya ceeco, mulombe sikulimya jamba na cintucimwi, mulombwana umwi muniini a makuko akwe adiimene, uuta kwelelezyi kulanga, bayo boola kweenda kuselemuka mugwagwa a nguzu zya Leza.

214 Baama nibakali kufwa, ba kati, “Billy, Nda kayaama a kukusyoma. Wa kali nguzu zyangu zya kumuuya, waka ndisololela kuli Leza.”

215 Nda kati, “Baama, cindi ni Nda kali mulombe . . . Ntalisyo yesu, mubwini, Irish, tu baanga twa yaamina muna Katolika muniini.” Elyo Nda kati, “I mbungano ya kati—kati ba—ba kali nkamu ya bantu, ba kai endeleya yoonse, zintuzyonse nzo bakacita zyakali kabotu. Nse kakonzya kusyoma ceeco, nkaambo bana Lutherani bakati, ‘Tuli nkamu ya bantu, tula yeendeleya yoonse.’ Iba Baptisti bakati, ‘Tuli nkamu, tula yeendeleya yoonse.’ Kuli banji loko, kuli tubunga twandeene tuli myaanda ili fuka.” Nda kati, “Baama, Nse kakonzya kubikka lusyomo muli ceeco, nguni umwi wabo ululeme?”

216 Boola kujana kuti, Nda amba ceeci cakulibombya a cabubotu, pele Nse syomi cimwi cazyo ciluleme. Mbo mbubo. Nda jokela ku Ijwi lya Leza, Nda kabona eco Nco lya kacita kaindi okuya. (Elyo mpawo, Leza, toonse atu jokele okuya.) Elyo a bukompami, alimwi kwiina lugwasyo lwa kabunga, kwiina lugwasyo lwa tubungwe, kwiina lugwasyo lwa zilengwa zya bupaizi, pele mu buubauba a nguzu zya Muuya Uusalala zya kawa aa Pentekoste, a mulumbe nguwenya oyo Petro ngwa kajisi aa Buzuba bwa Pentekoste, “Amusanduke, umwi aumwi wanu, a ku bapatizigwa mu Zina lya Jesu Kristo kuti mujatilwe zibi zyanu.”

217 Toka tambisigwi mbuli cikama ca basilwiiyo aba lwabukombi, a kkola lyako kalinyona a Baccela ya Artu digrii. Pele, mukwesu, uyooba a cintucimwi mu janza lyako, alimwi kufumbwa kuti Muuya wa Leza uyo njila mu Ijwi eelyo Liyo zunda a kujosya mbelele ezyo zyaka sweeka. Ameni! Kulyaambilila bukompami bwesu! Amusowe Njiisyo yanu ya Buleza a Bukombi! Amusowe kuziba kwanu kwa zyoonse, bumembala bwanu! Koli samununa kumbele lya Leza, kukanana kumuuya, a kuliiita lwako kuti “uteeleli!” Mpawo Leza inga wainka kuyo kubelesya. Uta caambi buyo kuzwa ku mulomo wako, ko cileta kuzwa ku moyo wako.

218 Jakobo, Davida, ba kali samununa beni. Wa kali mukompami kapati akati ka bbunga lyoonse.

219 Amuyeeye zya, ndiza, basilumamba bali zyuulu zili kkumi na mwaanda basilumamba bali cuulu aa cilundu. Boonse babo bakayiisigwa, umwi aumwi wabo kajisi Ph.D., umwi aumwi wabo kajisi masumo, bakali basilumamba. Umwi aumwi wabo wakali Kkopololo *Niini-a-niini*, Praiveti *Niini-a-niini* (akwalo kuli Bapraiveti), Geniro *Niini-a-niini*, Best *Niini-a-niini*. “Silutwe Saulo mupati wantepe zyone, Bbishopu, iiyi, yebo Olemekwa, Munene!” Umwi aumwi wabo kaimvwi awo, bantu bakayiisigwa.

220 Elyo sinkondo kaimvwi aa cilundu, kati, “Nywebo nocikama ca bakandu.” Oh!

221 Elyo kutala mu cilabba kwa kaboola mulombwana muniini, wa ziwezo zidiimene, (O Leza!), mulombwana muniini uuboneka kugalankana, nkwilipo niini kusule lyakwe, a paai ya marizini mu janza lyakwe ya munyina. Alimwi oyo mubbabbani waka yutuka akoompolola lomwe kuciindi kanjikanji. Kati, “Yebo upandulula kundaambila kuti muli nkamu ya basicikolo bayiide awa bayoima awo a kulekela mu Filisiti oyo uutapalwidwe kusampaula Ijwi lya Leza muumi?” Ameni! Kati, “Sena wa muyoowa?”

222 Saulo wakati, “Ikuti na uyanda kuunka, boola okuno. Ndiyo—Ndiyo—Ndiyo kutumina ku cikolo kwa myaka ili

makumi obile lino, elyo Ndiyo kujanina ii—ii Ph.D. Ndiyo kwaambila eco Nceyo cita, Ndiyo kupa buyo digrii lyangu.”

223 Wa kati, “Gusya cintu.” Oh, ma! “Nse yandi cintu cakucita a ncico.” Wa kali kuyanda kusyoma muli Leza. Wa kati, “Ndi lizi eco Leza nca kandicitila kuli *ceeci*, alimwi Ndili libambilide kusyoma Leza mu busyu bwa cintu cili coonse a ncico.” Ameni! Olo nduluzibo lwa Munakristo.

224 Awalo Saulo, cindi naka gwisya cilwanyo cakwe, wa kasamununa cilwanyo zya bupaizi, wa kacita mbuli Davida mbwa kacita. Pele cindi Saulo nakasika ku mamanino aa lweendo, wa kati, “Nda kalwana nkondo mbotu.” Oyo wakali sinkondo wamamanino kuzunda. “Nda kalwana nkondo mbotu, Nda manizya nzila yangu, Nda kabamba Lusyomo. Kuzwida eno kuli bikkidwe musyini wangu, cakuti Mwami, Mubetesi uululeme, uyo ndipa ku buzuba obo.” Kati, “Kutali buyo ndime, pele boonse abo bayanda kulibonya Kwakwe.”

225 Lufu lwa kaindi lwa kati, “Pele Njo kubikka mu maminiti masyoonto.” Elyo cuumbwe cakati, “Njo kukumba kulaale.”

226 Wa kati, “O lufu, luli kuli lumoola lwako? Cuumbwe, kulaali kuzunda kwako? Ndi lizyi Ndi kkede omuno museenengo lyaba Roma, nke angidwe mu nketani, mungo zya maboko a maanza angu, elyo Ndi—Ndi jisi myeengo ili makumi otatwe afuka kusule lyangu. Ndili waano akuumpa meso angu kusikila Nse cikuboni limbi. Nse konzyi kubona ameso angu akunyama, pele Nda konzya kubona musyini wa bululami kaulede kulaale. Ingo zyangu zila dekela. Nda kawa maningi kuzwa ku cinkwa cakabumbwa cakaindi ba kasowa mukati awa, a mbeba zyakandi tantalika, a basiluubilili a zintu, kusikila Nda kompama.” Pele wa kali kukonzya kwiima ku busyu bwa lufu a kwaamba, “Luli kuli lumoola lwako? Cuumbwe, kulaali kuzunda kwako?” a nketani kuzungaana ku maanza akwe. Aleluya! (Nce ncico nco tu yandikana.) “Cuumbwe, kulaali kuzunda kwako?”

I cuumbwe cakati, “Njo kucitya kubola, Paulo.”

227 Wa kati, “Pele kulumbwe kuli Leza, Nda jisi kale luzundo kwinda mu Mwami wesu Jesu Kristo.”

228 Cindi na kakompeme, zya bupaizi bwakwe—bwakwe, zyakwe. . . zyonse zilengwa zyakwe zyaka zimaana kuzwa kuli nguwe. Onse mapepa akwe akunanikwa aka nyangwa kuzwa kuli nguwe. Ta kacili kuzulilwa ku Assemilisi limbi, na i. . . imwi yabo. Mwabona, ta kacili kuzulilwa limbi kuli imwi yayo. Wa kaambaula kunji loko kuli mbabo kusikila balo mabbishopo aka. . . kati, “Yebo waamba kundaambila kuti mwaalumi ubelekela myaka ili makumi obilo mu ntolongo ya Roma kutala okuya alimwi takonzyi ku twaambila kuta lekela banakazi besu kukambauka? Huh! Uta twaambili eco,” kati, “tu lizi kabotu.

Nguni ulya mulombwana kutala okuya, nekuba, ku twaambila kucita *ceeci*, *eco* na *cimbi*?” Kati, “Tu lizi *eco* nco tucita.”

²²⁹ “Inzya,” Paulo wakati, “kuli bantu bali mukubuka mpoonya akati kanu, bayo talika kabunga cakufwambaana loko, buka a kuzwa ku Lusyomo mbuli olo, kutali kuba a Muuya wa Leza.” Kati, “Ba kazwa kale akati kesu nkaambo tiiba kali besu.”

²³⁰ Elyo, ncinzi, sena caka citika? Kaboola moonya mu mbungano ya Katolika; kuzwa ku Katolika kusika kubana Lutherani; alimwi kuyabuya mucindi ca mamanino, Assemblisi ya Leza, cintu nciconya, kucita cintu nciconya.

Kuzwa kumatalikilo, cintu nciconya!

²³¹ Pele, oh, ku mwaalumi na mwanakazi oyo mukompami uukkwenene, oyo umvwisya bukompami bwakwe, uyo lekela Leza ku kubelesya! Nda zumanana buyo kwaambaula, Ndi yeeyela kuti Nda ambaula kwa ciindi cilamfu.

²³² Lino, cakali cinzi? Lino, wa kali... Davida wakali umwi utayiide kapati mu nkamu. Ta kajisi lwiiyo lwa kulwana, ta kazi kujatikizya nkuko. Aboobo taka jisi kwiiya kwa nkondo eyi yaka bikkwa kumbele lyakwe, pele wa kaziba kuti kwakali Leza. Elyo wa kabweza cintu cikompeme maningi; ba kajisi masumo, zilwanyo, buta, a zintuzyonse zimbi, elyo Davida waka jisi nkwilipo niini a bbwe muli njiyo. Pele, mwabona, wa kalizi *eco* ncakali kukonzya kusyoma mo. Wa ka lyambilila bukompami bwakwe, pele lusyomo lwakwe muli Leza.

²³³ Wa kati, “Nse yandi ntobo ali ndime yaku tabya cintu. Ta ndiyandi kuboola kutala kuya, kwaamba, ‘Lino, sa nywebo bakwesu muyo beleka antoomwe a ndime? Ndi zulilwa ku Assemblisi, Ndi zulilwa ku Presbyteria, Ndili muna Methodisti, Ndili muna Baptisti, sa nobakwesu bana Baptisti muya kubeleka antomwe andime?’ Nse yandi kuziba cimwi ca zintu ezyo. ‘Awa, Njo kutondezya mu nkomo yangu, Ndi jisi digrii lyangu. Ndi jisi buyo Digrii lyangu taanzi lya Arti. Ndi zwa ku Universiti iili *Boobu-a-boobu*, Nda—Nda kayisigwa kutala akuya. Nda kaba obo. Oh, Nda konzya kukanana! Ndili *obu*, *obo*, na *bumbi*.’” Ta kali kuyanda cimwi ca zintu ezyo!

²³⁴ Koonse nkwakali kuyanda, wa kati, “Ndi jisi kusyoma kwangu muli Leza elyo mpaawa Nda unka.” Nce ncico. Elyo mubbabbani waka selemuka. Mbo mbubo.

²³⁵ Nce ncico nco tu yandikana sunu, mukwesu. Tu yandikana, sunu, baalumi mbuli Davida, kutali luzibo lwa universiti.

²³⁶ Wa kali Mikaya muniini, Mikaya muniini, mwana wa Imula, bacete, wakakakwa, waka tandwa kuzwa ku tubungwe toonse nkaambo ka kwiima kwakwe kwini kwa Leza. Pele mpaawo kwaka boola muntu wa Leza ciindi cimwi, kunselelo, wa zina lya Josefati, a kwaamba omuya, “Ndi yanda kuziba Ijwi lya Leza lya bwini.”

237 Saulo wakati, “Ndi jisi myaanda yone ya babotu maningi njo kasola kuziba.” Kati, “Boonse bali jisi madigrii abo, boonse bakayiisigwa awa mu cikolo.” Kati, “Baa, balo mbakambausi babotu maningi mbo kasola kumvwa.” Kati, “Ndiyo bagwisya ncobeni nkabela tuyo buzya Mwami nkambo ka ndinywe.”

238 Pele mpawo wa kayutuka okuya nkabela wa kalanga koonse, Josefati wakati, “Inzya, Nda mvwa oyu umwi kaamba *ceeco*, elyo Nda mvwa oyo umwi ku caamba, pele,” kati, “sena uli jisi umwi umbi? Sena to jisi umwi umbi?”

239 Leza wakali kuyo leta mulumbe ku moyo oyu wa bwini. Kwakali omwe biyo wabo wakaimvwi alya, pele Leza ujisi muntu wa oyo umwi. Ameni. Ikuti na kuli buyo moyo omwe wakasimpe, kubusena bumwi Leza ujisi muntu wakwe. Josefati wakali mwaalumi wini, mwaami wakali kuyoowa Leza, alimwi waka jisi kuyeeya kwini kuziba kuti milumbe yabo yakali lubide. Wa kalizi kuti caka liimpene ku Ijwi, ameni (Oh, Mukwesu Neville!), Josefati wakalizi obo.

240 Wa kati, “Ee, Nda—Nda kaselemukila ku bulunguluzi boonse, chaati okuno mu seminari eyi, Ndi jisi umwi aumwi wabo okuno.” Kati, “Ee, langisya awa, oyu umwi ujisi. . . ee, amulange madigri ngo jisi. Amulange oyu umwi awa,” waamba, “amulange—amulange madigri ayo nga jisi. Amulange Zedekiya awa, ngo mutwe wa coonse caco. Baa, ngu bishopo, uli aali ndiswe toonse. Ncobeni uyo bweza ijwi lyakwe!”

Josefati wakati, “Inzya,” kati, “Ndi—Ndi—Ndi. . .”

241 “Ee, amulange, amulange, boonse babo bala zuminana a nguwe. Boonse bali bomwe bupati! Elyo tamu konzyi kwaamba kuti tabali ba Hebrayo. Tamu konzyi kwaamba kuti tabali basinsimi, njeeyi digri ila tondezya kuti mbo babede.”

242 Josefati wakati, “Inzya, Ndi—Ndi—Ndi lizi, Ahabu.” Kati, “Eco—eco cili kabotu, pele. . .”

243 Kati, “Ino uli. . . Mbobuti mboyo ndilomba limbi? Nceeco cikolo cangu coonse! Kuli kabunga akamwi antoomwe.”

244 “Pele sa tojisi omwe oyo utazulilwi ku nkamu eyo? Sa takukwe omwe, kubusena bumwi?”

245 “Ee, ino uyooba buti? Inga waba uutayiide! Ee, ino inga wayanda nzi mulombwana mbuli oyo?”

246 “Pele—pele Ndi mulomba buyo, sa tamu jisi omwe, kubusena bumwi?”

247 “Oh,” wa kati, “inzya, ngooyo umwi uli boobo.” (Ngooyo, oh, alumbwe Leza kuli *ceeco*!) “Ngooyo umwi uli boobo, pele,” kati, “Nda musulaika. Elyo boonse babo bala musulaika, abalo.” Kati, “Twa kabbompa, nkabela baka mutanda kuzwa mu kabunga ako, umwi aumwi wabo.” Kati, “Wa kaselemuka okuno kuzooba a muswaangano, twa kamutanda kuzwa mu dolopo. Iiyi, munene. Ta kukabi a cintu cakucita a nguwe. Ee,” kati “walo

mukompami, alimwi wa kazwa ku mukwasyi wabucete kapati. Bwaambe bwakwe bwa cisyobo mbubbi.” (Uh-huh, mbuli Moody, nywebo mulizi.) “Inzya, bwaambe bwakwe bwa cisyobo mbubi.” Elyo kati, “Mukasimpe, kuli silwiiyo lwabukombi, walo ulaansi loko Ngwe kasola kumvwa. Nsena mvwide cintu mbuli nguwe. Oh, ku mwaya cilengwa cabo. Baa, Buzumini bwabo bwabukombi bwabu Apositolo bwazapaulwa anguwe. Nse na mvwide cintu cili boobo! Oh, wa kacimwaya buyo, nkabela bala musulaika nkabela Nda musulaika, bantubonse bala musulaika.”

248 “Oh,” Josefati wa kati, “talekeli mwaami kwaamba boobo, pele Ndi yanda ku mumvwa.” Walo ulizi eco Elisha ncakali kuyo amba! Wa kalicizi cintu.

249 Leza waka baindilila boonse bakambausi, bapati banguzu, a bapampu, a kubikka Mulumbe Wakwe mu mulombwana muniini oyo wataka taminina kuti taakwe ncakazi. Pele ino wa kacita nzi?

250 Ba kamupa musunko, a kwaamba, “Lino, yebo uambe cintu nciconya ncoba kacita.”

Wa kati, “Njo amba eco Leza nca bikka mu mulomo wangu, kwa mana.”

251 Wa kati, “Ikuti na uyanda kuba muyumu lino, koyeeya uli buyo. . . uli—uli musyobo wa bweende bwa ncililano awa, mulombe. Amuyeeye, mwa katandwa kuzwa ku kabunga ako. Inga balanganya alimwi makania luswaanano lwako ikuti na wakonzya kuzuminana ambabo mu ciindi eci cabuyumuyumu mbuli obu. Toonse tuli bambila kuba a muswaangano mupati,” kati, “ikuti na muyo zuminana buyo a ndime.”

252 Kati, “Nse kaambi cintu cita eco Leza nca kaamba!” Kulimvwanya, sa inga walangila muntu wa Leza kulimvwanya aa Ijwi lya Leza? Peepe, munene, uta bikki muli nguwe.

253 Kati, “Pele uli mukompami. Yebo uzwa ku mukwasyi mucete. Baa, yebo ulizi cintu, inga ba. . .”

“Ta ndikwe makani eco ncoba cita.”

254 “Ee, bayo kutola kuzwa ku cisi kuya ku cisi mu ndeke. Ba kali kucita cintu cili coonse, mwabona, ikuti yebo—ikuti yebo buyo. . .”

255 “Peepe, peepe. Njo amba buyo eco Leza nca bikka mu mulomo wangu.” Leza wakaindilila nkamu eyo yoonse, (iyyi, munene, kwiima kwakwe kwa bwini kwaka cicita) kaindilila myaanda yone a kumupa MBUBOBU MBWAAMBA I MWAMI!

256 Mpawo sena baka Ci syoma? Peepe, munene! Ba kati, “Oyo tali MBUBOBU MBWAAMBA I MWAMI, seminari yesu tai yiisiy zintu zili boobo. Ee, ngooyu bbishopo wesu, wakaamba ijwi, wa kalemba cilengwa. Toonse twa kaboola antoomwe, twa

kabamba zikolo zyesu. Leza uli andiswe! Njiili nzila nja belesya
Leza kuzwa kuli ndiswe cindi Na inka kuli nduwe?”

Wa kati, “Uyo bona, ciindicimwi.” Uh-huh, mbo mbubo.

²⁵⁷ Ino wakali nzi? Wa kali kompeme, pele wa kali umwi
muyumu kapati akati kabo. Nkaambonzi? Nkaambo wa kajisi
Ijwi Iya Mwami. Oh, mukwesu, ino ndwandaano nzi nco cibamba
kujatikizya i...kufumbwa cintu cimbi kufumbwa kuti kojisi
MBUBOBU MBWAAMBA I MWAMI?

²⁵⁸ “Kwaamba, Mukwesu Branham, ikuti na uyo limvwanya
aa Zina Iya Jesu ku lubapatizyo, ee, tu yooba a muswaangano
mupati mu Chicago na masena aya mbuli obu.” Huh! Muyeeya
kuti mula cita eco? Ta ndikwe makani oko nko swaangana
antoomwe, eco nco cita, mukwesu, kokkala a MBUBOBU
MBWAAMBA I MWAMI.

²⁵⁹ Ndi yanda bamwi babo kuboala ku ndaambila awo
Aalubide. Nditondeze mu Ijwi Iya Leza awo Eco mpo cilubide.
Inzya. Taba ka cilanganyi eco. Peepe, munene. Pele Ngu
MBUBOBU MBWAAMBA I MWAMI! Kokkala a Ndilyo, ikuti
na umwi aumwi wabo uku bbompa. Ta ndikwe makani obo
mboya bukompama, “Mpawo Nda ba muyumu.” Cindi ba
nditanda, Leza uyo nditola mukati. Uh-huh, inzya. Leza...
Baku kutanda, Leza uyo kunjizya.

²⁶⁰ A muyeeye, mbaabo basekwa Leza mba bweza lyeonse,
batengwani. Mpawo Wao ubacitya kuba *balemekwa* Bakwe.
Kwayanda ta cizyi mu buumi obu, pele ciyooba muli kumwi oko
kuboala; mwabona, nko nkuko.

²⁶¹ Elyo wa kamupa MBUBOBU MBWAAMBA I MWAMI, ku
kaambonzi? Wa kakkala a Ijwi. Wa kajisi Mulumbe uululeme.
Leza waka mupa cilengaano. I bamwi babo teeba kajisi
cilengaano. Mwabona? Wa kajisi cilengaano. Nkaambonzi?
Nkaambo wa kakkala a Ijwi. Mpaawo mpo twa kabona
zitondezyo a zigambyo. Nkaambo...I bamwi bali mukupanga
mbuli Ndilyo, pele wa kakkala a Ijwi. Lino atu binde.

²⁶² Eliya, ndeelyo mbungano yakwe niyaka mutanda a kumu
siya nkambo ka nyika ya busyaasunu. Nda yeeyela Eliya wakali
basanzide ncobeni atala Iya malasha. Sa tamu yeeyeli obo?
Nywebo mulizi obo Eliya mbwa kabede. Nda ezezya, mu
mulimo wakwe mutaanzi, wa kaima awo a kwaamba, “Baa,
nywebo no banakazi musola kuba mbuli Mulindu Mutaanzi,”
oto tungowani twa tutambo, nywebo mulizi, “Muka Jezebele!
Nywebo no banakazi basunu, mukuba mbuli Mulindu Mutaanzi
wa cisi, kusama mbuli nguwe, kulilemeka mbuli nguwe. Nywebo
no bakambausi!” Oh, ma, obo mbwa babamba kabotu! Elyo
zyoonse zyaka zumanana buyo kuwa kusikila kwakanyina
muntu.

²⁶³ Wa kacita kusika ku mamanino aa lweendo lwakwe mpawo.
Taakwe muntu wakali kukonzya kubeleka a nguwe limbi.

Taakwe imwi ya mabungano yakabeleka antoomwe a nguwe. Yoonse mbungano yakwe yaka musiya, kajokela ku inyika (mbubonya mbo cibede lino), mbo mbubo, kazumanana kujokela ku inyika. Basyoonto loko mbe bakazumanana, umwi aawa alimwi umwi alya, kuboola kuzwa kulaale kulanduka cisi oko nko keelede kuunka kuyo mubona, abumwi bumbi. Wa kali mu ciimo cibyaabi loko, wa kaboola ku mamanino aa luzibo lwakwe.

²⁶⁴ Wa kati, “Mwami, Nda kaima aa Ijwi Lyako, Nda kaamba Bwini. Elyo boonse babo bakaunka kuzwa, kwiina muntu waka syaala awa. Nse jisi, naba omwe wa ku kambaukila.” Ameni. “Iyi, Nda kaima aa Ijwi Lyako, Mwami, elyo lino langa awo Mpe bedede lino, taakwe wabo uyo nditambula. Nda njila mu dolopo, ba lati, ‘Ngooyu waboola mudaala oyo ujisi mizeezo iigambya. Inzya, inzya, ngooyu mudaala wa mizeezo iigambya kaboola ku dolopo, lino uyo talika kulilemeka—kulilemeka bumwi kujatikizya eci awa kupona kwa busyaasunu a zintu zyoonse.’”

²⁶⁵ “Ta mutambuli! Mweembeli, ta belekeli amwi a mulombwana oyo! Peepe, munene!”

²⁶⁶ Mweembeli, “Lino oyo sikwiindilizya mudaala uli mu dolopo alubo. Mwabona, oyo Eliya kubusena okuya, mulombwana mudaala wa lubala. Muta bikkili maanu ku mulombwana oyo mudaala. Amu mulange, ta sami akwalo mbuli mupaizi kasamide zikobela zyakwe zya bupaizi mbuli bwangu (ngowani yakwe, nywebo mulizi; a kwiima kumbele, a kkola koonse, nywebo mulizi).” Kati, “Ta citi . . .” Kati, “Wa—wa . . . ba . . . walo musyobo wandeene wa . . . Walo—walo mulombwana ubaanga ula gambya.”

²⁶⁷ Elyo Nda yeeyela bamwi balombwana bapati bakati, “Nywebo mulizi cintu na? Walo—walo nciimo uli nyongene loko. Uh-huh, iyyi, walo—walo uli nyongene, kapona omuya mu nkanda, kukkala mu zisaka bunji bwa ciindi cakwe, kanjila a cikutu cambelele cizambaidwe ali nguwe. Oh, ma! Elyo mpawo katapatila banakazi! Nse na bwene cintu cili boobo. Muta . . . muta—muta—muta—muta kabi acintu cakucita a nguwe, pee! Muta belekeli amwi!”

²⁶⁸ Ee, nkamu ya bakutausi yakali bungene antoomwe, nywebo mulizi, kati, “Sena—sena nyoonse tamu jisi cintu cili coonse ku . . . Amu mwalekezya, uyo . . . uyo boola kumamanino a kuyeeya kwakwe. Amu—amu leke abwekele boongo bwakwe mwini. Kwa mana, aalekwe alikke.”

²⁶⁹ Pele Eliya mudaala, keenda cakululama ncobeni a Leza, (Ma, ma.) kakkala ncobeni a Ijwi. Ba kali kunga bajisi muswaangano muniini kuselelo okuya, elyo wakali kunga ulanga koonse ku bbunga, kwaamba, “Nyoonse noba Jezebele!”

²⁷⁰ “Oh, camba nciconya! Nse kainki kuyo mvwa muntu oyo alubo! Peepe, munene, Nse kabi a umwi!”

271 Eco tii caka mulesya, wa kakkala mpoonya awo mbubonya buyo. Cindi naka sweekelwa mbungano yakwe, cindi naka sweekelwa zyakwe. . . tubungwe toonse twa ka mulwana, cakali kaindi (cindi na ka kompama) wa kati, “Ndime omwe biyo uusyeede, nkabela bayandaula ku ndijaya.” Kati, “Inga bandi dubula ikuti na basupuka kuli ncico.” Uh huh. Mwabona? “Pele Ndi. . .Ba yandaula buumi bwangu. Elyo Ndime omwe biyo uusyeede, Mwami, ino inga Nda citanzi?”

272 Ca kali mpawo, cindi na ka kompama (nekubaboobo kaimvwi ca bwini, ka lyambilila bukompami bwakwe a zintu zyoonse), kuti Leza wakati, “Boola atala lya mulundu, Ndila kupa mulumbe mupya. Ndila kutumina mulumbe mupya lino. Nda kwaambila kale, ‘Koya ukatapatile zintu ezi,’ lino Ndila kujosya a cintucimwi ca Kuu tondezuya kuti wakali luleme.” Kati, “Wa kacita mulimo mubotu, Eliya. Wa kabaambila kujatikizya Mulindu Mutaanzi, a zyoonse ezyo, a nzila mbo bakacita. Yebo waka tapatila Ahabu a zintu zyakwe zyoonse zyasunu a mabungano oonse aasunu, elyo twa kabaambila bakambausi oko nkoba kali kuzulilwa. Wa kali mukozyanyo. Yebo wakaima awo kakutakwe lugwasyo luli loonse, kabunga kali koonse, kufumbwa cintu kunze lyako, pele wakakkala a Ijwi Lyangu. Lino Ndiyo kupa cintucimwi. Koya kunselelo okuya a kwaambila sikuupaupa oyo, ‘MBUBOUBU MBWAAMBA I MWAMI! Takukabi akwalo mume uyoowa kuzwa ku Julu mane Nka wiite.’” Ma! Ma! Kamutola aatala lya mulundu ku mutondezuya cintucimwi!

273 Oh, inga Nda mubona cifumo eco, kaboola, keenda kuselemuka mugwagwa oyo muna Samaria. Ta kali kweebeka maningi kulanga, masimpe, oyo mutwe wa lubala kaumweka ku zuba, masusu amvwi a malezu kalengelela koonse ku busyu bwakwe, cikutu cambelele. I Bbaibbele lya kaamba kuti wakali “masusu ayebeke,” masusu oonse aali nguwe, Nda yeeyela kuti bwakali busofwi ku kulanga; ako kasamu kaniini kakaindi mu janza lyakwe, a meso ayo maniini kalangide nkoonya ku milengalenga, keenda kuselemuka mugwagwa. Elyo nywebo. . . wa. . . Ndi yeeyela kuti wakalilemeka mbuli wa myaka ili kkumi acisambomwe yakukomena cindi nakali kutandila makumi ali lusele. Ngooyu wakali kuboola, keenda kuselemuka mugwagwa, nkoonya kugama ku Samaria. Mukwesu, wa kacita kuba muyumu mpawo mu bukompami bwakwe, “Nguzu zyangu zili jisilidi. Muta libiliki kujatikizya tubunga, Eliya. Uta pengi kujatikizya mbabo, nguzu Zyangu zyoonse nzo bulide.”

274 Nda yeeya nkeimvwi kumbali lya tempele pati ciindi cimwi, elyo Nda kati, “Mwami, Nda bijilwa kuli mbabo kuboola ku ofesi lyangu—lyangu.”

Wa kati, “Ndili caabilo cako.” Mwabona? “Ndili Caabilo cako.”

275 “Mu—mu bukompami mpawo Ndi—Ndili. . . Nguzu zyangu nziyumu. Luyando Lwangu lulondokede inga lucitwa (Paulo, na Eliya, kufumbwa mbobede) cindi wazwa munzila.” Mwabona? “Mu bukompami bwako, mpawo Nda bambwa kuba muyumu. Ndime Oyo! Ndime Umwi Muyumu oyo uboola mukati a kuzuzya.”

276 Nda konzya kumubona keenda nkoonya kunselelo lya mugwagwa Musamaria, meso ayo maniini aboneka mbuli *boobo*, mulombe, kubaanga nkumwetamweta kumwi ku busyu bwakwe. Mukwesu, wa keenda nkonya kumbele mu busyu bwa Ahabu. Taakwe na kamamauka, kwiina naka vumbilila. Peepe, peepe! Kuuma kungsi lya kaango ako kaniini kasutene lukanda kakali ku moyo a Muuya Uusalala kaupona omuya. Iyi, incobeni! Keenda kuselemuka mugwagwa oyo, keenda nkoonya kutala kumbele lya Ahabu, a kwaamba, “Kutali awalo mume uyoowa mane Nka wiite.”

277 Wakajintauka matende akwe a, kanyona, kujokela kutala mu nkanda wa kaunka. Kati, “Oyo wakali mulimo mubotu, Eliya. Boola atala awa, Nda lailila bacikwaangala boonse ku kusanina eno, alimwi i . . . alimwi ku kkala ansi awa kwa kaindi kasyonto.” Oh, ma!

278 Cindi na kakompeme, mpawo wa kaba muyumu. Iyi, munene. Wa kajala majulu kuti mvula itawi. Nce cindi na kaba muyumu, cindi na kasweekelwa mbungano yakwe, kasweekelwa zintuzyonse nzya kajisi, zintuzyonse zimbi. Pele wa kakkala a Ijwi lya Leza, mpawo wa kajisi nguzu zya kujala majulu.

279 Cindi Jakobo naka sweekelwa nguzu zyakwe zyoonse, mpawo Leza waka mupa nguzu zya kuba sibwami. Mwabona?

280 Cindi Paulo naka sweekelwa lwiiyo lwakwe a lwiiyo lwakwe loonse lwa bukombi, Leza waka mubamba kuba wa missionari kuli Bamasi.

281 Cindi Musa naka sweekelwa nguzu zyakwe zyoonse a kukompama, Leza waka mubamba kuba wanguzu a kumutuma ku Egepita mu nguzu zya Muuya, kali a myaka ili makumi ali lusele yakukomena; malezu kaalengelela ansi, mukaintu wakwe a kambongolo a kana kaniini kakkede aa kasolo kako, a kasako mu janza lyakwe, kaunka kunselelo a kuyo zunda Egepita. Inzya. Mwabona? Kutali a mpi kunze lyakwe, mbuli mbwa kali kuyanda kuunka, pele mu nguzu zya Muuya. Amen!

Cindi wano kompeme mpawo uli muyumu.

282 Kuya buselemuka buyo mugwagwa, taka lumaluma, taka mamauka, ta kacita cintu, keenda nkonya kumbele mu busyu bwa Ahabu, a kwaamba, “Ndi jisi Ijwi lya Mwami.”

Wa kati, “Ndo nduwe oyo uupenzya Israyeli.”

283 Wa kati, “Ndo nduwe oyo uupenzya Israyeli.” Iyi, munene. Oh, mukwesu! Iyi, munene. “Kobaleta bapaizi bapampu mbo

jisi kutala okuno, alimwi atu bone uli ngu Leza.” Mpaawo we. “Kutanta aa Cilundu ca Karimeleki, lekela Leza oyo wakaingula ku Pentekoste avwiile alubo. Atu bone ikuti na Leza ucili Leza nguwenya, ikuti na Jesu ngu mbobuca nguwenya, sunu, amuya myaaka.” Wa kazwa ku mulundu, wa kajisi Mulumbe. Iiyi. Wa kali kompeme ncobeni kale, nekuba, wakasweekelwa zintuzyonse katana cicita. Wa kakeelede kompeme katana kuba muyumu.

²⁸⁴ Bwalo mbuubauba bwa Makanimabotu alaba gambya bantu. Ba sola ku Li bamba kuba cintucimwi cipati cabupampu cimbi, kakuli ndya bubombe. Pele Leza ubweza cibelesyo ncoonya ca bubombe a bukompami a buubauba, kubeleka milimo Yakwe. Eco ncibelesyo buyo mu janza lya Leza.

²⁸⁵ Johane Mubapatizi, Mulumbe wakwe, sikusololela wa Kristo, mubombe loko cakuti Wa kaindilila atala lya mitwe ya bantu. Amuswiilile kwakaindi buyo kaniini. (Nda syoma Nse mujatilide kwa ciindi cilamfu, nywebo nomwiimvwi ku malambo oonse, mwabona.) Amulange! Johane, cindi . . . Boonse basinsimi bakapa bumboni bwa kuboola kwa Mesiya. Umwi wabo wakati “I malundu ayo sotauka mbuli tugutu tuniini twa mbelele.” Bamwi bakati, “I matu ayo kamba maanza awo.” Umwi wakati, “Oonse masena ansi ayosumpulwa, alimwi masena atala ayo fwiinsigwa.” Oh, ma! Ino mbuzuba!

²⁸⁶ Sena mwayeeyela Cikolo ca Basinsimi a muyeeyo wa bupampu kuli ceeco? Oh, ma, ba kajisi zintu zyoonse mu bube bweebeka loko! Pele cindi nicaka citika, kuzwa mu nkanda kwakasika mukambausi mudaala wata kajisi buzuba bumwi bwa kwiiya mu buumi bwakwe, antela bwaambe bwakwe bwa cisyobo bwakali ansi loko. Bawisi bakali bapaizi, pele Leza waka mugwisya kuzwa kuli eco. (Twa kali cijisi mu ciyo ca Munsondo mwakainda.) Taka muzumizya kusanganisigwa a tubungwe, a kumugusya kuya mu nkanda kuyo muyiisya Mwini. Oyo ngo musyobo—ngo musyobo uyo kkala a Ijwi lya Leza.

²⁸⁷ Kazwa mu nkanda, kutandila myaka iili makumi otatwe yakukomena; Nda yezezya cilezu cisiya ka cilengelela koonse ku busyu bwakwe, buboneka bubu; kabeleka kapati kakaindi ka cikutu cambelele kakazambaidwe ali nguwe; kaima mu ntimba, ku mazwi akwe; kati, “Ndime oyo wa kaambwa a musinsimi Isaya.” Elyo tumwi tubungwe twa kazwa; wa kati, “Muta yeeyi kwaamba muli lwanu kuti, ‘Tuli jisi *eci* a *ceeco*,’ Leza ulakonzya ku mabwe aya kubusya bana kuli Abrahamu!” Oh, ma! Nkaambonzi? Wa kajisi MBUBOBU MBWAAMBA I MWAMI! Wa kajisi Mulumbe. Leza wakasinsima kuti wakali kuboola. Elyo kaambo. . . Ca kaboola mu buubauba obo, Ca kaunka kaindilila kukumvwa kwabo.

²⁸⁸ Cindi Jesu nakasika, Wa kati, “Ncinzi ncomwa kainkila kubona, mukanazi wa bupampu oyo uukonzya kucincwa kuzwa

ku Methodisti kusika ku Baptisti, alimwi kuzwa ku Baptisti kuya ku muna Presbyteria, kuzwa ku Presbyteria kuyaku Pentekoste, a Pentekoste ku cintucimwi cimbi? Sena mwakainka kuyo bona tete kali pekema ku muuwo uuli oonse? Kutali Johane!” Kati, “Sena mwa inka kuyo bona mpawo muntu usamide masani mabotu?” Wa kati, “Bali mu ng’anda yabwami iya mwaami, oyo musyobo wa mukutausi.” Wa kati, “Sa mwa inkila kuyo bona, musinsimi?” Wa kati, “Kwiinda musinsimi!”

²⁸⁹ Johane wakali kwiindilila kuba musinsimi. Elyo, amulange, wa kaboola kali mubombe maningi kuli boonse babo. Pele wa kali kwiindilila kuba musinsimi. Sena mulizi obo Johane mbwa kabede? Wa kali mutumwa wa cipangano. Masimpe, mbwa kabede. Wa kwiindilila kukuba musinsimi. Ii *musinsimi* walo mulunguluzi oyo uubona zintu. Johane wakacita, awalo, pele wakali kwiindilila kuli ceeco. Wa kali mutumwa wa cipangano. Wa kati, “Inzya, oyu ngo nguwe wa kaambwa kuti, ‘Njo tuma mutumwa Wangu kumbele lya busyu Bwako.’” Ngo nguwe mbwa kabede, wa kali mutumwa wa cipangano. Masimpe. Mu nzila yakwe ngubauba ya kuboola, caka ofwaazya buyo mupampu.

²⁹⁰ Lino tweelede kujala cakufwambaana loko, kutandila maminiti ambi masyoonto, jisi zintu zisyoonto awa Nze yanda kwaamba, Magwalo amwi a bulembo bumwi.

²⁹¹ Ino kujatikizya mukamufu a busu busyoonto? Waa kali sikide ku kukompama kwakwe, antela wakali jazya nzala mwini. Ta kajisi busu. Ta kakonzya kuunka kuli konse a kulomba busu, taakwe muntu umbi wa kajisi. Pele waa kaboola ku busena, musyomi mulemu, mulumi wakwe wakali muntu mulemu wa Leza. Elyo waa kali mukamufu, kajisi mwana. Elyo waa kajisi buyo busu busyoonto, pele bwakali kukkwana, nku konse nkwakali kuyandikana; kasalazigwa mu maanza aa Leza, waa kaponena ali mbubo kwa myaka yotatwe a myeezi ili cisambomwe, aa busu busyoonto bukkwana mu janza. Waa kali kuya bukompana.

²⁹² Waa zwa cifumo eco kubwezelela tukuni tobile, a kutu tyolaula aku tubikka antoomwe. Mwabona, tukuni tobile twalo Nciingano. Mwabona? Kutyola. . . Waa kati, “Ndi inka kuyo tebba tukuni tobile.” Ta kaamba kuti, “Ndi tebba tuzula mu maanza,” lino, tukuni tobile buyo. Nce ncico. Mwabona i ciiminizyo?

²⁹³ Elyo, inzya, nzila ya kaindi. . . I nzila ya kukutula mulilo eno, nku bweza zikuni aku ziinganya, aku zyumpa eeni akati. Cindi Nda inka kukucita malabba, Ndi. . . mu malundu ciindi camasiku, ku kasya kumvwa mpeyo, Nda bikka cikuni munzila *eyi* a cikuni munzila *eyi*, alimwi ciindi camasiku nku zumanana buyo kusosela zisiko, alimwi cilayaka ncobeni mbuli obo mbuli mbo boola, mwabona, mpoonya a kwiingana.

294 “Ndi jisi tukuni tobile. Ndi yanda kujika cinkwa, ku kanda busu, obu busu busyoonto, akupanga kkekke lyangu a mwana wangu. Tu lilye akufwa.” Waa kali mu bukompami ncobeni, embo na? Waa kati. . . Elyo waa kanyona a kutalika kweenda kujoka. Oh, eco cifumo cipya! Oh, cakali cilamfu ciindi loko mpawo kakutakwe cintu cili coonse. Zintuzyonse. . . Taakwe maanzi, a bantu kaba kwiila, bantu kabafwa, koonse; taakwe cakulomba, taakwe cakucita. Waa kali mu mamanino aa lweendo. Waa kali mu bukompami bwakwe. Waa kati, “Ndiyo cijikila ndime a mwana wangu, elyo mpawo tuyo lya a kufwa.” Aboobo waa kanyona a kwaamba. . .

295 “Aniini buyo!” Waa kacebukila musule. Elyo obo busyu bwakaindi bugalankene bwa malezu kayeeme ku mulyango kunselelo okuya, kati, “Koya ukandi jikile kkekke liniini lutaanzi, a kulileta kuli ndime.” Oh! “Kondi tekela maanzi masyoonto mu janza lyako, a kabeela ka cinkwa, nkambo, MBUBOBU MBWAAMBA I MWAMI!” Oh, ma, oyo umwi waka cita. Oh, ma! Eco ciniini nca kajisi, mwabona, waa kacisalaza kuli Leza. Eco cakali kweelela ku musanizya ciindi coonse. Inzya. Mwabona, cindi na ka kompeme mpawo waa kali muyumu.

296 Umwi waka jisi buyo cilongo a mafuta masyoonto muli ncico. Elyo taakwe nca kajisi, bana bakwe bobilo bakali kuyo sambalwa kuba baange. Ta kajisi cintu cimbi nca kali kukonzya kucita a cilongo eci ciniini ca mafuta. Takali manji maningi, waa kali ku mamanino.

Eliya wakati kuli nguwe, kati, “Ino ujisi nzi mu ng’anda yako?”

Kati, “Mafuta buyo masyoonto mu cilongo.”

Kati, “Koya kuli basimukobo nyokwe, ukabalombe banji kuli mbabo.”

297 Okuya, amulange, kuli bambila akwalo kacitana citika. Hmm? Kolibambila! Davida wakamvwa coongo eco mu ziteo zya malubbeni. Eliya wakabona kkumbi musela buyo wa janza, kati, “Nda mwaa kulila kunjwi kwa mvula.” Ikuti na Leza wakonzya biyo kujana zilongo zimwi zitakwe cintu! Mbo mbubo.

Wa kati, “Kozuzya ng’anda ya nzizyo.” Ameni!

298 Mwabona eco Leza nca yanda? Leza weelede kuba a zilongo zitakwe cintu. Amuswiilile! Twa kajisi njiisyo mpati loko, bufuba loko bwa bupaizi, kusikila twa selemukila ku mamanino aa cinkuli. Kuli cintu comwe luzutu cisyeede, kunyonena kuli Leza a Ijwi Lyakwe. Elyo ikuti na muyo cita eco, amujane zilongo zimwi zitakwe cintu. Kogwisya zyoonse zyaba Methodisti kuzwa kuli mbabo, zyoonse ba Pentekoste kuzwa kuli mbabo, a zyoonse zyba Baptisti kuzwa kuli mbabo, a kuzilekela buyo kuba zilongo, a kuzibikka mu ng’anda. Elyo mpawo kugwisya ku Cilongo eci a kutalika kutila, ameni, kutalika buyo kutila.

299 Waa kajisi kunji kwa kumu mamela a bana bakwe, a zintuzyonse zimbi, a kubbadela nkongole zyoonse. Nkaambonzi? Nkaambonzi? Kuniini buyo kwa kajisi, waka kusalazizya Leza, a kutobela ijwi lya musinsimi oyu, waa kayutuka kali kabotu.

300 Leza, kotu tumina musinsimi uyo bweza Ijwi lya Leza, oyo uta bwezi *cintucimwi cimbi*, pele ubweza buyo zilongo zitakwe zintu. Ikuti na Leza wakonzya buyo kuba a zilongo zitakwe cintu, elyo mpawo kubweza Ijwi lya Leza a ku Li tila mu muntu.

301 Kutali bamwi bati, “Oh, Nda kazungana cindi Ne ka Utambula. Nda kakanana mu myaambo cindi Ne ka Utambula. Nda kazyana mu Muuya.” Ko ciluba, mwabona, ko ciluba!

302 Kokkala buyo awo kusikila Wa boola, kwa mana, mane cilongo cizule. Nce ncico. Eyo nje nzila mbo cicita. Iyi, munene, bubauba bwa Ncico! “I zilongo zya kazulwa,” obo mbo tukonzya kukkala ali ceeco!

303 Ba kali basikwiya, kanyongana koonse buzuba bumwi, Jesu waka baambila, kati, “Kuli bantu bali zyuulu zyosanwe awa,” a kuti, “bali mukuwizuka, bali mukufwa nzala.” Oh, Nda konzya kukkala ali ceeco oora limbi. “Zyuulu zyosanwe, kufwanzala,” kuli nzala ya bali mabbilioni alimwaanda!

Kati, “Koba tanda.”

Kati, “Ta kuyandiki kucita ceeco.” Kati, “Ko basanina.”

304 Oh, ma! Nda konzya kwezeezya kubunganya zintu zyoonse nzobakali kukonzya kujana, alimwi mulizi cindi niba kacita zyoonse (zintuzyonse) kulibunga campi kuti... Mundi jatile bwaambe, “kulibunga antoomwe.” Pele baka bweza zintuzyoonse, ba kati, “Lino, awa, twa inda mu cilabba coonse. Ta tujisi kkobili lya mali, aboobo ta tukonzyi kuba a miswaangano yanguzu.” Nywebo mwabona? “Aboobo tu jisi zintuzyonse awa, pele cintu biyo nco tukonzya kujana mabbisiketi osanwe masyoonto a nswi zyobilo ziniini kuzwa ku kaanda kagalangene kaniini” mbuli Davida, wakazwa mu nkanda mulaale. “Nku koonse nko tujisi. Nku koonse nko tukonzya kujana. Tuli kumamanino esu aa kuyeeya kabotu. Ta tukonzyi kucita cintu cimbi, Johane.” Petro wakati, “Nku koonse nko tukonzya kucita. Nku koonse nko tukonzya kucita. Tuli kumamanino esu aa kuyeeya kabotu. Eco nce cintu cilikke mu bweende bwa cakulya nco tujisi.”

305 Ee, Nda konzya buyo kubweza Lugwalo lomwe luniini, Incito 2:38, nkabela nku koonse nko tubulide, kuswiilila buyo Eco. To elede kwiiya maseminari, koonse kujatikizya *ceeci*, *eco*, i *cimbi*, amu libweze buyo Eelyo. Inzya, kobweza buyo—buyo Eelyo, nku koonse nkoyanda, “Amusanduke, umwi aumwi wanu, a kubapatizigwa mu Zina lya Jesu Kristo kuti mujatilwe zibi zyanu, nkabela muyo zuzigwa Mafuta.” Mwabona? Ko sukumuna buyo, kulibambila kuli oyo Umwi, nku koonse nko yandika. Kobikka buyo dosi mukati kaco, langilila ka cizula.

306 N ywebo mulizi, kwakanyina kukwana mu cilongo eco kwa kubamba dosi muli cimwi acimwi. Ndiza kabweza munwe wakwe, mbuli *oyu*, wakalosya buyo muli cimwi acimwi mbuli boobo; kucebuka nkabela caka zula. Wakalosya buyo, mwabona, nkukoonse nkwa kali kuyandika, nkaambo akali mafuta alelekedwe.

307 Muta bwezi luzibo lumwi lwa seminari. Amubweze Ijwi Iya Leza aku Li losya omuya, kubona obo mbo lyakalino zula.

308 Wa kati, “Ee, ino musyobonzi wa dosi ngo tweeleda kubamba? Ndiza inga twa gusya cintucimwi kuzwa mu Ntembauzyo.”

309 Mubweze eco nce Nda kamwaambila, “Amusanduke, a kubapatizigwa mu Zina Iya Jesu Kristo kuti mujatilwe zibi zyanu, nkabela muyo zuzigwa kuzwa ku Dosi eelyo.” Kulosya buyo eco mukati muya, nkabela muyo zuzigwa kuzwa ku Dosi eelyo. Elyo nde Dosi Petro ndya kabelesya aa Buzuba bwa Pentekoste. Eelyo nde Dosi Paulo ndya kabelesya. Eelyo nde Dosi bonse basikwiya ndiba kabelesya. I cimwi caco ciyo yungizigwa, kobweza buyo Dosi a kutobela eelyo, nkabela cimwi cancico ciyooba kabotu.

310 Wakompama! Wabula cintu! Kaakwe cintu coonse, alimwi kuzwida waawo ciyo zumanana kuloka, nkabela Leza uyo cita zimwi zya kuloka. Ko cita buyo eco. Ko fugama ku mazwi ako a kutambula eco a moyo wako oonse. Lokela mu moyo wako ndyoonya lino a kwaamba, “Leza, Nda Ci syoma, a moyo wangu oonse!” Leza uyo mamela madosi amwi, ayo zula, “Muyo ba- . . . zulwa Muuya Uusalala.”

311 Lino baka jisi mabbisiketi osanwe masyoonto a nswi zyobilo. Aboobo ncenzi ncoba kali kuyo cita? Aboobo ba kaboola a kuti, “Oku nku konse nkotu konzya kubunganya. Tuli kumamanino abupampu bwesu. Ta tukonzyi kujana kabeela kambi ka cinkwa ali oonse, takukwe muntu. Elyo oyu mulombe muniini, antela kalikozyanisya. . . kulikasya kakutakwe kaambo keni, wainka ku cikolo cifumo cino, akuta janika ku cikolo nkabela waunka kukuzela anselelo awa. Elyo twa kamunyamuna kunsalelo okuno ku kalonga, wa kaboola kuzo swiilila. Elyo, okuya, ujisi osanwe.” Alumbwe Leza mulombe oyo muniini! Iiyi, munene. Kati, “Swebo. . . cintu biyo nco tujisi munzila ya buumi ndeeli dosi liniini awa.” Kati. . .

312 Jesu wakati, “Oku nkunji. Koaleta okuno.” Mwabona? “Kolileta awa, Andi tambule. Andi litambule dosi liniini, Njo langanya zimwi zyalayo. Lino, kozumanana buyo kupana mbuli Mbwe kupa kuzwa ku dosi eli.”

313 Elyo umwi aumwi wanu ula bweza kuloka kwa Incito 2:38 cifumo cino, mu moyo wako, a kubweza buyo kuzwa awo a ku Mu langilila katalika kakomona Cinkwa ca Buumi kuli ndinywe. A mweempwa, uka bapatizigwe mu Zina Iya Jesu Kristo mu jatilwa

kwa zibi zyanu, elyo mpawo kubona ikuti na Muuya Uusalala tauwidi mukati, kuzumanana kulokela ali *ceeci* a kuloka ali *ceeco*, kuloka *awa* a kuloka *okuya*, a kuloka *okuya*, elyo kuyooba kuzulwa kwa Muuya Uusalala! Mbubo!

³¹⁴ To elede kuunka ku maseminari. To elede kuba musongo. Cintu biyo ncoelede kucita nkuziba kuti tozyi cintu. Amulekele Leza amu jatilile, Uyo mamela zimwi zyaco.

³¹⁵ Ncibotu, mpawo Jwi lyakati, “Kobaleta okuno.” Eco ncencico Leza nca yanda cifumo cino, ku Mu letela cikama ca zilongo zitakwe cintu. Uyo mamela zimwi zyaco. Iiyi, munene.

³¹⁶ Batimeyu moofu kakkede mumsi lya mulyango, uugalankene, katontola, oh, ciindi cakwe cikompeme loko, cindi na kamvwa Jwi, lyakati, “Amu mulete okuno.” Mbo mbubo, calo, ciindicimwi, nciindi cako cikompeme kapati.

³¹⁷ Kwakali Maria ku kabanda, waka tyokede moyo, Muvwanda wakwe, Mulombe wakwe waka jaigwa, zintu zyoonse, bulangizi boonse bwakamana. Elyo waa kaunka kuyo Mu bikka musamu wakutabola, alimwi akwalo mubili Wakwe tiiwa kaliko. Elyo wa kamvwa Jwi kaliti, “Nkaambonzi ncoompolweda, mwanakazi?”

³¹⁸ Waa kati, “Ba gwisya Mwami wangu. Elyo Nda . . .” Muntu muniini uutakweankwaya, wakali Mwana wakwe wakabikkwa ku sampu; ka Mu samununa mantanda a ku Mwa anzika mujulu awo aa Ciingano, a ku Mu bambula a ku Mu gagaila kutala kuya, nakamana Kutaminina kuba Mesiya, nakamana kuziba kuti Muuya Uusalala waka muvunikila a kuleta Mwana oyu. Wa kali Mwana wa Leza. Waa kabona milimo Yakwe, a zintuzyonse, a kubona mpoonya aa ciindi cakukompama loko . . .

³¹⁹ Alimwi okuya Jesu wakaima kulwana bubi, kaima kulwana tubunga oto, kaima kulwana ba Farisi abo; a kukompama a kulipa Mwini ku lufu, a kufwa mbuli sizibi aa Ciingano, kayumwide zibi zyesu. Nzyoonya Ntembauzyo, mbabonya basinsimi mbe bakasyoma, ka balulula (myaanda ya myaka kale) ngaonya Majwi Nga kaamba a Kalivari, nkabela baakakilwa ku cibona. Zyabo zipati zybupa . . .

³²⁰ “Leza Wangu,” wakaamba Davida, “Leza wangu, nkaambonzi Wa ndisiya?” Ntembauzyo 22, “Mafuwa angu onse, ba ndi dunamina, taakwe lyomwe lya ngawo lityokede. Ba gunana mitwe yabo a kwaamba, ‘Wa kasyoma muli bamwi . . . Wa—Wa kafutula bamwi, Mwini Ta konzyi kufutula.’” Elyo zintu zyoonse basinsimi nzyo bakaamba, zyakali mpoonya awo! Elyo Jesu, kafwa, kajisi Ijwi eelyo, wakalipa Mwini. Leza, Emanueli, waka kompama loko cakuti Wa kalipa Mwini ku lufu, a ku cuumbwe, a buntu Bwakwe ku gehena. Bukompami! Pele kuzwa kukulipa oko kumaninide . . . waka yutuka cifumo ca Pasika, Kai nyonena mu nzila yayo kuzwa ansi eeni.

³²¹ Wa kali Waatala maningi, a kuba waansi maningi. Wa kaboola ku bantu baansi maningi, kaunka ku muunzi waansi

maningi. Elyo muntu muniini maningi mu dolopo wakacita ku Mu langa ansi. Kazwa awo kusika ku lufu, a kuzwa ku lufu kuyaku cuumbwe, a kuzwa ku cuumbwe kuyaku gehena; kusika ansi loko aakalikukonzya kujanja, kusika ku gehena yaansi loko kwakali kukonzya ku yeeyegwa, Wa ka kwiinkila.

³²² Pele mpawo, kuzwa awo, Leza wakatalika ku Mu busya. Kwiinda mu Paradaiso, kuzwa okuya ku i—ku kabanda, a kuzwa ku kabanda kuyaku Bulemu, a Kujulu kapati cakuti We elede kulanga ansi kubona Julu. Kasumpula zyuuno znyabwami Bakwe mu Julu!

³²³ Oyo mutumbu muniini utyokede moyo, mukutaziba eci, kaimvwi alya, “Ba gwisya Mwami wangu, nkabela Nse zyi busena.” Waa kali...oora bbotu liinda kukompama ndya kajisi lyonse. Mwami wakwe—wakwe wakali fwide. Ba ka Mu bambula, kakuli Wa kalekela eci...ku Mu bambula mu mause aaku Mu lengelezya kutala kali cintanda kumbele lya bantu abo; a ku Mu yasa ku lubazu, a kuzwa malowa, a ku Mu mvwa kalila aa Ciingano, a kubona nyika kiizungaana, alimwi majulu oonse akaziba kuti Wa kali fwide. Ka Mu zikka, kayuminide a kutontola, aku Mu bikka mu cuumbwe. Waa kayeeya, “I kulemeka kwa mamanino Nkwe konzya kucita ku Mwana wangu uyandwa nkuboola a ku Mu cita imbaumu, elyo lino ba Mu tola.” Elyo waa kaliimvwi alya kalila, oyo mutumbu muniini kaimvwi alya kalila, akusinta. Oh, ciindi cakompeme loko!

“Nkaambonzi ncoomoka, mwanakazi?” lyakali Jwi kusule lyakwe.

³²⁴ Waa kayeeya kuti wakali sikubamba ku namaumbwe, kati, “Oh, ba tola...” Ta kali kukonzya nokuba kucenguluka, waa kali kompeme loko. Waa kati, “Nda kali kutala lino mazuba aya oonse otatwe a masiku. Nda kaima a kulangilila kubambulwa, Nda kalangilila Muyandwa wangu wini oyo Ngwe zyi wakali Mwana wa Leza. Ndi lizi Mbwa kabede! Elyo nekubaboobo ba...” (Kulanga nzila imbi, a Nguwe kunze.) “Elyo baka Mu gwisya nkabela baka Mu bambula. Nda ka Mu bona kabusya bafu kuzwa ku cuumbwe. Nda ka Mu bona kacita maleele a maleele. Elyo Ndi lizi Muuya Uusalala...Leza ulizi moyo wangu, Nda kanyina kaambo ka cintu cili coonse, alimwi Muuya Uusalala waka ndipa Muvwanda oyo kakutakwe kuziba mwaalumi. Obo Mbwe zyi kuti bwakali bwini! Elyo Nda ka Mu bona kaubausigwa a...kusamununa zisani Zyakwe kuzwa kuli Nguwe, a ku Mwa anzika atala aalya aku Mu samununa cakumaninina. Wa kafwa lufu lubyaabi maningi. Nda Mu yanda, Ta ndikwe makani eco caka Mu citikila. Ndi ciyanda ku Mu zikka, Ndi yanda—Ndi yanda ku Mu pa musyobo wa kuzikkwa uli kabotu, elyo baka Mu gusya. Nda kali mazuba a mazuba, moyo wangu uli tyokede. Ndi imvwi buyo mu ciimo eci. Ta ndizi eco ncoba kacita a Mwami wangu.”

325 Wa kati, “Maria.” Elyo mpawo waa kali muyumu. Ameni! “Koya ukaambile basikwiiya Bangu kuti Ndiyo baswaana mu Galilaya.” Oh, ma!

326 Mu bukompami mpawo tubambwa kuba bayumu. Cindi wano kompeme, nce ciindi noba muyumu.

327 Petro, nakamana kuunka okuya ku kuzela nswi, wa kali. . . ncito yakwe yakali ya kuzela nswi. Nda kabaanga ndaibotelwa ncito yakwe. Elyo aboobo, wa kali kubusena kuya kukuzela nswi, katyompwa koonse, kuziba kuti wa kakakide Kristo. Oh, ma! Kamvwa Musinsimi oyo kaimvwi awo a kumwaambila, “Petro, sena waamba kuti ula Ndi yanda?”

328 Wa kati, “O Mwami, Uli zyi kuti Nda Ku yanda.” Wa kati, “Nda Ku yanda. Ndili libambilide kufwida Nduwe.”

329 Wa kati, “Petro, yebo uyeeya kuti waamba ceeco, pele uyo Ndi kaka ziindi zyotatwe kakutanaba. . . Uyo Ndi tama mukombwe katana kukokoleka ciindi catatu. Wabona, uyo Ndi tama lotatwe mukombwe katana kukokoleka.”

330 Elyo mpawo kubona eco kucitika, cindi na kaima okuya a kuti “Nse Mu zyi. Peepe, Nse zyi cintu kujatikizya mbabo okuya ba Pentekoste.”

331 Tacili ciindi cakuleka kukambauka, ni nkoloko yangu ijisi kulebuka. [Yalo alamu ankoloko ya Mukwesu Branham yalila—Mul.] Mwabona? Kati, “Ndi—Ndi lizi. . .” Nde—Nde elede kwiima lino, pele Nse—Nse konzyi kwiima mpoonya aciindi eci, mwabona, aboobo Nde elede kumanizya ceeci awa aniini buyo.

332 Kati, “Ndi—Ndi—Ndi—Ndi lizi Nda ka Mu kaka. Nda ka Mu kaka mu busyu bwa Pilato. Nda ka Mu kaka mu busyu cindi oyo mwanakazi muniini naka boola muni lyangu, kati, ‘Sa toli umwi wabo?’ ‘Peepe!’ Elyo akwalo kutuka!” Oh, wa kali mu cimo cibbi. Kati, “Nda—Nda—Nda. . .” Waa kaka. . . Wa ka Mu kaka. Elyo wa kali mubwene Jesu kaimvwi akulanga kose, nce ciindi mukombwe na kakokoleka, wakalanga kuli Petro. Wa kazwa. Oh, wa katyompesegwa kuli lwakwe, kati, “Nkaambonzi Nce ponena limbi?”

333 Elyo mpawo, kunze lya ceeco, wa kati, “Ndi yeeya kuti Ndiyo jokela a kuunka kuyo zela nswi alubo. Nse konzyi kukambauka limbi, aboobo Ndiyo jokela buyo a kutalika kuzela nswi.” Wa kawaala manyandi akwe mukati a busiku boonse, taka jata nswi noiba yomwe. Elyo wa kali aa kasena kakompeme, taakwe cintu nca kajisi, katyompesegwa a lwakwe, kaboola ku mamanino a kukonzya kwakwe.

334 Ee, wa kayeeya kuti wakali muntu mulemu, kagwama matwi aa mwana awa mupaizi mupati mbuli boobo. Ee, wa kayeeya kuti wakali mulombwana mulemu, nywebo mulizi, wa

kaiya cintucimwi. Pele ta kazi cintu! Wa kacita kuluba koonse kujatikizya ncico.

335 Elyo ngooyo wakali kubusena kuya, kati, “Ee, Ndi lizi cintu comwe, Ndili muzeli wanswi. Ndi cikonzya kujana akuponena, kuzela nswi.” Wa kawaala busiku boonse nkabela taka jana cintu. Oh, ino nkutyompwa! Ziindi zyoonse naka kasomona, kanyandi katakwe cintu. Elyo wa katyompwa maningi! Wa kali aciindi cakukompama maningi, kati, “Inga akwalo ndalimvwa kusotoka kuzwa mu bwaato obu. Nse eleliku cintu cili conse, nekuba.”

Wa kati, “Sena mwajata nswi neiba yomwe, bana?”

336 Kasondela aa nkomwe, elyo mpaawo kwakaimvwi Muntu. Wa kati, “Peepe, twa fwabalika busiku boonse nkabela taakwe njo twajata. Ndali yeeya kuti Nda kali muzeli wanswi.”

“Sa oyo nduwe, Simooni?”

337 “Inzya. Ee, Nda fwabalika busiku boonse a kuta jata cintu neciba comwe. Oh, Ndi—Ndi. . . Ta tujisi nswi abusena awa.”

Wa kati, “Ee, ko waala kanyandi kako ku lubazu lumbi.”

338 “Twa cita. . . Inzi?” Mpawo wa kaba-. . . Kati, “Ku lubazu lumbi? Twa kali kucita ca musyobo oyo!”

“Koawaala ku lubazu lumbi.”

339 Wa kawaala manyandi aakwe, elyo wa kakwela. Wa kati. . . Mpawo wa kaba muyumu. Oh, ma! Wa kakwempa cikobela cakwe cakaindi a ku cibikka ali nguwe, kati, “Bakwesu, oyo Ngo Nguwe!” Elyo wa kaindila kusika ku nkomwe boonse babo, kabatana konzya kukwasula maato cakufambaana mbuli mbo bakali kukonzya, wa kabaswaanganya, kasamide bbaki lya nswi, kasika ku nkomwe. Nkaambonzi? Cindi na kali muyumu. Cindi na kali muyumu ta kali kukonzya kucita cintu, pele cindi na ka kompama mpawo wa kaba muyumu. Iiyi, munene.

340 Oh, mabambe a Leza nga kubweza zilongo zitakwe zintu mukati azungaanya inyika kubelesya mbabo. (Lino, aniini buyo nkabela tuyo unka.) Mbuli ku Pentekoste, ku Pentekoste, ino Wa kacita nzi? Caka kabatolela mazuba ali kkumi kuti basukumune zyoonse. Pele boonse bakaliimvwi alya a zilongo zyabo kazi pindamwidwe, nkabela Leza waka bweza Mwini aku zizuzya. Kwa mana! Ba kazungaanya nyika; katila Mwini muli mbabo.

341 Oko nko kubula kwa sunu. Eco nco tu yandikana sunu, nzilongo zitakwe zintu, iiyi, munene, aboobo Leza ulakonzya kuzizuzya. Elyo to konzyi kubatola. . . Nde elede kweenguluka kunji awa. Leza takonzyi kuba belesya kufumbwa kuti kabazwide kale. Ikuti na uzwide kwiiya kwa lwiiyo lwabukombi, Leza takonzyi ku kubelesya. Leza weelede kuba a zilongo zitakwe cintu kutegwa A konzye kubazuzya.

342 Lino, Eliya ta kaamba kuti, “Koya ukajane zilongo elyo ukalombe mafuta manji, alimwi tula bona na ta tukonzyi kujana muulo mubotu kuli ngawo, elyo ujisi kwindilila aniini alimwi inga wakonzya kujosya kubbadela simukobo nyokwe mbuli boobo.” Wa kati, “Amujane buyo zilongo *zitakwe* cintu. Nku koonse nko muyandika.”

343 Obo mbo cakabede ku Pentekoste, baka jisi zilongo zitakwe cintu cakuti Leza wakali kukonzya kubazuzya. Mukwesu, buzuba buno busesa eco. Buzuba buno; uleelede kuba a eco. Tu yooba a ceeco na kuloba. Ndiyo jala lino, amuswiilile. Twe elede kuba a ceeco na kuloba. Iiyi, munene.

344 I mincina mipati yabupaizi eyo njo tujisi, i mincina ya mbungano mipati yasikwa itwe, ijisi kunoka muli njiyo. Mukwesu Collins uli abusena bumwi awa, a Mukwesu Hickerson. Ndi yeeya kuti makkilanki shafuti akanyongana. Cintucimwi cakalubila. Ba belesya musyobo uulubide wa mungwimba, ca kasikwa itwe koonse. Ba belesya luzibo lwa seminari mubusena bwa Muuya Uusalala.

345 Lubukulusyo lwesu lupati lwa cisi, muntu wesu mupati, miswaangano yesu mipati ya kuponesegwa, ya kakilwa koonse. Tu lizi kuti yacita. Amulange muvangeli wesu ulemekwa, Billy Graham, kazabuka cisi koonse akoonse, koonse akoonse. Ino mbu botunzi mbo cita? Oral Roberts, miswaangano yanguzu yakuponya koonse, alimwi cili mukubija loko ciindi coonse.

346 Nkaambo boonse mba Baptisti, Presbyteria, Assemblisi ya Leza, toonse otu tubunga tumbi twandeene, tula bungana toonse antoomwe, ino ncinzi? Muncina umbi mupati wa bupaizi, nkabela Leza waka uzuzya kuzula itwe nkambo ka ndinywe. Lino ula kwenauka, “kugweguka,” kupompa, kupompa, kupompa, “kugwenuka,” kupompa, kupompa, kupompa, alo aniini awa a waalya. Wa gola! Wa maninina! I mungwimba wamana, watila meenda muli nguwo. Zintuzyonse zyamana (iyyi, munene), mataya aponca caamaninina ku mabazu obilo. Tuli mu ciimo cibyaabi. I munchini wabupaizi wa kaima.

347 Elyo, mukwesu, civunisia cazwa ku gehena. Mbo mbubo. Alimwi tulonga twa nguzu zya madaimona tuli mukutila kuzwa ku masena onse. Ya zunda masi. Ya zunda tunzenyu mane tuli boledede koonse. Ca zunda mabungano kusikila tabazi cintu cita kabungwe.

Yebo wati, “Sa uli Munakristo?”

“Ndili muna Methodisti.”

“Sa uli Munakristo?”

“Ndili—Ndili muna Pentekoste.”

348 Eco ta caambi limbi, mbuli Mbwe kaamba buzuba bumwi, kwiinda mukuba ngulube, na nkutula, nambizi, na cintucimwi. eco tacikwe cintu cakucita a Neico. Uli Munakristo cindi

wazyalululwa a kuzuzigwa Muuya Uusalala, kutali kusikila eco, alimwi mwa lipa cakumaninina ku Muuya. Ikuti na toli pede ku Muuya, nkokuti tonazyalululwa alimwi to jisi Muuya Uusalala. Inga waamba mu myaambo a kubimba, a kusotauka a kuzuza, a kucita misyobo yoonse ya . . .

³⁴⁹ Paulo wakati, “Nda konzya kuzyula malundu a lusyomo, Nda konzya kuponya balwazi, Nda konzya kuba a luzibo lwa Bbaibbele, Nda konzya kuya ku seminari a kwiiya zintu ezi zyoonse, zintu zyoonse,” kaamba, “Ta ndili cintu pe!” Aleluya!

³⁵⁰ Oh, ma, ambaula makani a civuniso cazwa ku nketulo! Madaimona kaenda koonse, inguzu zya dyabulosi, kungsi lya zina lya Bunakristo, “kuyiisa Njiiso milazo ya bantu,” njiiso zya seminari zyalwiiyo lwabukombi, kusiya Bbaibbele lilikke.

³⁵¹ Aleluya! Nguni ukonzya, nguni muyumu loko, nguni musongo kweelede? Nguni wanguzu loko ukonzya kubamba oyu lejiona usamununa zisani kuzwa ku banakazi besu, mu zina lya bakambausi, Methodisti, Baptisti, alimwi akwalo ba Pentekoste? Kupenta masyu abo mbuli Jezebele, a kugela masusu abo, a kusama tulukwe mbubonya mbuli bamaalumi. Bakambausi besu, kutali kunji kujatikizya mbabo ku baambila kujatikizya ncico. Banjidwe madaimona! Wa kali lejiona wakazapula zisani zyakwe kuzwa kuli nguwe. Nguni oyu dyabulosi uvuluma?

³⁵² Nguni muyumu loko? Ino musyobo nzi ii—wa kabungwe kakonzya ku muzunda keenda atala ansi mu mabwe atubanda twa tubungwe, kulila, “I mazuba aa maleele akainda, alimwi tatuyandi Muuya Uusalala”?

³⁵³ Elyo nguni ukonzya kuvuba dyabulosi oyo? Leza! Ta tukonzyi kucicita kwiinda ku kabungwe. Ta tukonzyi kucicita kwiinda ku mpi ya bupaizi. Pele kwakali Jwi ciindi cimwi elyo lyaka cicita, ameni, eelyo lyaka vuba madaimona, kaba bikka mu mizeezo yabo iiluzi a kubasamika zisani. Eelyo Jwi ndilyonya lyaka tupa cisyomezyo, “I milimo eyo Nje cita muyo icita anywebo.” Toka konzyi kucicita kungsi lya mungwimba wabupaizi mu mootokala wasinkwa kkabboni. Toka konzyi kucicita mu kabunga. Uyo cicita cindi wasukumuna a kukompama, kuli sukumuna lwako, akulekela Muuya Uusalala kunjila a kumwekamweka atala lya kabeela kako konse, aku zuzya civuniso conse ca mubili wako. Eyo nje ilikke . . . kucicita. Ta tuyandiki kabunga kapyo.

³⁵⁴ Eco nco tu yandikana, O Leza, Nda Umvwa kaukunka koonse kwiinda awa lino. Eco nco tu yandikana musinsimi wa Leza kubuka a munzumo wa Leza, lulabo lwa kumuuya olo luyo zungaanya nyika eyi ku mause! Aleluya! Cibikkilo citakwe cintu ncencico Nca yanda, mbo mbubo, Mbungano yakaitwa kuzwa, bace abo bayo tambula nguzu zya Leza a zilongezyo a Mulumbe Wakwe. Aleluya! Nce ncico nco tubulide.

355 Kompama kutegwa ukonzye kuba muyumu. Uyo zunda madaimona onse. Uyo bikka bayiide ku mause. Uyo leta baalumi a banakazi abo Leza mba kaita, alimwi eco luzutu.

356 Amuyeeye, “Mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa muntu, bantu bali lusele baka futulwa.” Mu mazuba aa Eliya kwakali bali zyuulu zili ciloba zyaka Ujisi buyo. Oh, amuyeeye buyo awo mpo tuponena lino. Cindi Johane nakasika aa cilao, mbungano niini ncobeni yakali mu busyoonto, pele kwakali zilongo zitakwe cintu caku tila Mafuta. Aleluya!

Leza, atu lisukumune tobeni.

357 Amuli sukumune, beenzuma. Amu kompame! Kukaka kukonzya kwanu! Elyo nywebo nomuli ku maredio. . .kutali ku maredio, pele kumasena mu. . .abo baswiilila mateepu aya, kufumbwa nko baboola, amuli kunkumune nobeni. Amulitile nobeni aa cipaililo ca Leza mbuli cituuzyo. Lekela Angelo aboole a kkala lya Mulilo, a zuzye cilongo eco a nguzu zya Leza Singuzuzyoonse. Jana. . .Mpawo Uyo kubamba kuyuma, Uyo kupa luzyalo lwa kwiima.

Atu kotamike mitwe yesu aniini.

358 O Mwami, cifumo cimwi ca Munsondo cakamana, alimwi twa kali kkede mu mbunga eyi isetekene, oko baalumi a banakazi abo ba Ku zyi, oko Muuya Wako nkou kkala mu myoyo yabo, alimwi bala Ku syoma a kucitaula aa Ijwi lyoonse eelyo Ndyo—eelyo Ndyo katutuma kucita. Elyo twa Ku lumba ku bantu aba.

359 Elyo inga kwaba bamwi mu cisi oko mateepu aya nkwa younka, oko banakazi baniini babombe a baalumi nkobayo atola mu maanda a kunjila mu mikowa a kumasena mu masi ambi. Elyo akube kuti bamvwe, Mwami, a kumvwisya, bali kunkumune beni kutegwa Muuya Uusalala uba zuzye.

360 Inga kwaba bamwi akwalo kuno cifumo cino, Mwami, abo banga. . .ba lisukumuna lwabo kuzwa ciindi ni twa talika kukanana, abo bamvwisya kuti baka syoma maningi mu miyeeyo yabo beni, yabo beni, ba. . .kukonzya kwabo beni, kusyoma mu i—i bucenjezu bwa mizeezo yabo beni yabuntu, citali cintu pele busofwi kumbele lya Leza. O Leza, akube kuti bali sukumune buyo lwabo eno, kulituula beni cabubombe akuboolela kuzuzigwa Muuya. Ko cipa, Mwami.

Lya kaamba mu Bbaibbele, “Boonse bakasyoma baka bapatizigwa.”

361 Mpaawo kulikkede mu buyake obu cifumo cino, Taata, mwanakazi muniini, uukkede kusule awa kusule, elyo Nda yeeya Muka. Hicks kandi tobela busiku bumwi elyo ngooyo uli lede katali cintu cita mafuwa, tulambi, lukanda twa tulambi tuniini tulaali nguwe, kkulenge lya kamulya; mulumi wakwe, tanaba

Munakristo. Elyo Nda yeeya mupailo oyo Ngwe kapaila busiku obo: “Leza, Wa katuma Davida muniini ku mulavu a nkwilipo niini, nkabela wa kajosya kabelele.” Nda kati, “Kkulenge eli lyajata mucizi wangu; ngu dyabulosi. Ndi lizi kuti Nduwe Leza. Nda ka Ku bona, Mwami, alimwi Ndi lizi. Nda kaambaula a Nduwe, nkabela Wa kandi vuwa.” “Nda boola kutobela mbelele zya Leza; kkulenge, ko mwaangulula!” Mpawo waka mulailila mu Zina Iya Jesu Kristo kuti “Kozumanana kuya ku muunzi.” Elyo mulumi wakwe, oyo wata kalina lipa, kasyoma Ijwi eelyo a kutola mukaintu wakwe ku muunzi. Ngooyu cifumo cino, mwanakazi mubotu wanseba mbotu, kkulenge lyamana, ula boola cifumo cino kubapatizigwa mu Zina Iya Jesu Kristo. O Leza, nda Ku lumba nkambo ka cilongo eco citakwe cintu cili bambilide ku zuzigwa. Leza, Nda komba kuti Uyo longezya buntu obo.

³⁶² Mwami, oyo mukozyanyo buyo wa bamwi banji. Nda komba kuti zilongezyo Zyako zikkale aa bbunga eli, cakusinizya, Leza, cakusinizya. Ikuti . . .

³⁶³ Kuli cintu comwe biyo cisyeede, Taata, eco Nce konzya kubona, nkuti, naa Wa buka kubusena bumwi a zilongo zitakwe zintu mukati akucitya inyika kufwabweeme kuli lwayo, na tuma Jesu cakufwambaana. Kutu mamanino ali waano, Mwami, kuli zintu zzybilo buyo zisyeede zyeedele kucitwa (elyo tweeleda ku cibona mpoonya awo) nkambo tu lizi kuti cili ku mamanino; antela tuyo bona cintu cimwi canguzu kacinyamuka ndyoonya, na tuyo bona Kuboola kwa Mwami.

³⁶⁴ Cisinsimi coonse cazulizigwa. I cintu camamanino Mbungano kiitana kubusigwa, Kataninga kutolwa mu Ciyubunuzyo cipati 3, kwakali kuboola kwa mutumwa ku Bukkalo bwa Mbungano ya Laodikeya, oyo uyaku “sandula myoyo ya bantu kujokela ku matata mataanzi,” kubajosya ku Pentekoste yalyonse, eco ncoba taminina kuba aco. Kuyooaba zyuulu taimuzi zyuulu, mbuli mbo kwakabede mu buzuba bwa Nowa, Mwami, bayo sweeka. Bunji bwabo bayo sweeka. Tula bona eco kacizulizigwa kale, Taata.

³⁶⁵ Boola, Mwami Jesu, kokwempa Mbungano Yako. Elyo ikuti na nduyando Lwako, Mwami, kakutana buyo kutolwa kwa Mbungano eyo, akube kuti kukabuke Nguzu. O Leza, kozuzya zilongo ezi. Ko babusya, Mwami! Kozungaanya nyika eyi alubo! Tu lizi kuti cinooli ciindi cakainda, takukabi kweempwa mpawo, kuyooaba kule maningi kuli mbabo mpawo. Pele kotondezya Nguzu Zyako, Mwami, kozuzya zilongo ezyo a kuzungaanya inyika eyi mbuli kuti tiya kazunganisigwa! Bweza Mbungano Yako mpawo. Kosiya inyika mu lupyopyongano lwayo omo moibede, O Leza, bala pengaana.

³⁶⁶ Mpawo tu lizi kuti Muuya Uusalala mulemu uyo boola kuba Juda mpawo. Cindi twa kubona bali zyuulu zili mwaanda

amakumi one abone kabaimvwi aa Cilundu ca Sinai, kabaimvwi a Kabelele, pele Nabwiinga wakali kale ku Julu. Waa katoledwe kale, elyo Kabelele waka jokela (Josefa) ku kulizibya Mwini ku bantu Bakwe. Elyo Bbaibbele lyakati kuyooba kulila akati kabo cindi baku langa a ku Mu bona kaimikila alya. Cindi Aku liyubununa Mwini, bayo amba kuti, “Nkokuli Nko kazijana nembe?”

Wa kati, “Mu ng’anda ya beenzuma Bangu.”

Mpawo bayo amba, “Wa kali Nguwe oyo ngo twa kabambula.”

³⁶⁷ Elyo Uyo amba mbuli Josefa mbwa kacita, “Uta pengi, nkaambo Leza wakacita eci kuvuna buumi bwa Bamasi. Tee bwa kali butongo bwako.” Mpawo ba kati bayo andaana, mukwasyi omwe kuzwa kuli umbi, baya koomoka mbuli mwana alikke waka tolwa kuzwa ku ng’anda.

³⁶⁸ O Taata, buzuba obo buli afwaafwi, ayo mamanino aa Mvwiki ezyo zili Makumi Aciloba. Kuti ciindi cili afwaafwi, Mwami.

³⁶⁹ O Leza, akube kuti i jwi—i jwi lya basinsimi ba Leza babwini lyakulila kulwisya mulindu oyu wa buzuba, eyi mbungano yabusyaasunu, olu lwiiyo lwabukombi lwa mbungano yabusyaasunu.

³⁷⁰ Kozungaanya bakambausi aba bayoowa kwaamba Bwini. O Leza, bweza baalumi aba a kuba zungaanya mbuli kutanabede, kuba bamba kuusa nsoni lwabo.

³⁷¹ Pele tu lizi eci cintu comwe, alimwi tula konzya kuyaama a kaanzambwene kazwide, kuti, “Taakwe muntu uyo boola cita Taata wamukwela. Elyo boonse abo Taata mba kapa bayo boola.” Bayo sika kuciimo mbuli Mba kali kuyanda kusika. Pele Wa kati, “Uta yoowi, okatanga kaniini, nduyando lubotu lwa Taata wako ku kupa Bwami.” Tu lizi kuti Obo mbwini. Wa katucenjezya lyoonse kuti kuya kuba bace, loko loko baya kulibambila cindi eco cakusika. Mpawo kuyooba bubuke bupati, a boonse bakanununwa abo baka nununwa kwiinda mu makkalo bayo buka. Pele mu buzuba obu bwamamanino, ku ciindi camamanino buyo, okuya Mbungano inga yaba mu busyoonto ncobeni.

³⁷² Aboobo tula bona eco, Taata, tula bona Mulumbe wa buzuba. Tula kubona kukakwa Nguwo, tula kubona kupambukana, tula bona zintu ezi zyoonse.

³⁷³ Tu jana kuti bantu Bako bala lyaambilila kuti taba . . . tabali “cintu.” Ba yanda buyo kuzuzigwa a Nduwe, Mwami. Lino, Nda komba kuti Uyo zungaanya nyika a mbabo, mazuba buyo masyoonto kakutaninga kuba Kuboola kwa Mwami.

³⁷⁴ Lino akati kesu kuli malwazi, kuli bantu bayanda kuponesegwa kwakunyama. Inga tii twa basiya, Mwami,

nkambo kwa kaambwa kuti, “Muta lubi zyoolwe Zyakwe zyonse: Oyo umujatila milandu yanu yoonse; alimwi Ula ponya malwazi esu oonse.” Twa komba kuti nguzu Zyakwe zipati zyakuponya ziyooba aali umwi aumwi uuli waano. Ikuti Wa konzya kufutula buntu okuya kakutakwe kubamba ntaamo, cita biyo moyo wakwe kunyona kutozoya kuli Nduwe, nkunji buti Nko konzya kuponya mubili!

³⁷⁵ Ntootu tutambala tubikkidwe awa. Nda tulongezya mu Zina Iya Mwami Jesu, mbuli Muapostolo mupati Paulo mbwa kacita. Akube kuti bonse baya kusama tutambala otu kuti baka ponesegeva. Akube kuti maanda amwaiikide ayakululwe. Akube kuti bana baniini, batakwe wisi, uutakwe banyina, a mbabo bakandaana, akube kuti muunzi oyo akamantane alubo. Ko cipa, Mwami. Ponya balwazi boonse lino, a bapengede, jana bulemu kuli Lwako.

³⁷⁶ Elyo, Mwami, swebo notu sola kupakamanya zilongo zyesu, meso esu kupakamana, myoyo yesu kupakamanina Nduwe, kukaka kuti akwalo tuli swaangene mu inyika eyi. I Bbaibbele Iya kaamba kuti “Abrahamu wakazwa ku muunzi wakwe, wakazwa ku munzi wakwe, ku kweendeenda mu cisi ca cisyomezyo, kulyaambilila kuti ta ‘kali wa inyika eyi’ pele wa kali ‘muzwakule a mweenzu.’” Abrahamu a Izaka a Jakobo, boonse abo bajisi bumboni obu kuti “tabali ba inyika eyi,” ba tondezya buyo kuti kuli Muunzi Wa Muyasi a Sikuucita wa Leza, nkabela baunka nzila eyo.

³⁷⁷ Akube kuti myoyo icince ndyoonya eno kuciindi ne Ndi komba, Taata, alimwi akube kuti kulanganya kuzuminwe. Elyo cindi milimo ya lubapatizyo yasika, akube kuti kube kukopanya kuli boobo akati ka bantu, akube kuti kube bantu bata kaciyeeya kale, akube kuti ciyubununwe. Elyo Wa kati zyoonse Nzo kaita, Uyo—Uyo tuma.

³⁷⁸ Lino, Nda cituula coonse kuli Nduwe, Mwami, a mulumbe oyu muniini upasaukide kuzwa ku cibikkilo citakweankociya citakwe muli ncico, Mwami. Nda komba kuti Uyo bweza buyo Majwi ayo akwa enzemuna mu myoyo ya bantu, alimwi akube kuti bata kakonzyi kuzwa kuli Ndilyo. Ko cipa, Mwami. Kucipa kuli Nduwe lino, mu Zina Iya Jesu Kristo. Amen.

[Ii mukwesu wapa mulumbe—Mul.]

³⁷⁹ Kuciindi nomu bamba muzeezo wanu, ula sala. “Nkaambonzi ncomuka akati ka mizeezo yobilo?” Mwa kamvwa eco Nca kaamba. Ikuti na Leza ngu Leza, amu Mu belekele; ikuti na inyika ngu kaleza, amu zumanane buyo. Mwabona? Ikuti na nzila ya kabungwe ili luleme, ko zumanana a njiyo; pele ikuti na Bbaibbele lili luleme, nkokuti boola kuli Ndilyo. Mwabona? Amusale oora eli ngomuyo belekela.

³⁸⁰ Atu buyo, mu Muuya, kwiimba ciimbo lino. I Bbaibbele Iyakati, “Ba kaimba ciimbo nkabela ba kazwa.” Atwi imbe

Iwiimbo olu lwakale lwampuwo, *Nda Mu Yanda*, a mitwe yesu a myoyo kiikoteme kuli Nguwe.

Nda Mu yanda,

Lino sala eco ncoya kucita.

Nda Mu yanda

Nkaambo Wa kasaanguna kundi yanda

A kuula lufutuko lwangu

Aa cisamu ca Kalivari.

³⁸¹ [Mukwesu Branham ulang'ung'una *Nda Mu Yanda*—Mul.] Sa inga wa bamba kusala kwako kuba Kristo? Kutali kusala, mbubonya, kolisukumuna buyo lwako, “Mwami, Nseli mubotu. Kunyina cintu muli ndime cibotu cili coonse. Andi lube koonse Nkwe kasola kuziba. Lino boola, Mwami Jesu, talekeli eci kuunka kuta mvugwa kuli mbabo. Andi Utambule a kuzuzigwa a Muuya Wako, Mwami. Kuzwida buzuba obuno, ndilekele kuba Wako cakumaninina.” Kokomba buyo lino, mupailo buyo muniini kuli Leza; mubombe, mupailo oyu, bana, boonse.

Yebo Kabelele wa Kalivari,

Mufutuli Wabuleza;

Koempwa buyo mu moyo wako.

. . .kondi swiilila kuciindi Ne komba,

Gwisya zibi zyangu zyoonse,

O ndilekele kuzwa buzuba buno

Kuba Wako cakumaninina!

Kuciindi Ne enda mu buumi bwabube

bwatuzila twa musinze,

Elyo mafwabi kandi bungilide,

Koba Nduwe Mweenzyi wangu;

Lailila mudima kuba isikati,

Pukuta kuusa, kuyoowa,

Tandi lekeli kusola kuleya

Kuzwa kuli Nduwe kumbali.

³⁸² [Mukwesu Branham wang'ung'una kuti *Lusyomo Lwangu Lulanga Kuli Nduwe*—Mul.] Aba basyoma, bali sukumuna kumbele lya Leza lwabo, alimwi bali kanzide kuti taakwe cintu ciyo sinkila limbi, toka lyaambilili kumwi kukonzya, alimwi ulombozya kubamba kusala, kusoolokede kwini a Leza, i ciziba cili jisi maanzi muli neico, kuli bambila ku lubbizyo. Amuleke banakazi baunke kululyo lwangu, a baalumi ku lumwensi lwangu. Mulimo wa lubbizyo uyooba buyo mu kaindi kaniini. Abo basukumunwa, uli libambilide kuta syoma eco bakutausi nco baamba, eco bapaizi nco baamba, eco tubungwe nco twaamba, pele uyo sala nzila ya Mwami, uyo syoma MBUBOOBU MBWAAMBWA I MWAMI, boola lino.

Kuciindi Ne enda mu buumi bwabube

bwatuzila twa musinze,

Abo bayooba banakazi *okuno*, baalumi *okuno*. Oko nkwiitwa kwanu kwa cipaililo, “Boonse bakasyoma, baka boola akubabapatizigwa.”

. . . Mweenzyi wangu;
Lailila mudima kuba isikati,
Kosinda misozi ya buusu,
Tandi lekeli kusola kuleya
Kuzwa kuli Nduwe kumbali.

383 Mbangaye banakazi muno cifumo cino. . . Nda amba eci mu Zina Iya Mwami Jesu! Mbangaye bauside ku masusu ayo mafwaafwi ngo mujisi, yanda Leza, ku luzyalo Lwakwe, alu lekela ku komena nkambo ka ndinywe? Leza amu longezye.

384 Mbangaye baaalumi ba fwabweeme kuti mula lekela bamakaintu banu kufweba misanga yatombwe, a kusama malukwe oyo azulilwa kuli ndinywe ncobeni?

385 Elyo Bbaibbele lyakati, “Calo ncisesemyo ku meso aa Leza.” Sena mulizi kuti Leza takonzyi kucinca? Ta konzyi kucinca. Uli jisi bulenge bomwe, obo mbusalali. Ta konzyi kucinca. Ikuti na tobi mbuli Nguwe, toka Mu boni, “Kakutakwe busalali taakwe muntu uyo bona Mwami.” Elyo ikuti na usama bulukwe nku. . . kubamba Leza kuciswa mwida Lyakwe a kuluka, Ula cimwa, a *cisesemyo*, “busofwi,” mbobuti mbosola. . . kuba a muuya mbuli oyo muli nduwe a kusola kusika ku Julu? Mbobuti mboya kusika ku Julu a masusu mafwaafwi, kakuli Leza wakati, “Alo mause ku mwanakazi kugela masusu akwe”? Ula kaka milazyo njionya ya kuba ii—ii mukaintu. Leza tacinci. Eelyo ndi Ijwi Lyakwe, mweenzuma, ncibotu waswiilila.

386 Elyo nywebo no baalumi nomuyo lekela bamakaintu banu kucita eco, sa tamu fwabweeme kuli Iwanu? Sa tamu fwabweeme?

387 Mutabi mbuli Mulindu Mutaanzi wa cisi. Koba mbuli Leza! Mwabona? Kalisukumuna lwako kuzwa ku bweende obu bwasonu ibwa nyika, kutegwa Kristo akonzye kulitila Mwini muli nduwe alimwi inga wa zuzigwa ncobeni a Muuya Uusalala.

388 Ta konzyi kucita ceeco, Ta konzyi kucicita, ci—ci Iwana milazyo Yakwe; Na kaunka kuyo Iwana Ijwi Lyakwe, alimwi kuti Ta kaciti; Ta kaciciti kufumbwa kuti—kuti ko teendelani a Ijwi Lyakwe. We elede kuboola. . . Twe elede kuboola kuli Ceci kakutanaba cintu cili coonse cimbi cikonzya kucitwa. Nywebo mulizi obo, umwi aumwi wanu ulizi kabotu obo. Mbangaye basyoma boobo, tambika janza lyako. Masimpe, mula cisyoma, lino atu cite cintucimwi kujatikizya ncico.

389 Leza, koba siluse kuli ndiswe! Obo mbo tu Mu yanda! Mpaawa mpo tubede, toonse antoomwe lino. Amuyeeeye lino, ku Lubeta, ikuti na Nda. . . Nde elede kuyo ima (alimwi eco ndiza kakutanaba masiku) a kulanganya Ijwi lyoonse Nde kaamba. Mwabona, Njo elela ku Li langanya. Lino, amuyeeeye

kuti milandu yazwa mu maanza angu, ya zwa ku manjeezya angu, ya zwa ku buntu bwangu, ya zwa kwa Leza.

³⁹⁰ Ikuti na to. . . Ikuti na wiimwi mu ziimo ezyo nkabela ko tana kumvwa kupegwa mulandu (fyuu!), ncinzi—ncinzi—ncinzi ncoya kucita? Mpawo ulizi kuti Leza tabeleki a nduwe, ulizi kuti wakaindilila kuli Ceeco. Mwabona? Mwa kacindilila Eco. Inga kamunooli bakombi loko lyoonse, inga kamuno zulilwa ku mabungano azimwi zimbi, pele mwa kacindilila kuli Eco. I Ijwi lya Leza lila selemuka mukati a kuleta muntu. Eco nce cintu cibajosya. Mwabona? Aboobo eelyo ndi Ijwi. Nda lomba kufumbwa mukutausi, kufumbwa muntu, kuli koonse, kukaka Eco kulwana Ijwi lya Leza. Mbo mbubo. Tacili boobo, mwabona.

³⁹¹ Aboobo atube Banakristo beni. Akwalo swebo no tusola, bamwi abo basola, tu yandikana kugonkwa a kujikwa. Iiyi, munene, toonse tula ciyanda.

³⁹² Leza, kondi fwida luse. Leza, kondi bweza a kundibumba. Kwalo nko kukanza kwangu, kwamana mvwiki eyi, kwiinka kumbele lya Leza, kuziba eco cakucita citobela. Leza, kondi bweza. Inzi. . . Koonse—koonse kujatikizya ndime, alimwi kuli kunji, oko taku gwasyi, Leza, ko cigonka, ngo mupailo wangu cifumo cino. Kopalula moyo wangu, matwi, buntu bwangu. Kondi bamba, Mwami, kondi bamba cintucimwi eco. . . kufumbwa Nca yanda kuti ndibe. Oyo ngo mupailo wangu.

³⁹³ Kufumbwa cintu Nce yanda kuba, ku cigonka, kundi kosola, Mwami. Nditondezye mu Ijwi, ndaambile, Ndiyo unka nka cicite. Lekela Mwami a caambe, nkabela Njo. . . Ndili mpoonya awo kulibambila kweendelana a ncico. Kufumbwa cintu Ijwi lya Leza nco lyaamba, obo Mbwe yanda kuba. Ndi yanda kuba i—i Munakristo mu Ijwi lya Leza, “Lekela ijwi lya muntu lyoonse libe bubeji, nkabela lya Leza libe bwini.” Sa inga eco teecaba bweende bwa ciindi, sa inga eco teecaba ncico? Sa eyo nje nzila njomu cisyoma?

³⁹⁴ Uyandaula busena bwa lubbizyo, mulombe? Inzya, kusule awa, mukwesu, uta lindili. Ncibotu, nkoonya ku nzila eyi.

³⁹⁵ Bunji bwanu mweelede kuboora, baalumi a banakazi abo bali mbasyomi, bali mukuba. . . kulyaambilila zibi zyabo, ku bapatizigwa mu Zina lya Jesu Kristo. (*Eyi* nzila, mukwesu.) “Mu Zina lya Jesu Kristo kuti bajatilwe zibi zyabo, eelyo bazulwe Muuya Uusalala.”

³⁹⁶ Lino, kuli ndinywe no bantu ba Katolika awa, oko nko kujatilwa kwa cibi. Yebo waamba kuti mbungano ili jisi nguzu zya kulekelela zibi, mbobuti mbungano mboya kalekelela zibi? Leza. . . Jesu wakaambila mbungano, “Kufumbwa zibi nzo mulekelela, kuli mbabo zyalekelelwa. Kufumbwa muntu ngo mwa talekelela, balo zino bajisi.” Mbobuti mbo bakajatila lutaanzi, zibi mu mbungano ntaanzi? Ba kabaita ku lweempo, alimwi baka babbizya mu Zina lya Jesu Kristo kuti mujatilwe

zibi zyabo. Kutali kungsi kanda kalya kulyaambilila; peepe, nconzyo. Pele ba keempwa kumbele lya Leza, mu myoyo yabo cindi niba kaimvwi okuya, nkabela baka syoma. “Elyo boonse mba ka- . . . kasyoma baka bapatizigwa mu Zina lya Jesu Kristo, nkabela baka zulwa Muuya Uusalala.” Ameni. Mula Mu yanda?

Lino atwi imikile.

³⁹⁷ Lino, kuyooba banji bayanda kulindila mulimo wa lubbizyo. Bambi buyanda kuboola, bambi basyoma? Amuboole, lubazu alumwi; baalumi ku kulumwensi; ku lulyo, banakazi. Kosyoma aa Mwami Jesu a moyo wako oonse, a koonse kuli muli nduwe.

³⁹⁸ Lino atu kotamike mitwe yesu antoomwe, kuciindi notu loolola oyu mupailo wa ceelesyo wakubala antomwe, mbuli Mbwe limvwa kusololelwa kweenzu loko kucita ceeci ndyoonya lino. Mbuli mbo tukotamika mitwe yesu, amu kombe andime:

Taata wesu Oyo uuli ku Julu, Alilemekwe Zina lyako.


Bwami Bwako buze. Luyando lwako lucitwe aa nyika, mbuli mbo luli ku Julu.

Ko tupa sunu zilyo nzyo tubula.

Elyo kotu jatila nsotoko zyesu, mbuli mbo tujatila abo batu bisizya.

Alimwi ta tweenzyi mu kutepaulwa, pele tuvune ku bubu. Nkambo Bwami mbu Bwako, a nguzu, a bulemu, kwalyoonse. Ameni.

³⁹⁹ Lino atu kotamike mitwe yesu. Elyo Ndila lomba Mukwesu Neville kuboola kupa mupailo wa zileleko, kwaamba eco cili aa moyo wakwe, elyo mpawo kwaambilizya kujatikizya mulimo wa lubbizyo oyo uli mukubambwa lino.

⁴⁰⁰ Leza amu longeze, ngo mupailo wangu. Njo mukombela, kamundi kombela. Ndi yandikana mipailo yanu ncobeni. 

61-1119 Nguzu Zilondokede Ku Bukompami Bulondokede
Branham Tabernacle
Jeffersonville, Indiana U.S.A.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org